

ASO LULLU, 18 IUNI 2014

Na nofoia le Nofoa e le Fofoga Fetulai i le itula e 9.00 i le taeao.

Tatalo.

FOFOGA FETALAI: Ou te taitonu o lea ua malama i ulugalu ae ufitia i peau le malu o le Tapuifeta lenei aso fou. Ua totofo foi malama ma ua tatou taunuu i le amataga fou o lenei aso faapoopo o a tatou galuega o lenei vaiaso. E momoli atu ai le faafetai ma le faamalo i le faamalolosi mai le paia maualuga o lo tatou Maota i ona tulaga faalupe.

E le mafai lava ona faaititia le tatou faasagi ma le faapoto i le Atua ona o lo o tapuaaoina pea lo outou soifua manuia ma lo outou soifua maua. E faafetai atu i le paia ma le mamalu maualuga o lo tatou Maota i lenei taeao ona o lea ua alafai mai i faguga lelei ma tatou tau mai i manu i lenei aso aua le faaauanina o a tatou galuega ua uma ona faataatia. Malo le onosai, malo le soifua manuia i lenei aso. Alo maia o le a fai le tatou galuega e pei ona faapolokalameina ma le taitonugaga, o le a sao i matau mea uma ma tau i ataata o Tawalei ona o le alofa ma le faatasi mai o lo tatou Tapaau Sili i le lagi.

E le mafai foi ona faagaloina le tapuaiga a lo tatou atunuu. Samoa, faafetai tapuai, malo le tatalo. E taitonu o le taimi e lelei ai lau malolo, a o lo o taunafai pea lau Palemene e faaauau lo matou valaauina. E leai so matou aoga ae matou te tatalo ia ae ma le manuia faiva o lau Palemene ona o lau tapuaiga leleoa. O lenei aso o lea foi ua tatou faatasi ma le paia ma le mamalu i Faautluluga o Matagaluega a le Malo i ona tupu ma ona ee, tamalii ma failauga, faletua ma tausí, saoa ma tamaitai, malo le onosai mai i le tatou Fono.

O le a faaauau a tatou galuega i lenei aso ma lo tatou faamoemoe i le Atua o le a au mai i tatou i mea uma.

TUUNIA ATU O PEPA

Na tolaulanina e le Failautusi Pepa nei ua faataatia i luga o le Lauina a Fono e tusa ai ma le T.T.48.

1. P.P.2014/2015 Nu.49, Tali atu a le Malo i le P.P.2013/2014 Nu.43, Lipoti a le Komiti o Ofisa o le Palemene i le P.P.2012/2013 Nu.18, Lipoti Faaletausaga a le Faalapotopotoga o Tawi mo Faalavelave Faafuasei mo le Tausaga Faaletupe 2010/2011.

Tulafono Tau Faaofi o le Faatatauina o Tupe Faaopoopo (Nu. 2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolafoaiga i luga o le faitauga faalua

E momoli atu le faafetai tele i lenei vaega o le afiafi i taualumaga o le tatou galuega i lenei aso, e manatu o lea ua atoa le sefulufa sui usufono ua tulei saunoa i lenei aso, ma o se laasaga sili lea ona lelei mo i tatou. A toe maua le isi luasefulu taeao, ia o le faanaunautauga lena o le Fofoga Fetalai. Silafia foi o lea tatou te nonofo ae olo ona o nisi o fuafuaga ona o le valaau paia a le Atua i se tasi o tama matua o le tatou Palemene nei, ae i ai lava le talitonuga ma le faamoemoe o le tatou galulue faatasi e taunuu ai i se taunuuga lelei ma vave ona faasolo le tatou galuega e pei ona talosaga atu i le taimi ua sola. Ae faafetai atu i sui mamalu uma sa tulei saunoa i lenei taeao ma lenei afiafi, e talitonu ua tele se tatou galuega ua ausia, faamalo atu le saunoa, malo le tapena faafetai foi mo timaiga uma o lea ua manatu ua faalogologo ma le totofa le tatou Malo. O a foi tiuga ma suaga o le vaatele i lenei aso, o lo o matua atu iina le tuu i lo tatou Maota, i lau Afioa i le Palemia aemaise foi pe a tau siisii le tai i lau Afioa i le Taitai o le Itu Agai. Lauamatootoo, e le ni upu e avane ai, pei oe e le o se tama matua ma lau taalo e fai ma e taalo pisipisi i isi taimi, ae mau le toovae ia te oe le aiga malosi, o le agaga lava ia e avatu pea le faaeaea, ao se tuleiga foi ma saunoaga a sui usufono ia vaatele i lou finagalo. Ao mea uma e manatu tele i le tatou va nonofo ai leaga o le Maota e tiu i ona faalagilagiga, ae teu fatu i ona faaaloga. O lenei la afiafi e momoli atu le faafetai tele i le paia ma le mamalu o le Maota, malo le onosai mai faafetai atu foi i le paia ma le mamalu o tupu ma ee tamalii ma failauga faletua ma tausii saao ma tamaitai i Ofisa Sili o Pulega ma Faalapotopotoga tu maoti, malo lo outou onosai i lenei aso. Faafetai atu Samoa i la outou tapuaiga i lenei afiafi, e talitonu ua tu lalata foi e faia faigamalologa ma tapuaiga ao lo o galulue pea lou Palemene aua le faatinoina o lona valaauina. Taitai lo tatou soifua manuia i le aso fou a taeao, tatou tatalo i le Atua faafetai ua iu ma le manuia lenei aso, tatou tatalo ia taitai lo outou soifua manuia i le aso fou a taeao. Ao lei faaiuina le tatou Fonotaga, ou te tatalo atu i lau Afioa i le sui Fofoga Fetalai, tulai maia e fai se tatou faamanuia e faamanuia ai lenei po ma talosia ai le aso a taeao.

Na motusia Felafolafolafoaiga ina ua tolopo Taualumaga a le Fonotaga i le itula e 7:03 i le po seia aulia le itula e 9:00 i le taeao o le Aso Lulu, 18 Iuni 2014.

18 IUNI 2014

Tuuina atu o Pepa

2. P.P.2014/2015 Nu.50, Tali atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma le Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le Yaitaimi 2012-2014 ma le Lipoti Faaletausaga a le Faalapotopotoga o le Malosi Faa-Eletise mo le Tausaga Faaletupe na faaiuina aso 30 Iuni 2011.
3. P.P.2014/2015 Nu.51, Lipoti Faaletausaga a le Ofisa o le Iolai Sili 1 Iulai 2012-30 Iuni 2013.

TULAFONO TAU FAAOFI O LE FAATATAUINA O TUPE
 FAAOPOPO (NU.2) 2013/2014 MA LE TULAFONO TAU FAAOFI O
 LE FAATATAUINA O TUPE 2014/2015 – felafolafoga faaauau i luga
 o le faitaanga faalua

FOFOGA FETALAI: E tolopo a tatou Galuega i le Aso Fono ananafi o lo o saunao le sui usufono mo Sagaga le Falefa. O le avanoa lelei lenei lau Afoga i le sui usufono, ou te vaai atu o lea ua uma ona e oo i faalagilagiaga, o mamalu, o sa ma faiga o lo tatou itumalo, ae alo maia e amata aua o lea na maua sa e agai muamua i le Minisita mo Galuega, Felauaiga ma Atinae Eseese a le Malo.

Tulai mai le sui usufono mamalu e toe faaauau le saunoga.

Tofa TUISA TASI PATEA (Sagaga le Falefa): E faafetai atu i lau Afoga i le Fofoga Fetalai. E taitonu o lena ua uma ona e faalele le fulu i le vatatea, ua uma foi ona toto le taamu teevao i le va tapuia ma lo tatou Tapaau i le lagi, ua uma foi ona e lagopapae ma paepeulufanua paia o le Maota nei i Tiafau. Ou te le toe seu tafilia la le naa ae na ona seu matatoaga aua e faigata le paia o lenei aso.

Lau Afoga i le Fofoga Fetalai, le Palemia ma lau Kapeneta i Alii ma le Tamaitai Minisita, aemaise foi Minisita Lagolago, lau Afoga i le Taitai o le Itu Agai ma le mamalu o le Maota. Ou te faatalofa atu i lenei foi taeano fou.

E i ai se mea na galo ia te au anapo ona ou te matau atu i lou itu taunatau o lea e taatia mai ai le teu fugalaa. E fia avea foi lenei avanoa ou te faamaise ai i le aiga, le faletua po o le tausi foi ma le nofo-a-alo ona o le tuua o le Malo e le uso a sui usufono, po o le tama, le Fetalaiga Tuliua Anitelea ana o le lagia lava lea o Finao ma maota e fia aua Sao e Fa ma Aiga, a o se usugafono foi aua le Alii o le Itu, le Ati Pouniu ma le Faasau. Ia faamaise le Atua i le tina ma le nofo-a-alo aemaise aiga-na-lua, le nuu ma le itumalo.

Ona ou oo mai lea i le faaauauina o galuega fai a lenei itumalo. Lau Afoga i le Minisita mo Galuega, Felauaiga ma Atinae Eseese, ou te taitonu o lena ua taatia i lau Afoga nisi o talosaga e pei foi ona savavahi mai ai lou itumalo.

Tulafono Tau Faaofi o le Faatatauina o Tupe Faaopoopo (Nu.2) 2013/2014 ma le Tulafono Tau Faaofi o le Faatatauina o Tupe 2014/2015 – felafalafaoiga faaauau i luga o le faitauga faalua

Na ona toe faamanatu atu, tuitui atu ma ta le logo a Masefau aua a tatala mai le faitotoa, faafetai. E talitonu e le o le tausaga nei ona ua tatou pisi foi i le fonotaga, ae mo se tausaga o lumanai.

Lau Afioa i le Minisita mo Galuega, Felauaiga ma Atinae Eeseese, o se auala i Utumoa e pei ona avatu ananafi, e manaomia lava e le Ekalesia ona o nai tagata lotu e faaogaina lea auala agai atu e tau i AeLe.

O lou pitonuu i Levi i Saleimoa, faafaetai tele lava mo le auala, a o le suavai sa amata le tatou galuega ma le i uma lelei le galuega. O le tala na aumai o lo o faatali a tatou paipa. O le mica lea e toe faamanatu atu ai faamolemole lava le Pulega, se i toe tagai ane lava po o ua taunuu mai a tatou paipa ona ua atoa le tausaga o oka faamolemole lava.

O lou nuu i Alamutu ona ua mavaevae foi pulega a lea pitonuu, o lo o manaomia foi le auala. E faapena foi i Lotosoa o lo o manaomia foi le auala galue. O Nonoa, o le tulaga lava lea e tasi. E faapena foi i Utualii ma Tufutele, o auala galue uma lava e manaomia. O le agaga ma le faaaloalo e tuitui atu ai foi ina ia alofagia nei fuafuaga mo nai tagata ua nofo a uta.

Ona ou oo atu ai lea i le Tala Faatatau o le Tupe mo leni tausaga 2014/2015. E fia faamau foi le lagolagoina e leni usugafono ma avatu le faafetai ma le faamalo i le Tulafono Tau Faaofi o le Faatatauina o Tupe Faaopoopo (Nu.2) 2013/2014 ma le Tulafono Tau Faaofi o le Faatatauina o Tupe 2014/2015 i leni tausaga. Ua matau atu ma le totofa ua ave lava le faamuamua a lo tatou Malo i Aoga ma le Soifua Maloloina. E 33.7% ua faamatuu atu mo le Matagaluega o Aoga, Taaloga ma Aganuu ma le Matagaluega o le Soifua Maloloina. Ua faamalo faafetai, ae i ai foi le talitonusaga ua tatau ma onomea aua e tatau ona aaoaina ma soifua maloloina o tatou tagata. E avatu ai le faafetai tele i le Malo e ala atu i lau Afioa i le Minisita ma le Afioa i le Palemia mo fuafuaga aua le faaleleia o ia Matagaluega. E avatu foi nai tuualalo e taatia ane i autafa o lau Afioa i le Minisita mo Aoga, Taaloga ma Aganuu.

O le tulaga i Pre-Schools po o le Early Childhood Education. O le agaga maualalo se i toe tagatagai ane i ai faamolemole. Ou te talitonu o aoga nei a tamaiti laiti e ese le taua i totonu o nuu ma alaafaga aua a lelei aoga laiti faataitai, e umi foi ona nonofo tamaiti i primary schools, ona faaauau atu ai lea i luga i kolisi ma manuia ai a latou aoga. A o le tulaga lea e i ai nei i le tele – ou te talanoa au ona o le tulaga o i ai nisi o nuu o lo matou itumalo ma ou te talitonu foi e faapena le tele o nuu o nisi itumalo. Ona e le o i ai se fesoasoani tele a le Malo mo aoga laiti nei po o aoga faataitai, ae ese le taua aua a lelei ona fofoa atu tamaiti i aoga faataitai, e oo atu i luga i primary schools e umi foi ona nonofo. A o le tulaga lea e aliae mai, o nisi o tamaiti e oo ane i le Year 5 ma le Year 6 ua leai ma le primary school. O le fesili pe atsea. A o le tali, e le masani. E le lelei le preparation i levels ia e i lalo i aoga faataitai.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoga faaauau i luga o le faitauga faalua

Ou te talitonu foi mai nisi o i latou na lelei lo latou amataga mai lalo i aoga faafetai, e umi lava ona nonofo i lalo i primary schools ma lelei atu ai lava i isi level i luga atu. O le popolega o lo o i ai ina ne i t e i ua avea lea tulaga ma mea e faaletonu ai le lumanai o nei tamaiti, aua o i latou nei a toulu mai pe drop out mai primary schools ua leai ni aoga, o i latou lava nei o le a fai ma sasa ma ta i pulega mamalu a ali ma faipule i nuu ma alaalafaga, ma faaopoopoina ai foi le fuainumera o soligatulafono i totonu o faamasinoga ma alu ai tupe a le Malo. O le talosaga la se i toe tagatagai ane i ai ina ia mafai ona i ai ni fesosani tau tupe, e le gata o le faiga o faleaoga nei o pre-schools, a o le faatupaina foi i fataoga ma i latou o lo o faatautata.

Ou te talitonu o lo o faia le galuega lelei a le Early Childhood Council, ae i ai le talitonuga ia matua faatauaina. O le mea lea sa fai e nisi foi o Ekalesia i aso ua mavae, ae e mataunia lava ma le totoia ua faale o ano tele i ai. O le agaga se i alofagia, se i toe tagatagai tasi ane i ai.

E faatasi ai foi ma le popolega o lo o i ai a lenei usugafono ia i latou ua tuua aoga school leavers, o le tele o tamaiti e leai ni galuega, ae i ai se tuualalo lau Afoga i le Minisita mo Aoga, Taaloga ma Aganuu pe mafai ona tagai ane i ai pe mafai ona fai ni tatou community education centres, e mafai ona faipaga ai le Malo ma nuu i tua, ina ia mafai ai ona acao nei e tamaiti ma toe up skill ai i latou ua matutua, o le aim lava ma le naunautaga, ina ia mafai ona maua ni galuega e le gata i totonu o nuu ma alaalafaga ni a latou pisinisi, i mea tau trades, handicrafts, so o se ituaiga matafaioi lava, ia ae o le a fesosani foi i le tamaaiga o le tatou atunuu.

Ona ou oo ane lea i le soifua maloloina, ia e faafetai atu foi i lau Afoga i le Minisita, ua maitaunia lava ma le totoia foi le matagofie o le tatou falemai fou o lo o i ai, ae tele foi le suiga o le tatou customers service ua i ai i totonu o le tatou falemai. E avatu le faafetai ma le faamalo i faaululuga, ae i ai lava ni nai tuualalo, ia o lo o maitau lava le tumutumu pea o le tatou ANE i le taimi e amata atu lava i le ao e tau i le po. Ona i ai lea o le fesili, pe aisea? Ou te talitonu, masalo po o le mumusu o tagata e o i le falemai ia po o le le lelei foi ona faatogaina ia ma vaia falemai o lo o i tua, ae tuituli mai lava ia falemai i Apia. O le mea la ua tupu, ua i ai ma i latou foi ia sa tatou ona o e vaai a latou fomai, family GP, ae ua taunafai lava e faaoga le tatou falemai tele, ae o lo o toatele i latou o emergency cases e tatau ona faamumua. O le tulaga lena o lo o i ai, e tatau foi ona tilotilo le Matagaluega i se isi faiga e faaleleia atili ai lea auunaga, a o mea uma lava, faamalo faafetai i lau Afoga i le Minisita ma le Matagaluega.

FOFOGA FETALAI: Malie le sui usufono o lo o saunua, se i tuu atu le avanoa i le Afoga i le Minisita i le mataupu leaga o lea ua taua le Matagaluega. Tulai mai lau Afoga i le Minisita mo le Soifua Maloloina.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafolaiga faaauau i luga o le faitauga faalua

Afioga Hon Tuitama Talalelei Tuitama (Minisita mo le Soifua Maloloina): Lau Afioga i le Fofoga Fetalai, leai e saolele lava le saunoaga a le sui usufono mamalu. E leai se agaga e faalavelaveina lona alofaiva i lona avanoa ua tuuina mai e lau Afioga mo lana saunoaga, ae pau lava lea ona o le mataupu foi lea e le o po se lilo o lea foi e tele ina aumai ai faitioga i tulaga lava ia i le Outpatient i le umi ona faatali gasegase ma ua faatumulia ai.

E tele lava ni mafuaaga i le taimi nei mo le vaega lea, ona o tulaga foi ia o lea e taumafai ai le Matagaluega ina ia foia. O le isi vaega lea sa taua e le sui usufono, ia o le tasi lena mafuaaga, o le tele foi o gasegase o tatou i aiga i tua, e oo lava i motu i Savaii, e mananao uma lava e fia omai i le falemai tele i Motootua, ma o le ala foi lea o lea e le o agai i ai taumafaiga a le Matagaluega e faaleleia a tatou falemai ia e i tua, ma faasoa atu ai auunaga lea o lo o faatino i le falemai tele ina ia mafai ai ona taofiofia ia le autovaa mai o le atunuu i le tatou falemai tele i Motootua.

O lona lua pei ona silafia i le taimi nei, o lea o lo o faagasolo le galuega mo le ANE e faapitoa lava mo gasegase foi ia faafuasei ia ma gasegase tigaina, ma o lo o i ai le faamoemoe i se taimi a maea le faagasologa o le galuega i le phase two lea o lo o faagasolo nei i le taimi nei, o le a mafai ona tuu eseese ia le ANE faapitoa lava la mo gasegase ia faapitoa tigaina ma gasegase faafuasei, ma le Outpatient. A o le taimi nei o lo o alu faatasi le Outpatient ma le ANE. A oo la ina o atu gasegase e le tigaina tele po o le flu le tale po o isi mafuaaga o feagai ma le toai atu o ni mai tigaina po o ni mai fatu po o a lava ituaiiga mai, po o le stroke po o le a, ia ona agai uma lea o le aufaigaluega e faatino muamua i latou ia ua tigaina, ona taofia ai lea ma mafua ai la le back log lea o le vaaiiga o gasegase tausavali po o Outpatient, ma le mafuaaga lea e tele ina poloka ai le galuega i uta i le tatou falemai tele i Motootua.

O tulaga la na o lo o i ai nei le faagasologa o galuega e talia ai le maea o le faatinoaga o le tatou falemai fou lea e i ai, ma o le faamoemoe o le a foia ai le faafitauli lea pe a mafai ona tuueseese auunaga ia o le Outpatient ma le ANE, ina ia aua ai ne i poloka le faagasologa o gasegase e autovaa atu i le tatou falemai i Motootua.

Lau Afioga ia o se faamalalamalama puupuu lea mo le faafesili a le sui usufono.

FOFOGA FETALAI: Malo. Faafetai faamalalamalama i lau Afioga i le Minisita mo le Soifua Maloloina. Ia tulai mai le sui usufono e faaauau mai le saunoaga.

Tofa TUISA TASI PATEA: E faafetai atu i lau Afioga mo le faamalalamalama foi o lea mataupu, faafetai tele.

18 IUNI 2014

Tulafono Tau Faaoifi o le Faatatauina o Tupe Faapoopo (Nu.2)
 2013/2014 ma le Tulafono Tau Faaoifi o le Faatatauina o Tupe 2014/2015
 --felefolafolaiga faaauau i luga o le faitauga faalua

Ona ou oo atu lea i nisi foi o Matagaluega e pei o le Pulega o Tagata Asiasi Maimoa Mai Fafo. E pei foi ona taua e nisi o sui usufono o le Maota, o le agaga foi lea aua e talitonu o le tele o i latou e omai i totonu o le tatou atunuu e mananao ia umi ona nonofo iinei, ae e toatele lava nisi fai mai e le o tele ni mea e fai, ae talitonu e manaia ae se i toe tagatagai ane i le tele o mataaga. O le isi lava mataaga e pei o Mount Yaea lea e lagomau ai le susuga ia Robert Louis Stevenson. O le isi lena mataaga lelei, ae manaia foi i se faaitaiga pe a fai se tatou cable car. Se taavale e alu agai i luga e o ai tagata asiasi maimoa mai fafo e tafafao ai. O le isi mataaga o le mataaga o lo matou nuu.

O lea ou te tiloitilo atu, o lea ua avea ma logo a le tatou Ombudsman, ia a o le tala foi lea i le tama o Polulehigaga, ou te le hioa po o festiligia matou aua o matou e ona le mea lena, ae ui o lea, o le auga o le faamatalaga e manaia ae fai faalelei ni mataaga faapena ma document faalelei ina ia malamalama lelei ai a tatou tagata asiasi maimoa mai fafo ma umi ai a latou tafaoga. O le faaitaiga lava o le mea o lo o tupu i Fiti, a e alu atu i Fiti, e ave oe i le vaa i le isi itu i le isi island ona e alu lea e te tafao ai i ina. E uma lava le aso o e i ina ona o le tele o activities na e fai ai i ina. E i ai foi nai islands ia e i tai o tatou, e manaia foi ae faapena foi ona fai ina ia faamanaia atili ai tafaoga.....

FOFOGA FETALAI: Malie le sui usufono, se i tuu atu le avanoa i le saunoaga a le Afoga i le Palemia.

Susuga Hon Tuliapera Fatialofa Lupesoliai Aiono Neioti Satele Maheleaga (Palemia): Lau Afoga i le Fofoga Fetalai, e fia faasaoina nisi o saunoaga ua tuuina mai. O mea uma lava ia o lea e taunafai e fai, e leai lava se mea o mea uma nei o lo o lau mai nei e fou, o mea uma na o lea e taunafai le Faalapotopotoga e uunai, ae e faavaatua lava a tatou fuataga nei ona o ala o femalagaiga.

Pe a manatua e lau Afoga, o lea ua agai ina na o tagata asiasi maimoa mai fafo lea e omai lava i alavaa, Niu Sila, Anusetalia ma iinei e faapena Fiti ma iinei. Talu mai ona faamuta le faigamalaga lea i le 2011 lea sa malaga sao ai le Air New Zealand i le vaa o Apia ma LA, ua tele lava aafiaga o tagata e malaga maimoa e omai ai mai Europa ma Amerika, ae ua atili tangata ai ona o nisi e fia omai e tatau ona lele i lato i Niu Sila, ae manatua foi o le vaa e lele atu i luga o Apia o lea tatou te faalogo i isi po o uu ae i o tatou luga, ona lele lea i lato i Niu Sila. A toe fia sau la iinei, ona toe lele mai foi lea iinei. A toe fia foi i Amerika, ona toe lele foi lea i lato i Niu Sila toe lele mai ai i o tatou luga toe alu i Amerika. O lona uiga ua atili tangata ai pasese. O le tulaga lena o lea e faigata tele ai mea nei. E le o vavau na o lo o outou fai mai ai e fia omai ma tumutumu mai ai, a o le tulaga o le muamua amamai, e tele foi galuega ua fai. O mea uma lava ia e saunoa mai ai sui usufono, o la ua document uma mea na.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 — felafolafaiga faaauau i luga o le faitauga faalua

E i ai foi le faaetetega i mea ia o tala foi ia o le vavau lea e ai tagata ai o tatou tagata, ia o mea na e le fiafia ni tagata asiasi maimoa mai fafo e omai i ai. Ae o tulaga o lea e taumafai i ai, o le ala foi la lena o lea sa taumafai i le tatou vaatele e fefefe, e fefefe tele e toe amatalia se flight lea i le va o tatou agai i Amerika, ona o le tuugamau ia o le tele o vaatele lea foi na lavea ai ma tatou, o le alavaa lea ua fai ma fanuatanu o le tele o vaatele. O lea la ua mafua ai ona toe fai le isi taumafaiga na faatalanoa ai ma le Kamupani Vaatele lea a Fiti, afai lava e alualu lelei taumafaiga na, o lona uiga e ono i ai ia ni faigamalaga mai iinei agai i Amerika i le tausaga fou.

O taumafaiga la lena o lea e taumafai i ai. Ua ala ona ou fai atu ona o mea uma ia o lo o outou saunoa mai ai, se o mea na ua uma ona tuu i tofonu o le video o mea e tatau ona fai, ae ala lava ona tuai ona fai nei vaega, ona o mea tau seleni. O gaoioiga foi o lo o fai e tagata asiasi maimoa mai fafo, e masani ona faamatala e faapea, o le keke lea tatou te faasoaina, e alu atu ai ma le fasikeke a le tagata asiasi maimoa mai fafo. E le o se keke e femeiai aua afai lava o le lapotopototo lea, e na o le pau lava lea o le keke ma ona pau lava lena o le tatou keke e faasoa. O lona uiga la a tele mea i le isi matafaioi, ua memei le isi matafaioi pe laitiiti le fasi keke a le isi Matagaluga ma le isi Faalapotopotoga.

O le mea lea ua ou tulai atu ai ona ou te matauina, o lea e tagatasi lava saunoaga i mea ia, ae leai lava se mea o outou taua e fou. O mea uma na o la ua uma ona faamaumau i lalo ma agai i ai faatalanoaga i auale eseese e mafai ai ona faafino ia mea. Ana faapea e mafai ona feausi mai ni tagata asiasi maimoa mai fafo meamanu e le afaina, pe omai foi i ni paopao, a o le mea lea e tupu e faalagolago i vaatele a papalagi. A le lele mai lava la le vaatele tuusao i se tau e talafagagai, o faigata na o lo o feagai ma tatou.

O Fiti o le way boat. O le uiga o lea mea, o i ina lea e taulai i ai femalagaiga a vaatele ma femalagaiga i vaa a lalo. O le ala foi la lena o lea e taoto ai a tatou fuafuaga tetele ia e lua aua e le mailoa pe afai e faataunuu fuafuaga ia e faatalanoa nei pe a amata ona faatele ai atili le malae vaatele i le faaiuga o le tausaga nei po o le amataga o le tausaga fou, faatasi ai ma le fale faace pasese e two storey e i ai ma mea ia osooso ia e fa mo auale e build in, na ona e savali ese lava ma le vaatele e savali mai ai loa i totonu i ina e aunoa ma le toe lavea o oe pe e te susū. E le toe saofia ai foi se mea valea e pei o le mea lea na fai e le tama talu ai i le tele mai o le vaatele o Key, ae alu atu ma lana sitepu tu atu poloka i lalo ma ua le alu ai, ona tūfū ai lava lea o si Palemia ae ua leva ona nofonofo ma faatalifali le vaatele o le a sau, ae o atu poloka mea i lalo ma ua ū i lalo ae ua le agai i luga. Ou te talosia o le a taofi ai i ina ia mea.

O lea e sauni nei le fonu tele o le a usu mai iinei, ae a alu atu ma poloka faapena, o lona uiga e iu ina ave ni maea e suigi mai ai tagata mai luga agai i lalo.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoga faaauau i luga o le faitauga faalua

O tulaga la na o lea ou te faasilasila atu, e leai lava se mea fou o fuafuaga uma ia e aumai e outou, o lea ua uma ona faamamau uma i lalo, ua uma ona tuu i totonu o plans a le tatou Faalapotopotoga mo le ununai o le atinae tele lea, o le atinae lea aupito sili ona tele e toatele tagata faigaluega o lo o galulue ai, e aupito sili foi ona tele atu le tupe e maua mai ai, toefiiti faasefuluina le tupe lea e maua mai i tupe faagaaga e oka ai a tatou oloa nai lo oloa ia e mafai ona avatu i fafo i le tulaga o faatoaga. Ma o le taua o le manatu lea e aumai e le sui usufono, e sao ia i le itu lea o le ununai, ou te faamoni atu foi i sui usufono na muai saunua mai, o le atinae leni e iu ina faalagolago tasi ai le atunuu leni i le lumanai, aemaise lava o tagata e toatele e omai, ona maua ai lava lea o maketi o tatou talo ma tatou fai ma tatou ia i inel lava i Samoa, e le tau tigma e ave i fafo. Aua afai e oo le aofai o tagata i le 500,000 i le tausaga, na o le 135,000 tagata ia e asiiasi mai i Samoa i le tausaga. Ae a magamaga ae oo i le 500,000 i le tausaga, e alu uma lava i ai a tatou mea ia e mafai ona maua i a tatou faatoaga, tatou te le toe mananao e ave i fafo, o le a maua ai lava le maketi i inei, aua o le a le toe o tatou e sue tagata e taunafaina fa'i ma i'a, a o lea o le a omai lava tagata ia i Samoa. O tagata na e tatou foi ona taunamafa ma agai uma mai i ai taunamafa a le aufaifaatoga.

Lau Afoga i le Fofoga Fetalai, o lou tulai atu lena e faamalamalama atu le mea lea ua ou maitauina, pei lava e lima ea lauga na agai lava i le mataupu lea e tasi.

FOFOGA FETALAI: Malo. Faafetai saunua faamalamalama i lau Afoga i le Minisita mo Tagata Tafafao Maimoa mai Fafo po o lau Afoga i le Palemia.
 Tulai mai le sui usufono e faaauau mai le saunuaoga.

Tofa TUUSA TASI PATEA: Faafetai atu i le faauilavea a le Afoga i le Palemia. Ia, o le agaga lava ia o le fia fesasoani atili aua le ununai a atili o tatou tagata tafafao maimoa mai. Ae o le a le toe oo foi la i ai se faamatalaga. Na pau lava le agaga, faafetai atu o lea ua maitau atu o lea e taatia le tatou submarine cable mo tagata tafafao maimoa mai, aua o le tasi lea mea aupito i sili ona taua i tagata nei o le alu i tua e tafao a jif le matafaga, ae mafai ona taaloalo i le internet e tali ai uo la e faatali mai i o latou atunuu.

O le customer service, faafetai lava i le Matagaluega o Aoga, o lea ua maitau atu o lea ua toe oo le tatou atunuu, le latou cultural festival lea e taunau e faalogologo atu foi i le TV, o le aim atoa o leni mea ina ia toe taunafai ona toe tapue tu ma aga faa-Samoa, aua o le customer service a Samoa e base i luga o le aganuu faaloalo, e iloa ava i tagata ma mea faapena.

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaauau i luga o le faitauga faalua

E pei o le mea lena ua tau nisi, ae faafetai i le Matagaluega o Aoga, o lea ua amata ona laga mai i le level lea, e oo ae i luga i le taimi e faigatuega ai, ua masani atili ai.

Ona ou oo atu lea i le tatou returning residence and remittances. E i ai le talitonuga e fia tuualalo atu ai foi i le tatou Malo, o a ni polokalame ma ni promotions e encourage ai i latou nei ina ia toe foi mai i le tatou atunuu, aua o latou nei o lo o maua tupe e mafai ona tala a latou super i inei e omai e aumai tupe i totonu o le tatou atunuu aua ni a latou pisinisi e fesoasoani ai foi i le tamaoaiga o le tatou atunuu.

Ona ou oo atu lea i le tatou SROS, e avatu le faamalo tele i le tatou Matagaluega ona o le tele o nisi o fua o faaeleleaga ma fua o faatoaga ua mafai ona tapena lelei, ua maua foi faamaumauga o le a mafai ona fai i ai nisi o pisinisi, pei o le avoka ma le suauu e maua mai ai, o le ulu, o le koko, popo ma le talo, faamalo faafetai. O le tuualalo i le tatou Malo, e manai a e i ai foi se fesoasoani a le tatou Malo, ou te talitonu o lea ua amata, e fai paaga ma le private sector ona faamatuu loa lea i ai, pe a oo i le taimi e mafai ai e le private sector ona faatinoina nei atinae.

FOFOGA FETALAI: Toe lua minute o le sui usufono.

Tofa TUISA TASI PATEA: Ia, o le manuia lava ma le agai luma o le tatou tamaoaiga e maua ai galuega a o tatou tagata. Toe lua ou minute, ae faafetai atu i lau Afioga i le Fofoga Fetalai. Ona ou oo atu lea i le Matagaluega o Faamasinoga, faamolemole, le Lands and Titles, e i ai lava nai faamasinoga a si ou itumalo o lo o i ai lava foi le talitonuga pei lava foi ona avatu i nisi o Fono a le Palemene, ua tatau lava ona i ai nisi foi i totonu o le taitaiga o faamasinoga a le Land and Titles e lava le silafia i le Tulafono po o le district court judge, ona e iai lava nai faaletonu o lo o tulai mai pea ua uma foi ona avatu tusi, ae oo mai lava i le taimi nei e le i tali mai lava tusi a nisi o lou itumalo na avatu e tali mai ai i mataupu e pei ona avatu. O le agaga lena.

Ona ou oo mai ai lea i le Electoral Reform, ia lau Afioga i le Minisita e maitau atu o lea o le a sui foi si a matou mulumugaveve o le a i ai, ona o Aele, sa i lalo o le sui usufono mo Samoa Atoa, ae maitau atu o lona uiga o lea o le a i lalo o Sagaga le Falefa, ma nisi o matou e faapena foi ona i ai le tutaga lea o le.....

FOFOGA FETALAI: Se i tuu atu le avanoa ona o lea ua e taua le sui usufono mo le Au Palota Taitoatasi. Tulai mai se tasi o sui usufono mo le Palota Taitoatasi, Afioga Maualaivao Pat Ah Him.

Afioga Maualaivao Pat Ah Him (Palota Taitoatasi): Lau Afioga i le Fofoga Fetalai, faafetai lava mo le saunoaga. Ou te talitonu e le tatau ona oo i le vaega lea, aua o lea e le i maufinoa.

18 IUNI 2014

Tulafono Tau Faaofi o le Faatatauina o Tupe Faapoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafaiga faaauau i Iuga o le faitauga faalua

Ou te talitonu lava o lea e fefuilifuisai lava le tulaga lea. Ou te hioaina lava e oo i se tulaga lelei, ae faafetai lava, o lagona vaivai na e faaali atu ai ma le agaga faaloalo.

Tofa TUUSA TASI PATEA: Only if, pe a oo i ai lau Afioega i le sui usufono mamalu, aua a oo i ai, ona faateleina ai lea o le matou lola. O lona uiga o le a ova ma le 6,000 le aupalota a si ou itumalo. O le agaga la e avatu i le tatou Minisita aemaise foi i latou o lo o faatinoina lenei Tulafono, ina ia toe tagatagai ane i ai, ua tatau foi ona lua sui usufono mo Sagaga le Falefa.

Ia, o sau toe soso atu lea, faafetai tele lava i lau Afioega i le Fofoga Fetala'i, ona ua uma foi lou taimi. Ia alofagia e le Atua le Maota, alofagia i tatou uma aemaise Ofisa Sili o Pulega ma Pule Sili o Matagaluega ma Faalapotopotoga a le Malo, o lo o lima ma yae i ai le tatou Malo. Malo le galutue faamaoni i o outou tofiga, o le manuia lena o Samoa. Ia manuia Samoa atoa. Faafetai.

FOFOGA FETALAI: Malo faafetai saunoa i le sui usufono mamalu mo Sagaga le Falefa. E manatu ua faafofoga le tatou Maota e tusa ai foi ma le tulleiga ma le saunoaga i lenei vaega o le taeao. O le a lafo le tatou Iuga i lea Itu o le Maota ona oo atu ai lea i Salafai. Tulai mai le sui usufono mo Siumu.

Tofa Hon TUUU ANASHI LEOTA (Siumu): Faafetai i lau Afioega i le Fofoga Fetala'i. Na o le tolu lava minute o lau Iuga, leaga o lea faatoa maea atu nei lava le saunoaga manino a le Palemia, o mea uma ia ua taunafai atu ai Iuga a sui usufono, o la e ua uma ona faamaumau ma tuu i totonu o plans a Matagaluega taitasi. Ma o le tulaga Ia lea lau Afioega, o le a le tae otaota le Iuga a Tuuu.

O lea la lau Afioega i le Fofoga Fetala'i, ou te muai faatalofa atu i le faafogafoega tapuai mai a Samoa, le tapuaiga leleoa a Lana Afioega Mamalu O Le Ao o le Malo ma Lana Masofa, lau Afioega i le Sui o le Fono a Sui Toifa, aemaise lau Afioega i le Faamashino Sili ma le mamalu i alii ma tamaitai o le Faamashinoga.

Ou te faatalofa atu foi i le tapuaiga a Faautuuluga o Ekalesia i so o se fatafaitaulaga o feoi o le Talalelei o e o lo o latou semana se nogamanuia mo Samoa ma lona Malo tauatiae. Ou te ofo alofa atu Ia i lau Afioega i le Fofoga Fetala'i, faapea foi lau Afioega i le Palemia ma lau Kapeneta, lau Afioega i le Taitai o le Itu Agai ma le paia mauuluga o sui usufono o le Maota Fono o Samoa. O le paia lava lea aua Aiga ma latou Tama, o Tama foi ma o latou Aiga, tainane le aufueta ma le aufuelofoa i le usoga a Tumua ma Pule, Ituanu ma Alataua, Aiga i le Tai ma le Yaa o Fonoti.

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
— felafolafoaiga faaauau i luga o le faitauga faalua

E le faagaloina foi le tapuaiga i le Faigamalo a Tutuila ma Manua i le affio o le Kovana Sili, le Lutena Kovana, le Peresetene ma le Maota maualuga, faapea foi lau Afioga i le Fofoga Fetalai ma le Maota o Sui. O le paia lava lea i le affio o Faasuaga ma le Fetalai ma le Maota o Sui. O upu i le Faleagafulu, le affio o Alii Faatui ma le affio o Alii, le Laau Amotasi, alaialatai Tootoo o le Faleula ma upu i le Manuatele.

Ou te fia faatalofa atu foi i le tapuaiga a si ou itumalo i le paia ia Sa Asomua ma Aiga e Lua, lau Fetalai Tuuu ma lo outou Aiga Sa Tuuu, le Faleua o Tulafale, le Fofoga o Alataua, Utaileuo ma le mamalu i le Faletolu. A o se tapuaiga mau foi i le Aufaigaluga Paia a le Atua o lo o faafalemalu i totonu o le tatou itumalo au se manuia o le tatou affoaga. Ia, le paia e ia Sa Asomua ma Aiga, tapuai maia ma le manuia ae se i fai lava sina sao puupuu i le Tala Faatatau o le Tupe e pei ona lauiluina i totonu o le Palemene.

Lau Afioga i le Fofoga Fetalai, o le Tala Faatatau o le Tupe lenei, o le Tala o le Tupe a le Malo, o le Tala o le Tupe a le Afioga i le Minisita o Tupe, le Afioga i le Palemia, le Sui Palemia, le Kapeneta ma Minisita Lagolago. E leai la se isi faasala ese ai, e matua lagolago uma i ai le Malo. Lau Afioga i le Fofoga Fetalai ua ou tulai atu ma lou faaloalo....

Afioga Hon Palusalua Faapo II (Taitai o le Itu Agai): Lau Afioga i le Fofoga Fetalai o se mea e fia faasao.

Tofa Hon TUUU ANASII LEOTA: E fia faaalua ua matua lagolagoina le Tala o le Tupe lenei.

FOFOGA FETALAI: Malie le sui usufono mamalu se i tuu atu le avanoa i le mea e fia faasao e le Taitai o le Itu Agai. Tulai mai lau Afioga i le Taitai o le Itu Agai.

Afioga Hon Palusalua Faapo II: Ou te le fia faalavelave i le saunoaga matagofie a le sui usufono, ae na pau lava le mea e fia faasao, o le Tala o le Tupe o le Tala o le Tupe a tatou uma. O le ala lea o le aumai i le Palemene e pasia atu ai, ona o le Tala o le Tupe a le Palemene, a o outou na e faatinoa. E pei o le mea lea e fia faasao ne i te i ua aveese matou faapea matou te le i ai i le Tala o le Tupe, a o le tulaga lena e faasao ai le saunoaga.

FOFOGA FETALAI: Se i tulai mai lau Afioga i le Palemia.

Susuga Hon Tuilaepa Fatiafola Lupesoliai Aiono Neiote Saillele Malilegaoti: Lau Afioga o lea e sao le Taitai o le Itu Agai i le taimi e pasia ai, a pasia loa faatou tau o le tatou Tala o le Tupe. A o le taimi o lea e aumai ai, o lea e tau lava o le Tala o le Tupe a le Malo.

18 IUNI 2014

Tulafono Tau Faafii o le Faatafauina o Tupe Faapoopo (Nu.2)

2013/2014 ma le Tulafono Tau Faafii o le Faatafauina o Tupe 2014/2015

– felafafafaiga faaauau i luga o le faitauga faalua

Aua ana faapea e aumai loa le Tala o le Tupe tutu mai loa latou uma pasi loa e aunoa ma le teteē, semeamanu e amata mai lava i le amataga o le Tala o le Tupe a le Palemene, ae o lea e le i oo i ai o lea lava e faalogologo. A alu alu loa ua io i ai i latou, ona faatoa tau loa lea o le Tala o le Tupe a le Palemene atoa. O la e la e sao le saunoaga a le Minisita Lagologo. O le sui usufono foi o lo o saunoa nei, o le sui e malamalama ona sa Minisita, o le Taitai foi o le Itu Agai, o la e foi e malamalama, a o uiga lava ia o la e foi e fai le latou pitofiaau.

FOFOGA FETALAI: Tulai mai le sui usufono mo Siumu e faaauau le saunoaga.

Tofa Hon TUUU ANASII LEOTA: Faafetai i lau Afoga i le Fofoga Fetalai. O lea ua saunoa manino le Palemia e tali ai le fauilavea a le Afoga i le Taitai o le Itu Agai.

Lau Afoga i le Fofoga Fetalai, ua ou tulai atu e faaalua lou matua lagolagoina o le Tala o le Tupe, leaga o lea ua saunoa le Palemia, leaga e ese le manatu lea e i ai le Taitai o le Itu Agai. O le manatu o le Taitai o le Itu Agai ia aua ne i ou tulai e pasia le Tala o le Tupe.

Lau Afoga i le Fofoga Fetalai, o lea na saunoa manino ananafi le....

Afoga Hon Palusalue Faapo II: Lau Afoga i le Fofoga Fetalai o se mea e fia faasao.

FOFOGA FETALAI: Ia, leaga o lea ua e tana le suafa o Palu Taitai o le Itu Agai. O i ai se mea faapea i lou finagalo Palu?

Afoga Hon Palusalue Faapo II: E leai se agaga ia te au, o latou lava, ioe. O latou lava. O lea ua tuuafuaina lenei Itu aemaise o au, e leai, e lagolago le Itu lenei i le tatou Tala o le Tupe. Na o fautuaga o lea e avatu e faaleleia atili ai, ae sese lea saunoaga faapea o lea ou te manao e aua ne i... O latou lava, ma lou faaaloalo.

FOFOGA FETALAI: O e fautua lelei ia Tuuu Palu? O lea e mava lava na o le lua fuifuilua i mea uma, fuifuilua i le lotu, fuifuilua i faafafaga, fuifuilua i malū.

Tulai mai Tuuu e faaauau mai le saunoaga.

Tofa Hon TUUU ANASII LEOTA: Faafetai. Ia, o lea e molimau lau au lakapi aua o au e kapeleni. O le saunoaga a Palu, o le mafuaaga o le fatou au lakapi, ia soloia, aua ne i pasia le Tala o le Tupe.

FOFOGA FETALAI: E leitoa la outou faitaina ona o le mafuaaga lena.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoaiga faaauau i luga o le faitauga faalua

Susuga Hon Tuilaepa Fatialofa Lupesoliai Aiono Neioti Sailele Malielegaoli: Lau Afioa i le Fofoga Fetalai, masalo o le mataupu lenei o le mataupu ou te fautuaina sui usufono uma ia e agai atu ai auala i totonu o latou afioaga, aua le tuutuua i lalo le taua o auala nei mo outou lava. Ia outou faataua. Ae a uunai loa auala ia o Samoa atoa, o lona uiga, ua outou nonofo lava outou ma tau atu i o outou itumalo, e le taua auala ia, a o la e faataua e tagata o itumalo. O lona uiga la, a saunoo atu loa le Minisita, faitau ane ai ma auala ia e \$12milliona, ia o mataupu na e tataua ona... ua outou faalogo i ai, ua tele le mea lea ua sau ia tatou. Aua le tetee esea mea ia, leaga e tumau lava le tulaga o le aoga o auala nei. O lau upu foi lena na fai i le isi sui usufono mo Falealili ina ua matou o atu e tatala le latou auala. Na faafetai mai lava lea o le sui usufono mo Falealili faatoa fai lea o se auala. Ona ou faamanatu lea i ai, Alii e, o le auala lea e sau mai Siumu e tau i Lotofaga, o le auala uma lava o Falealili atoa, aua foi o le nuu o Falealili sa i tai, a o lea ua sii mai uta. O le auala lea e nonofo ai, e le gata o le auala o le auala o le Malo, a o le auala galue foi aua ua manuia latou o lea ua nonofo tonu i luga o mea o lo o futu ai a latou faatoaga, e sili atu i tulaga o le latou tamaoaga ua i ai, e le faatusalia i nuu ia e pei o nuu la e oo mai nei o la e tumatafaga fale, e tau o i uta omai i tai, o i uta toe omai i tai. Se i vagana la le taimi lenei o lea ua o ai auala i uta ua tala i ai nisi o afioaga nei. O la e la ua atili faaopoopo atu i ai le manuia.

A o le tulaga lava o auala nei, a ta faalogo mai loa ua alu atu, manatua ane auala na o lea e lavea atu ai ma lou itumalo, ona aua lea ne i tetee fua, aua e o loa tagata o la e elieli lou tuugamau. O tatou uma lava lea e i totonu iinei, ia tatou manatua, o faatumutumuga tofiga nei tatou te umia, e fia omai uma lava i ai tagata o tatou itumalo. E ta te nonofo lava la iinei, ae i ai foi isi o la e elieli malie lou tuugamau. O lena e te nofo lava oe ma tuu i lalo le taua o galuega tetete nei, e le na o le itumalo e manuia ai, e manuia atoa ai le atunuu atoa. O lona uiga ua e nofo lava oe ma eli lou tuugamau, ua faaloataua ai ma i latou o lo o faifitii mai ia te oe.

Lau Afioa i le Fofoga Fetalai, pei o sau faaopoopoga lena ona o le tu soo mai o le sui usufono lea mo Samoa Atoa e tuu i lalo. O i i totonu o le taulaga, i totonu lava o le taulaga, e amata mai lava i Vailele e alu i talaatu o Toamua, o galuega uma lava nei, o galuega o lea e manuia ai sui usufono nei Palota Taitoatasi. O le mea la lea, oulua ia o lo o lua i totonu o le Iio lea, a oulua faafofoga mai lava ua alu atu lua tutu ae, faafetai i le Minisita, faafetai i le Minisita, ia faafogafoga mai pea tagata o lea e te lua manongi atu ai ma oulua i. Ae afai soo se mea ma oulua tutu mai fai mai e leai o Samoa Atoa, e le toe omai oulua i le isi faiga palota.

FOFOGA FETALAI: Malo. Ia, se i tulai mai se tasi o sui usufono mo le Palota Taitoatasi, Afioa Maualaivao Pat Ah Him.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaauau i luga o le faitauga faalua

Afoga Maualaivao Pat Ah Him: Faamalo i le saunoaga a le Afoga i le Palemia. Ia, o le faafetai lea i le Afoga i le Minisita mo Galuega i galuega o lo o ua matagofie ona fai mo le matou itumalo, malo lava le galulue, faafetai.

FOFOGA FETALAI: Ia, tulai mai le sui usufono mo Siumu e faaauau mai le saunoaga.

Tofa Hon TUVU ANASII LEOTA: Faafetai i lau Afoga i le Fofoga Fetalai, leai o lea ua saunoo manino foi le Afoga i le Palemia i auala ia, leai e faatauaina foi e lou nei sui usufono. Aua o lo o faapena ona aoga tele foi i lou itumalo le auala lea e ui atu i Tiavi e agai i tua, ae pei o le talosaga i auala galue ona e i ai tuamaota ma eleele o lo o faapea ona fia agai i ai lenei itumalo ae le o talafegai auala.

Ae ui i lea lau Afoga i le Fofoga Fetalai, e le mate ai lou faamoemoe. Ou te talitonu ua matala ia Sega se finagalo o le Afoga i le Minisita, masalo o le a faia pea lou auala lea ou te tagisa atu ai, ou te manatu ua manatu tele mai le Afoga i le Minisita mo Galuega, Felauaga ma Ainae Eesese i le ma va nonofo ai, aemaise o le ma tafafafafuga ia Safata ma Siumu o le tama o le fale o le Tuamasaaga i sauté. Lau Afoga i le Fofoga Fetalai, o le mafuaaga lea o le malosi mai o le Taitai o le Itu Agai o lou saga nofo pea i le HRPP ae le o faia ni ou auala, ae tolu ona auala tutua la ua uma ona fai, o le mea lena lau Afoga i le Fofoga Fetalai, ou te faafetai ai i le Afoga i le Minisita i le faasoa, faasoa tatou, ae o lea foi ua sau ai ma le auala galue o Sataoa i le lisi lea o auala galue o lea e faataoto mai mo le Tala o le Tupe lenei.

FOFOGA FETALAI: Malie le sui usufono o lo o saunoo, lea o lea na e taua le tuuaiga lea i le Taitai o le Itu Agai, se i tulai mai lau Afoga i le Taitai o le Itu Agai.

Afoga Hon Palusalue Faapo II: Ioe lau Afoga i le Fofoga Fetalai, ou te nofo ae ou alofa i lou uso a sui usufono vaeatu le Afoga i le Minisita, e faaumulmulu lava le ma itumalo, o lea lava e faasafua ia Samoa, e na o le tasi lava le auala o Safata. O le mea lea e iloa ai le... fai faapito, ae afai o le a outou lauga faapea, ona ou fai atu lea i le Afoga i le Minisita, tautuana ane le auala o Sataoa, le auala o Lotofaga, le auala o Nuusuaifita ma auala uma o le ta itumalo.

FOFOGA FETALAI: Ia tulai mai lau Afoga i le Minisita.

Afoga Hon Manualesagalala Enokati Posala: Lau Afoga i le Fofoga Fetalai, leai na ona faasao lava, e talitonu o lea e sese le mau.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
-- felafolafoaiga faaaauu i Iuga o le faitauga faalua

FOFOGA FETALAI: Tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, ana ou Taitai i le Itu Agai, ou te tu ae loa ou faapea i le Minisita, tautuana ma oe auala uma o le matou vaega ae aua lava le faia sou auala. E sao lelei le saunoaga a le tasi o sui usufono mo Aana Alofi Nu. 1, Afioga Hon Leaupepe Toleafoa Apulu Faafisi i le aso ananafi, o le e faasoa mea leci e faamuliga ia te ia po o le matua leai lava o se mea. Ae ana faapea o au o le Taitai o le Itu Agai ou te faapea mai i le Afioga i le Minisita, fai muamua le auala o le sui usufono mo Vaimauga Sisifo o le tatou vaega, o Saleaula, ia faasolosolo ane lava i o, a leai loa se tupe e totoe, e le afaina leaga o au o le Taitai o le Itu Agai.

Afioga Hon Palusalua Faapo II: Lau Afioga i le Fofoga Fetalai, se o le mea e fia faasao, leaga o lea e saunoa le sui usufono ua afaina atu ai au aemaise le Afioga i le Minisita i lo ma itumalo, o lea lava e faamulimuli, o lea e molimau mai lo matou itumalo atonu foi, o la e taumafai lo matou itumalo i le Minisita ina ia fai a matou auala, a o se tulaga i lenei vaega, o lena ua avatu talosaga ae leai ma se mea o faia, na o mea o lo o fai faapito a le Malo i a latou auala, a o lenei e tatalo. Po o matou ea e le o ni Samoa e le o se Malo o Samoa, ae o lea ua le faia auala i lenei itu. Ma lou faaaloalo lava.

FOFOGA FETALAI: O lea ua maua Palusalua, o lea foi o le a e agai i le isi itu o lea e molimauna e le Maota tatou agai foi ma tatala lou auala galue e umi lava, ia e uso lava le mulimuli ma le muamua. Ae tulai mai le sui usufono mo Siumu e faaiu mai le saunoaga o lea ua toe lua ou minute.

Tofa Hon TUUU ANASII LEOTA: Faafetai i lau Afioga, o le a ou le finau ma le Afioga i le Taitai o le Itu Agai.

Lau Afioga i le Minisita mo Galuega, Felauaiga ma Atinae Eseeese, aua ne i liliifa lava sou finagalo i le tuualalo a le Minisita mo Punaoa Faalenatura ma le Siosiomaga pe a faapea o i ai se, e leai e, lau Afioga i le Minisita mo Punaoa Faalenatura ma le Siosiomaga Iesoasoani ane i lau talosaga ma lou faaaloalo.

Mo le silafia e le mamalu o le atunuu o lo o faafogafoaga mai, aua tou te tau le pua ma lafo mai i tofi o outou itumalo, aua ana faapea e fai i le mea e finagalo i ai manao o outou sui usufono, ia ua leva ona uma, ae paga lea e leai se mea e mafaia a outou sui usufono, e pule lava le Afioga i le Minisita mo Galuega, Felauaiga ma Atinae Eseeese i lana faasoa amiofону mai lea taimi i lea taimi. E pau lava le matou matafai o le tuitui, faamanatu, faaoioi, ae pule lava Sitaifune ia i le la o lona vaa.

Lau Afioga i le Fofoga Fetalai, faafetai mo lou avanoa, manuia le Fonu.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafaiga faaauau i luga o le faitauga faalua

FOFOGA FETALAI: Malo faafetai saunoa i le sui usufono mamalu mo Siumu. E talitonu ua faafofoga ma le totoa lo tatou Malo e ala foi i talosaga, timaiga ma fautuaga foi ua tuuina mai, malo fetalai.

Ia tulai mai lau Afoga i le Tamaitai tasi o le motu, lau Afoga i se tasi o sui usufono mo Faasaleleaga Nu. 1, Afoga Hon Gatoloaifana Amataga Alesana Gidlow o lea ua maua le avanoa o le sui usufono mo Faasaleleaga Nu. 1.

Afoga Hon GATOLOAIFANA AMATAGA ALESANA GIDLOW (Faasaleleaga Nu. 1): Faafetai lava i lau Afoga i le Fofoga Fetalai mo le avanoa o se tasi o sui usufono mo Faasaleleaga Nu. 1, e fai atu ai foi se maratu e tusa ai foi ma le Tala o le Tupe 2014/2015.

Ae muamua lava ona ou piliama atu lau Afoga i le Fofoga Fetalai i le taulaga faafetai ua e siitia i lenei aso, e tusa ai foi ma le agalelei ma le alofa o le Atua ua tatou toe potopoto manuia mai ai i lenei taeeo, e faaauaina a tatou galuega ma fonotaga e pei ona fuafuaina.

Ou te muamua ona ou faatulu ma faatalofa atu i paia ma faiga o le Maota nei, le afio o lau Afoga i le Fofoga Fetalai, afio foi lau Afoga i le Palenisa, Sui Palenisa ma lau Kapeneta, aemaise foi le mamalu o Ministia Lagolago. E faapea foi lau Afoga i le Taitai o le Itu o lo o agaiia le Malo ma le mamalu o lena Itu o le tatou Palemene.

Ou te faatalofa atu i le tapuaiga a Samoa mai i ona mauga tetele seia oo i ona mauga ti, le afio o Lana Afoga Mamalu, O Le Ao o le Malo o Samoa, le Afoga i le Tui Atua Tupua Tamasese Efi ma lau Masiolo Fifiifilia. Afio foi le Sui o le Fono a Sui Tofia le Tama Aiga lau Afoga i le Tuiaana ma lau Masiolo. Le tapuaiga i lau Afoga i le Faamasino Sili faapea Peresetene o le Faamasinoga o Fanua ma Suafa, aemaise o le nofo a too o alii ma tamaitai Faamasino o Faamasinoga esese.

E faatalofa atu i faaululuga o ofisa o atunuu ma faalapotopotoga mai atunuu i fafo o lo o faapea ona tatou galulue faatasi ma fesososani mai aua le tau atiaaina o Samoa, e faatalofa atu i faaululuga o Matagaluega ma Faalapotopotoga Tumaoti a lo tatou Malo, ae tainane foi le Failautusi ma le aufaigaluega a le Palemene o lo o vae ma lima i ai le tatou galuega.

Ou te fia faatalofa atu i le Aufaigaluega Paia a le Atua i fata faitaulaga e fia o lo o tatato ma faanonomanu, aua lava se manuia o Samoa ina ia ufi ma sao i manu faiva o lo o alo i ai Taitai o Samoa. Ou te faatalofa ma faatulu atu i le faafofoga tapuai mai a lou itumalo le Faasaleleaga Nu. 1, o le paia lava lea ia Tia ma Luamanuave, Sua ma Tinousi faapea le Malelega a Malietoa. Le mamalu i le Falefia ma le Falesalafai i le lologa Pule ma le Faitoga, le Laveimanino ma le Laveiaava ma upu ia oe Salelologa. Le paia aua Sua ma le aumaga, Tusani ma le aiga sa Tusani, faapea foi le Taofia ma le Taomaopu. Saleleama ma Leitilasa ma le mamalu ia te oe sa Silafaga. Le paia i le aiga Salevalasi faapea Toifan ma le matua ia Asomua.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – fetafolaloaiga faaauau i luga o le faitauga faatua

Lau fetalaiga Leauanae ma le nofo ituaiga ia Sasulu. Le paia i alo o Letagaloa a Aitutagata ma Fofoga Fetala faapea le mamalu ia Safune ma Taulaunuu. Le afo i le Tamaitai Gatoloaifana ma le falefa o Tuilagi ma le aiga sa Gatoloi, faapea Taito ma le Usoalii ma lo latou matua ia Tauvasamanaia. Afo le alo o Tamalelagi ma le Tuainafo.....ma Tuioti, afo le gafa ia Soanai ma Patane, susu le Usoalii o Malietoa lau susuga Tuilaepa, le mamalu ia Safuamua ma le nofo ituaiga faapea le Tapaaufanua ma le Faleono, ma le mamalu ia Salemuliaga.

E faatalofa atu foi i le tapuaiga a faletua ma tausí, saoa ma sao aumaga, e faatalofa atu i le tapuaiga a lau susuga i le faifeau tocaiua, lau Susuga Solomona Tuatagaloa ma le tina ia Aneli, ae tainane le mamalu o le Aufaigaluga paia a le Atua o lo o faafalemalu i totonu o le tatou itumalo, ma tatalo mo se manuia o lo tatou itumalo. O la outou tapuaiga ma talosaga o lo o maua ai se manatu e maua ai foi se agavaa a le auuana vaivai, a o alofaiva faatasi ma le Afioga ia Magele Mauiliu e fai ma sui usufono o lo tatou itumalo i faiga upufai a Samoa. Faafetai tele lava tatalo, faafetai tapuai mai.

Lau Afioga i le Fofoga Fetalaí, o lou tulai atu i lenei taeao, na o le agaga faafetai lava ou te fia faaleoina. E muamua lava ona ou faafetai i le Atua ma Lana foai, aua a tepa i tua ma tomanatu i taimi ua tuanaí, le leai o ni seleni se tamaoaga e tagolima i ai Samoa. Ae ua a nei? O lenei toefititi a tatou oo i piliona, ua uma ni tai selau, tea atu ni tai afe, uma miliona, ae o lenei ua toe o ni piliona tatou tagolima, o le foai alofa lea a le Alii ia Samoa ou te fia avatu ai lava le agaga faafetai i le faafogafoga mai ma le silasila mai a le tatou Atua Silisiliese o lo o Faavae ai Samoa i Lona agalelei ma Lona alofa, e aumai ai pea faamanuaga mo lo tatou atunuu. E faapea ona ou faafetai lau Afioga i le Fofoga Fetalaí, i le Afioga i le Palemia ma le Kapeneta, ma o upu tuusao foi lau Afioga i le Fofoga Fetalaí, ou te faafetai i le Faigamalo a le HRPP, aua e moni lava e pei foi o upu ua faalogo ai i lenei taeao, e muliai ona ioeina i totonu o le tatou Palemene ia se Tala o le Tupe e tuuina mai ia a o le lufflufina o le tapenapenaga ma le faasoa, ia ua uma lea ona alofaiva i ai le Afioga i le Palemia ma le Taitai foi o lenei Itu Faa-Upufai, le Kapeneta ma le Malo. O lea e avatu ai le agaga faafetai i le lufflufi lelei, le faaata lelei ia ma le tofa loloto e faatino ai le Tala o le Tupe i lenei tausaga.

Ou te faafetai atu foi i le Afioga i le Taitai o le Itu Agai, ia faapea foi Taitai o Itu Agai uma i taimi ua tuanaí, aua e moni lava, o la outou foi fesoasoani mai, timai mai, luitui mai, e tapena ai foi ma nofo uta i ai le Faigamalo ina ia atoatoa ma ia lelei galuega faatino aua lava le manuia o Samoa, po o le a lava, e tatou te autasi lava, ia manuia lo tatou atunuu o lo o faapea ona aumai lo latou faatuatuaga e tatou te taitaia le Faigamalo i lenei foi vaiatai ua tatou futu mai ai.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafogaiga faaauau i luga o le faitauga faalua

Ou te faafetai lau Afoga i le Fofoga Fetalai i le Afoga i le Minisita o Tupe le Afoga i le Palemia, e le galo foi ia te au lau Afoga i le Fofoga Fetalai, e ao pea ona ou taua le Afoga i le Alii Minisita sa i ai, Afoga Hon Faumuina Tiatia Faaolatane Liuga. O a foi ni faaletonu, o a ni le atoata, ae ou te talitonu sa lotolotoi ai foi o ia i totonu o le sauniga ma le tapenapenaga o leni Tala Kaatatau o Tupe. E faapena lava ona fai ma le atoata le auauuaga i lea taimi ma lea taimi, ae e le faagaloina ai le aoga ma le lelei o le tagata.

E faafetai atu i le Matagaluega, le Pule Sili ma le Matagaluega o Tupe faapea foi le Tamaitai Pule Sili o le Matagaluega o Tupe Maua ma Matagaluega uma ma Faalapotopotoga a le Malo, aua o outou lava o lo o i ai le mafai ma le atamai e faamaopoopo ai le tamaoaga o Samoa ina ia mafai ai ona maua ni seleni e atiae ai lo tatou atunuu - malo lava fai o le faiva, ua faamalo le tautua.

E le mafai ona ou laalota e auua ma se faafetai i le Taitaifono o le Komiti o Tupe Maua ma Tupe Totorogi a le Malo aua lava timaga matagofie e pei ona faitau atu i ai i le latou Lipoti, e fesoasoani ai foi i le aufaigaluega ina ia aua ne i faatamala ina ia o latou siafia, o lo o tultuliloaina lava galuega e pei ona latou alofaiva i ai.

Lau Afoga i le Fofoga Fetalai, e pei lava ona ou amata atu i le amataga, na o le agaga faafetai lava ou te fia faamauina. E faapea foi ona ou faafetai atu i lau Afoga i le Minisita mo Galuega, Felauaiga ma Aitiaae E sese i le tali leleia foi o le talosaga na tuuina atu mo nai galuega i totonu o lou itumalo e pei ona faatino ai le oo atu o le eletise i nisi o lo matou alaafafaga i uta. O i latou lava ua naunautai e gagauina le vaomatua aua lava le atiaeina o aiga, nuu aemaise lo tatou atunuu lautele. E faafetai atu i le eletise ua oo atu i nisi o aiga i uta i lo matou pitonuu i Vaiatafai. Ona pau lava o lea, a tau ane ai i lou fiagalo o lo o taatia foi talosaga aua le suavai, po o le toe faaopoopo foi o lo latou auuala galue aua toe tasi lava se kilomita lau Afoga i le Minisita ona ua uma ona ou savalia ma ou fiaina, ua toe tasi lava sina kilomita ona aofia uma loa lea o nai aiga ua aumau ai i uta i ina, a o lo o galulue uma, e leai ma se mea o avanoa o lo o taufai galulue aua le lauelele. E faafetai ona ua matauina pea le faaleleia o auuala i totonu o lo matou itumalo aua le fegasoloi o le paia ma le mamalu o Samoa. O lo o faalauleleia pea i a tulaga, e vilia ai pea le Atua aemaise le agalelei mai o lo tatou Malo.

Lau Afoga i le Fofoga Fetalai, toe tasi lava le vaega lea e fia faaleleia aua o se manatu mauahuga, o lo o malosi lava le atinae lea o tagata tafafao maimoa mai fafo e fesoasoani malosi i le tamaoaga o lo tatou atunuu. O le isi lava lea mea o lo o aumai ai pea faasea ma tuualalo a nai sui tamaitai o lo matou motu i Salafai, ona o le faaletonu lava lau Afoga i le Minisita mo Punaoa Faalenatura ma le Siosiomaga o le tulaga lea i le aoina o le lapisi, tulou lava le mamalu o le Palemene ma le faafogafoga mai ai Samoa.

Tulafono Tau Faaofi o le Faatautaina o Tupe Faaopoopo (Nu.2)
2013/2014 ma le Tulafono Tau Faaofi o le Faatautaina o Tupe 2014/2015
– felafalafoga faaauau i luga o le faitauga faalua

Talu ai ona o lea ua toe amatalia le tausaga fou, masalo o lo o faapea foi ona toe tapena ni konekarete aua foi ia fuafuga mo le faaleleia o le siosiomaga aemaise le faamatagofieina o lo tatou atunuu i le toai taunuu mai o i latou e asiasi maimoa mai. O se vaega taua lena e ao ai ona toe tagai pea i ai, faamolemole o lo o tasi lava le aso o lo o aoina ai le lapisi i le itu atu lea i le Faasaleleaga i le Itu o Tane ma alu atu ai i Asau. O lo o faaletonu pea ma e ui lava o lo o avatu pea tusi a le Afioga i le Minisita mo Tina ma Tamaitai, Atinae o Nuu ma Afioga ma Agafesootai faapea foi le mamalu o le Matagaluega, a o lo o faapena lava ona faaletonu lea tulaga lau Afioga i le Minisita.

Ou te piiana atu foi lau Afioga i le Palemia i le saunoaga ma le tuualalo e pei ona saunoo i ai se tasi o sui usufono mo Faasaleleaga Nu.2, masalo o le agaga foi lena o le tele o sui usufono mai Salafai ina ia atiae lelei ina ia mafai ai ona taofia tagata o lo matou motu o lo o autovaa mai pea iinei aua sailiga manuia mo aiga. E tele lava nai faafitauli i nei vaega, ae ona o le tamaoaga ua motusia ai mafutaga ma aiga, ae a faapea lava e maua ni nai atinae e pei ona taua le falei'a, ou te tatalo atu lava i lau Afioga i le Palemia.....

Susuga Hon Tuilaepa Fatialofa Lupesoliai Aiono Neioti Sailele
Malielegaoi: Lau Afioga i le Fofoga Fetala.....

FOFOGA FETALAI: Tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele
Malielegaoi: E taua lava le finagalo lea ua faaalua ma o le ala foi lena na fai ai le tatou Taulaga i Salelologa ona o le taumafai e uunai atu le atinae i Savaii e lelei e tele le lauelele. O le mafuaaga foi lena ou te manatu ai e pei e le ititi ifo i le faalima ona omai savali a fale tuuapa ia i Amerika Samoa ma tutuli lava i Savaii. E pei o mea ia sa masani ona fai o le o i Savaii ma o i Fagaloa, ona o Fagaloa e taua le tele ma le loloto o le taulaga toe lata i Tutuila. O Savaii o la le e tele lava le Taulaga i Asau ma e laitiiti foi le galuega e toe fai i ai e faapea foi ma Salelologa. O le tulaga sao lava lena, ana faapea e mafai ona omai loa ma faatu i Savaii meamanu ua matua manatia tele.

O le faalavave o atinae nei, o le mafuaaga e omai ae vaai i auuala e taugofie ai mo latou ina ia tele ai a latou tupe mama e maua. O le ala lena e omai ai lava ma fanati mai iinei i Apia. E tiga lava ona fai atu e o i Savaii, ae agai mai lava i tulaga e tulata i le mea e taunuu mai i ai vaa ma toe aveese atu ai. Aua afai e faalele i Amerika, e lata mai le malae vaalele e ave i ai i'a nei ma laitiiti ai le tau mo i latou, ae a ave nei i Savaii ua atili ai ona faulai tau ma atili ai lava ona le fia omai i Samoa.

E lua la Kamupani I'a ia e faatalanoa i le taimi lenei, a faapea e taunuu i se manuia, e faano amata i le amataga o le tausaga fou.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoga faaauau i Iuga o le faifauga faalua

E amata i le faatauina o i'a a o tatou vaa laiti. O lea ua uma ona fai felisoaiga a se isi Faalapotopotoga po o le Asosi o Vaa Laiti nei, e amata i ina po o le amataga o le tausaga ae e tatau ona oo atu i le faatuga o le tausaga ua amata loa le latou loia operation, o le vaega lea e tru esese ai aano o i'a ma faalele loa i Amerika.

E pel la o le tulaga i le tuuina ialo o le tau, o le ala lena e faigata tele ai ona unuai i Savaiti atinae ia, a o le mea moni lava lea e aumai e se tasi o sui usufono mo Faasaleleaga Nu.1, Afoga Hon Gatofoaifana Amataga Alesana Gidlow ma le sui usufono mo Faasaleleaga Nu.2, o le mea tonu lena o lea e i ai le agaga o le Malo ia tatala atu i tua atinae nei, ae fai fuafua foi i lo latou talia ma le faafagofie aua o le iuga o ni feutagaiga e faamallosia e tatou o le o atu ma ninimo atu ai lava ma o e le toe omai. E lelei la le i ai o sina fasi falaoga e tusa lava pe na o se pau falaoga, a o lea e mana sina mea tatou te lannulamua nai lo le o ma o atu ai lava e le toe oo mai, ae lelei ona taatia mai le fautuaga ona e tele isi atinae o lo o faatalanoaina, ae ou te faafetai atu i le mataalia o a outou afoga i sui usufono i le laga mai pea o le tulaga lea ona o le mea moni lena o lea o lo o i ai i lo tatou Malo.

Mai lava i le taimi na tulai mai ai le Tootooalii, o le agaga lava lea e tasi o le taunumafai e unuai ma tala atu i tua atinae aua o le fagofie foi lena mo lo tatou Malo.

FOFOGA FETALAI: Malo faafetai saunua. Tulai mai le sui usufono e faaauau le saunoga.

Afoga Hon GATOLOAIFANA AMATAGA ALESANA GIDLOW:
 Faafetai tele lava i lau Afoga i le Palenia mo le faamalalamalama manino ua maua ai foi le mafanafana o le mafaufau ma e faamautuina ai foi le mau o lo o fai ma manulauti a lenei Vaega Faaupufai o lo o taitaia e lau Afoga i le Palenia, o le mea e lelei i Upolu e faapea foi ona lelei mo Savaiti, ae faafetai mo le matupalalapa.

Lau Afoga i le Fofoga Fetalai e pei lava ona faaalii muamua atu, o le agaga faafetai lena e avatu ina ia silafia ai foi e le Palemene aemaise le faafoga a Samoa, e matua lagolagoina e lenei sui usufono mo Faasaleleaga Nu.1 le Tulafono Tau Faaofi o le Faatatauina o Tupe Faaopoopo (Nu.2) 2013/2014 ma le Tulafono Tau Faaofi o le Faatatauina o Tupe 2014/2015 ua folasia nei i malae aemaise lava ou te lilo o lo o lotolotoi ai i totonu se tasi o sui usufono o lo matou iumalo, Afoga i le Minisita mo Aoga, Taaloga ma Aganuu i le faafoeina ma le tapenaina o lenei Tala o le Tupe.

Tau ina ia alofa le Atua ia faamannua i lau Afoga i le Fofoga Fetalai aua le faafoeina o le Fonotaga, ia faamannua mai foi i le Afoga i le Palenia ma le Kapeneta ma le mamalu o le Palemene, soifua.

18 JUNI 2014

Tulafono Tau Faaofi o le Faatatauina o Tupe Faapoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaauu i luga o le faitauga faalua

FOFOGA FETALAI: Malo faafetai saunoo i se tasi o sui usufono mo Faasaleleaga Nu.1, Afioga Hon Gatoloaifaana Amataga Alesana Gidlow, o se tasi o tamaitai tasi o le motu. E manatu o lea ua faafofoga le Malo e ala i la tatou talosaga ina ia tautuana lo tatou motu aua ni galuega mo alo ma fanau a le atunuu aemaise le tamaoiga mo Samoa atoa.
O lo o maua pea le avanoa mo se sui usufono e fia saunoo. O lea ua tulai mai le sui usufono mo Faasaleleaga Nu.3.

Afioga PESETA VAIFOU TEVAGA (Faasaleleaga Nu.4): Faafetai tele i lau Afioga i le Fofoga Fetalai - faafetai ua sosoo le fau ma le fau. Ua uma ona saunoo se tasi o sui usufono mo Faasaleleaga Nu.1, Afioga Hon Gatoloaifaana Amataga Alesana Gidlow, ae faafetai i lau Afioga i le Fofoga Fetalai ona ua maua le avanoa e taumafai atu ai se sao o lou itumalo.

E muamua lava ona ou faafeiloai atu ma faatulou atu i le tapuaiga a lo tatou atunuu i le afio O Lana Afioga Mamalu, O Le Ao o le Malo ma lau Masiifo, afio lau Afioga i le Sui o le Fono a Sui Tofia ma le Masiifo, afio lau Afioga i le Faamasino Sili, le mamalu i Tamaitai ma Afioga Faamasino o le Matagaluega o Faamasinoga o Fanua ma Suafa.

E faafeiloai atu foi i lau Afioga i le Palemia, le Sui Palemia ma lau Kapeneta faapea foi le Itu o le Malu i le afio o lau Afioga i le Taitai o le Itu Agai ma le mamalu i la outou Vaega Faaupufai, faapea foi le mamalu o le Palemene ua potopoto, le susu o Alii ma Tamaitai o Faaluuluga o Matagaluega ma Faalapotopotoga Tumaoti a le Malo. O lenei la avanoa a o le i tuuina atu se sao o lenei sui usufono, ou te fia oo atu e faafeiloai i lou itumalo pele o Faasaleleaga Nu.4.

Lo tatou itumalo ou te faatalofa atu aua e faigata le paia ia te oe Satuala, o oe o le Aiga Faalagilagi e masaesac ai le lagi ia te oe. Lau Afioga i le Fofoga Fetalai ma lo tatou itumalo, o le a ou le oo lava i paia ma mamalu aua e uma lou avanoa e le i uma ona tolaulau ma talatala atu mamalu o lo ta itumalo.

Lau Afioga i le Fofoga Fetalai, ou te faafetai ona o le Tala o le Tupe i le utiuti o le faasoa. E pei foi ona saunoo nisi o sui usufono mamalu ua pau le Tala o le Tupe i lenei tausaga, a o lau matau ma lou molimauina, e ese le taua o lenei Tala o le Tupe. A pau le Tala o le Tupe, e tau mai ai i ina le sologa lelei o le tamaoiga. O lea tatou te vaavaai i le tulaga ua i ai taumafa i totonu o lo tatou atunuu, o lo o tofua lava le afioaga ma le maketi e faatauina atu ai le tele o faaeleleaga. O si o tatou atunuu pei ona taua e se tasi o sui usufono mamalu, e soifua lava Samoa ia i lana aganuu. E mafai ona savalivali atu i le tuaoi, e faapena le sue mea faatasi. E tele lava mea e maua ai seleni e soifua ai le tele o matai o nuu ma afioaga, o maluu, o matai ma mea tutupu i Ica afioaga, e tele lava vaega e maua ai nisi o faamanuiaga e soifua ma ola ai lo tatou atunuu.

18 IUNI 2014

Tulafono Tau Faaofi o le Faatatauina o Tupe Faaopopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaauau i luga o le faitauga faalua

O lea la ua tatou vaavaai i le Tala o le Tupe i lenei taeano, e faapena se lagona ma se manatu o lenei itumalo. O lea tatou te silafia lelei e le o tele se tamaoaiga ma tatou oloa e auina atu i fafo, ae a tatou molimauina le tele ma le anoanoai o taumafa, faafetai i lau Afioaga i le Minisita mo Faatoga ona ua ese lenei vaitau. O lea ua tele foi o nisi lava o le toatele o le atunuu ua tele ina agai i faleoloa, ua fesuisui ai a latou taumafa i le araisa, o le falaamata, ua fiu foi latou e fiu i le taumafa ona ua anoanoai talo ma fai ma ulu ma mea faapena. O i ina e molimauina ai le lelei o le tulaga o lo o i ai le tamaoaiga o lo tatou atunuu. E momoli atu ai le faafetai i lau Afioaga i le Minisita ona o tulaga lelei ia e le o fia aai si o tatou atunuu. E moni lava foi le tulaga o mea tau tupe, ua tatou masani foi, o lo o maua foi le tele o.....

Afioaga Hon Palusalue Faapo II: Lau Afioaga i le Fofoga Fetalai, o se mea e fia faamalamalama.

FOFOGA FETALAI: Malie le sui usufono o lo o saunua se i tuu atu le avanoa i le Taitai o le Itu Agai.

Afioaga Hon Palusalue Faapo II: E faamalulu atu i le saunoga matagofie a le sui usufono. Na pau lava le mea se i faamanatu atu, ona pau lava le mea lea e ai e le atunuu lenei, na o le moa lava, ia ma nai eleni e maua mai i faalavelave, e ui lava ina expire le eleni ae ai lava. O le mea lea e faamanatu atu i le sui usufono, na o le moa lava lea, ua uma ituaiga kuka ae na o le moa lava. A o se isi mea e pei o mamoe, povi, ma tulaga faapena, e leai lau Afioaga i le sui usufono mamalu.

FOFOGA FETALAI: Ia, tulai mai le sui usufono mamalu mo Faasaleleaga Nu.4 e faaauau le saunoga.

Afioaga PESETA VAIFOU TEVAGA: Faafetai i le faauilavea a le Afioaga i le Taitai o le Itu Agai. Ai o galo i le Taitai o le Itu Agai ua uma ona tuumatamaga meataumafa a le lalolagi lenei, ae taumafai e faaititia. Le health promotion lena o lea e saunua soo i ai le Minisita mo le Soifua Maloloina, aua le matele e taumafa i mea ia o povi, o puua ma mea faapena, o mamoe, ae toaaga e taumamafa i le moa ma le ia. O le mea la lena o lo o taumafai ai e faamalamalama atu e lagolago atu ai i le finagalo o le Minisita mo le Soifua Maloloina i le faatua o le health promotion lea e pei ona taua.

Lau Afioaga i le Fofoga Fetalai:.....

Afioaga Hon Tuitama Talalelei Tuitama: Lau Afioaga i le Fofoga Fetalai:.....

18 IUNI 2014

Tulafono Tau Faaofi o le Faaatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faaatatauina o Tupe 2014/2015
– felafofafoaiga faaauau i luga o le faitauga faalua

FOFOGA FETALAI: Ia, o lea la o le a faamalalalama le esesega o meat. Se i tulai mai le Afoga i le Minisita mo le Soifua Maloloina, e taua lou tulai mai e faamalalalama le tulaga lea ona e fia tausami mamoe lava le Taitai o le Itu Agai i taimi uma.

Afioga Hon Tuitama Talalelei Tuitama: Ou te masalo ai ua galo i le Taitai o le Itu Agai le tatou Tulafono foi lea e faasa ai le siusiupipi, ona o le tulaga o le le agavaa mo le fofoga taumafa talu ai ona o le faatupulaia o le tino puta. E tasi lea togafitiga, o lea e sao lelei lava le saunoaga a le sui usufono, o le ala tonu lava lea e agai i ai tatou taumafaiga o le health promotion o lo o taumafai nei, ina ia taofia le soona taumafa i taumafa talafeagai o lea o lo o faatuputaia ai le tino puta, suka, le toto maualuga ma le mai fatu.

O le tulaga foi i le aano o le moa, o le tasi lea aano e sili ona lelei mo le taumafa, e le gata e lelei lona tofo, e mama foi lona tausiga, faigofie ma e le gata foi i lena, e le manaomia le matua vevela tele o le ogaumu, e sefe ai foi mea tafuaʻfi, faapena foi ma mea o suauu ma penisini ma kesi, aua o le moa e le manaomia le selau tikeri. O le selau tikeri lea e puna ai le vaipuna, e le manaomia le oo i le selau tikeri e lelei ai le aano o le moa, e 75 tikeri ona vela lelei lea o le aano o le moa. O le mea lea, e tele le anoanoai o le aoga o le aano o le moa, ma o lau foi fautuaga, toaaga e tausami le moa, aua le toe tausamia le mamoe ma le povi aua o le mea lena e tele ai le gao. Ma le faaaloalo i lau Afoga.

FOFOGA FETALAI: Malo. Tulai mai lau Afoga i le Palemia.

Susuga Hon Tuilaepa Fatiafofa Lupesoliai Aiono Neioti Sailele Malielegaai: Lau Afoga i le Fofoga Fetala, o lea sa saunoa le Minisita mo le Soifua Maloloina i le moa foi lea e faavela, ae tasi lava le vaega lea sa agai i ai. Pe mafai lava ona oo sau faamalalamaga i le lelei o isi ituaga kuka e tai pei o le moa tunu ma le moa saka, aua na o le pau lava le mea lea na ou faalogo atu i ai na o le moa falai. E lelei foi lou faasilasilaina ia Palu ina ia taumafa ai i moa sao, aua o lea ou te faalogologo atu pei e fiafia i le mea lea o le ai moa, a o au lea ou te faalogologo i le mea lea, e tau le matala lau faalogo ona o le sela tele o le Taitai o le Itu Agai. A o lona uiga o lea ua maua nei e ai moa le Taitai o le Itu Agai. O le a le ituaga kuka e lelei?

FOFOGA FETALAI: Ia...

Afioga Hon Palusalue Faapo II: Lau Afoga i le Fofoga Fetala, o se mea e fia faasao la?

18 IUNI 2014

Tulafono Tau Faoofi o le Faatatauina o Tupe Faapoopoo (Nu.2)
 2013/2014 ma le Tulafono Tau Faoofi o le Faatatauina o Tupe 2014/2015
 – felafolafoaiga faaauau i luga o le faitauga faalua

FOFOGA FETALAI: Ia, o le a le mea e fia faasao o oe na e tuuaia na e saunao mai e tuu le ai moa?

Afoga Hon Palusalue Faapo II: Ia, a sela o soo le paka o ou taalo ai i le Aso Toonai? E leai ma se sela. E uma lelei le taimi o la e ou te taalo. O le mea lena e fia faasao. A o le moa, ae le i saunao le Afoga i le Minisita o le Solfua Maloloina, na ou matamata i le TV i documentaries foi nei i le fatagaina o moa nei, e tatui i tui ina ia vave ona lapopoa moa. E tolu aso ua taumalua le moa, ua tau le mafai ona savali i le lapopoa. A o lea la ua fai suesuega, e leai ma se polotini e maua mai i aano o moa ona o tui ia ua tatui ai. O lea la ua faatau mai moa na ona o le taugoffe, aua ona pau lea o le mea e gafatia e o tatou tagata, na o moa gaoga ia e saunao i ai le Afoga i le Palemia po o le a le kukka e fai ai. Pe saka, pe tunu, pe falai, e gaoga lava le moa, ioe. E mamai ai lo tatou atunuu.

FOFOGA FETALAI: O lea ua maua le finagalo o le sui usufono mamalu. Malie la lau Afoga i le Minisita se i tuu atu le avanoa i le Taitaifono o le Komiti o Tupe Maua ma Tupe Totogi.

Susuga Hon Papolitetele Niko Lee Hang (Palota Taitoatasi): Faafetai lava i lau Afoga mo le avanoa, a o se mea e fia faasao lau Afoga ona sa tuai atu le Afoga i le Palemia e maimoa i le taaloga lea.

Sa ou matamata i le taaloga, na uu lava le puimahaava ma savaliyai solo i totonu o le malae i le taaloga atoa le Taitai o le Iru Agal. Faafetai.

FOFOGA FETALAI: Malie lau Afoga i le Minisita mo le Solfua Maloloina o le a tuu atu le avanoa pe a tatou foi mai i le tatou taimi malolo ona faaauau lea o ituaiga kuka esese e talafeagai i le moa.

Ou te faasilasila atu o le a faataatia ese Taualumaga a le Fono Aoao mo lana malologa masani o le taeano.

Na faatatia ese Taualumaga a le Fono Aoao mo lana malologa masani i le titula e 10.45 i le taeano ma toe faaauau i le titula e 11.24 i le taeano.

FOFOGA FETALAI: Malo. O sui vaia ia o le foi o le malosi i le tino, ua maea ona tali le sua ma maua le faamalositino aua le paia o le tatou Maota. E momoli atu le agaga faafetai tele i le paia ma le mamalu i lenei itula o le aso. E talitonu o lea ua tatou taunnu i le maea ai o le tatou malologa muamua aua le faaauauina pea o le tatou polokalame e pel ona faatulagaina.

18 IUNI 2014

Tulafono Tau Faaofi o le Faatautaina o Tupe Faaopoopo (Nu.2) 2013/2014 ma le Tulafono Tau Faaofi o le Faatautaina o Tupe 2014/2015
 – felafolafoaiga faaauau i luga o le faitauga faafua

E faia le tatou malologa o lo o faapena ona tuuina atu le avanoa i le Afioga i le Minisita mo le Soifua Maloloina a tulei saunoo le Afioga i le sui usufono Faasafeleaga Nu.4 ona o le faatautaina o le soifua maloloina i ona vaega eseese i le faatautaina o taumafataga e maua ai le soifua maloloina o le tatou atunuu.

Tulai mai lau Afioga i le Minisita ona tuu atu ai lea o le avanoa i le faaauauina o le saunoaga a le Afioga i le sui usufono mo Faasafeleaga Nu.4.

Na toe faaauuu felafolafoaiga i luga o le faitauga faafua o le Tulafono Tau Faaofi o le Faatautaina o Tupe Faaopoopo (Nu.2) 2013/2014 ma le Tulafono Tau Faaofi o le Faatautaina o Tupe 2014/2015.

Afioga Hon Tuitama Talalelei Tuitama: Lau Afioga i le Fofoga Fetala, e le alu loa foi so matou taofi, e ao lava ona momoli atu le agaga faafetai tele i lau Afioga ma le mamalu o le Ofisa o le Fono i le tapenaina foi o le faamalosiaga o le tino aua sui usufono mamalu o lenei Fonotaga. O lea la ua palega auu le taliga o le sua ma ua sao i alo foi se taumafataga i sui usufono mamalu, ua toe amatalia galuega pei ona tofia i ai tatou i lenei aso.

Ua ou tulai atu la lau Afioga ona o lo o i ai le manao o lea ua lafo mai, ma o tulaga e aafia ai le soifua maloloina aua lava le tulaga o taumafa. E pei lava o le fili numera tasi lea o lo o feagai nei ma le tatou atunuu ma le tele foi o isi atunuu o le Pasefika, o tulaga lava ia i le taumafa, aemaise ai la Samoa, aua e le o na ma se laina le silafia o le tatou atunuu e leai se isi o toe matalaina i se fia taumafa, ua fau ma soloi le tamaoauga i meataumafa eseese. O lea ua tatou saoloto ai i lenei vaitau. O le ala foi lea o le filifilia o meaai nei tatou te aai ai ona ua tele naua meaai. Aua ana faapea na o le tasi lava se taumafa tatou te aai ai, atonu e i ai se tulaga e moomoo lea meaai ma lea meaai. O lea la ou te le faasaoina ai le taofi o le Taitai o le Itu Agai lea e faapea mai na o le moa, moa, moa, ae ia manatua e i ai le upu foi lele, “Moa, moa, lulu.” A ua fiu i le moa, liliu ane i le lulu.

Lau Afioga i le Fofoga Fetala, o le tulaga lea e matau atu i saunoaga ma fetalaiga mai le la Itu, o lea e agai le latou filitilo i taumafa mai fafo. O le faamaoniga o lena mau, o lea e le i mauao atu nei sa saunoo ai le Afioga i le Taitai o le Itu Agai, o moa e tatui e faapepeti ai ma taumalua mai ai se moa, e tumu i le gao ma tulaga uma faapena. O lea e agai lava lona mafaufau i moa ia e aumai fafo. A o le tulaga lea matou te talanoa atu ai, o a tatou moa ia e inci i Samoa lea e fafaga, e tino lelei ma e leai ni ga’o. Afai la o le ituaiga moa lea mai fafo lea e agai i ai le saunoaga e pei ona mafua ai le talanoaina o le mataupu i le moa, mo le silafia, o le faiga o le moa lea e le aumai loa faaaga faapena.

18 IUNNI 2014

Tulafono Tau Faaofi o le Faatatauina o Tupe Faaopoopo (Nu.2)

2013/2014 ma le Tulafono Tau Faaofi o le Faatatauina o Tupe 2014/2015

– fetafofafoaiga faaauau i Iuga o le faitauga faalua

E aveese muamua pau o le moa ma vanevane ese ga’o po o mea lololo o le moa ona faaoga lea na o le aano. E ilogofe lava la i latou o lea e taunamafa i pau o moa, e saunoa mai e pei e sesela.

O le tulaga lena lau Afioaga i le Fofoga Fetalai i le faaogaina o moa ma mea nei o tui ona e le o toe ano i ai tatou. Aua foi afai o lea tatou te aumafia taumafa mai fafo, o le auuala lea o lea e fai nei i fafo ina ia faatino lelei ai moa, e faamatagofe ma vave ona tauia ai ma manao atu i ai tatou. E le na o le moa la, ae tui foi povi, e tui foi aano o le anoano o manu ia tatou te faaogaina. O le mafuaaga la o tui na e fai, o isi o tui na o mea nei o antibiotic. O le mafuaaga foi lena o lea e agai ai i ai taunafaiga a le Soifua Malooina ona ua tele le faaoga e le aufai lafumanu.....

Tofa Lealaliepule Rimoni Aiafi (Faleata Sisifo): Lau Afioaga i le Fofoga Fetalai.....

FOFOGA FETALAI: Malie le Minisita se i tuu atu le avanoa i le fauilavea.

Tofa Lealaliepule Rimoni Aiafi: O le mea e fia malamalama ai ona ua saunoa le Afioaga i le Minisita a umai le moa ia aveese le pau. O le a la le mea ua le ave ai sana fautuaga e oka mai ni moa e leai ni pau lau Afioaga i le Fofoga Fetalai? Ia manatua o le pau le isi mea e agga uma lava i le tino, ae afai la ua finagalo o le pau o le mea e le fetau mo tatou, e tatau la ona ave i ai se fautuaga ia umai na o moa e leai ni pau. Ma le faaalalo lava.

Afioaga Hon Palusalue Faapo II: Lau Afioaga i le Fofoga Fetalai ona o lea e agai mai ia te au le saunoga, ae ina ia faasaoina le taimi o le saunoga matagofe a le Afioaga i le Minisita.

FOFOGA FETALAI: Ia, malie lau Afioaga i le Minisita.

Afioaga Hon Palusalue Faapo II: O le upu moni lava, o le taimi lenei i nai aiga, o lea ou te talanoa atu i mea o lo o tutupu i aiga. E taugata le soifua ma taugata le moa. O le a tipi ese la le pau ma le ga'o le moa a o le a le mea o le a ai e le aiga? E pei o le mea lena, aemaise la o le aano o le moa lea e tui i ai le vaiilau, e tusa lava la pe aveese le pau ma le ga'o a o la lava e i ai le vaiilau lea e faaletonu ai ma mamai ai tatou, a o le faalavelave lau Afioaga i le Minisita e leai se isi mea e mafai ona faatau e nai aiga, na o le moa lava.

FOFOGA FETALAI: O lea ua maua atu lau Afioaga i le sui usufono mamalu.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafolafoaiga faaauau i luga o le faitauga faalua

O lea o le a uma mai le faamalalamamaga leaga o lea o le a atu le taimi o le sui usufono e ana le lauga a o lea o le a faauma mai le faamalalamamaga ona toe faaauau ai lea o le saunoaga.

Afioga Hon Tuitama Talalelei Tuitama: E aoga foi le pau i le transportation aua a aumai le moa e leai se pau, e oo mai iinei ua malepe. E le o aumai la le pau e taumafa, a o la e aumai e faamaapoopo ai le tino o le moa ina ia taunuu mai iinei o la e atoa le moa, a o lea ua aumai ai e tatou pau.

Lau Afioga i le Fofoga Fetalai, o le tulaga la lea ua i ai ua le o toe alo ese ai tatou mai le tulaga lea aua foi e le o faia e tatou? A o le mea tonu lava lea o lea e uunai atu nei e pei ona i ai le tatou Health Promotion lea e taumafai atu nei. Ia o e fafaga moa aua e taugofie le penu nai lo le tau o le moa lea e aumai i fafo. Na ona togitogi lava o nai penu omai moa ai, oo i lea vaiaso faalalo le moa e fai ai le mea tausami. O le faamatalaga lea i le moa, ae se i ou oo atu la i le kukaina lau Afioga i le Fofoga Fetalai.

FOFOGA FETALAI: Ou te faamalulu atu i lau Afioga i le Minisita, o le a ou tuuina atu le avanoa i le kukaina o le moa leaga o lea e tele nisi o mataupu, ae faafetai tele o lea ua manino ma malamalama.

Afioga Hon Tuitama Talalelei Tuitama: Faafetai, o lau Afioga lava, ae a finagalo i ai e augofie lava ona e anoanoai faiga i le kukaina o le moa o lea e le i avatua.

FOFOGA FETALAI: O le a taatia le kukaina o le moa se i aulia le taimi e tali ai lau Afioga i le Minisita.

Tulai mai le sui usufono, o lea ua lagalaga le Maota talu lou laga o le moa Peseta, ae tulai mai e faaauau le saunoaga.

Afioga PESETA VAIFOU TEVAGA: Faafetai i lau Afioga i le Fofoga Fetalai. Masalo o le a ou alo ese ma le moa aua o lona uiga e uma lava lou taimi o faauilavea le Taitai o le Itu Agai faapea foi le Minisita mo le Soifua Maloloaina.

Silasila foi lau Afioga i le Fofoga Fetalai, ua ou le agai lava i paia o lou itumalo ona o le manumano i le taimi. O si ou itumalo e sili ona pele ia te au; ua taoto ona paia ma ona mamalu ona o lou manatu ia aoga uma lou taimi e avatu ai gai mea ga mafua ai oga ou seei i le gofoa legei. O le mea lea lau Afioga i le Migisika, lau Afioga i le Fofoga Fekalai, masalo o le a ou agai aku loa i nai mataupu sa taumafai i ai lou itumalo na mafua ai ona latou filifilia au i lenei nofoa.

Lau Afioga i le Minisita mo Galuega, Felauaiga ma Atinac Eseece, e momoli atu le faafetai a lou itumalo.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaauau i luga o le faitauga faalua

E ui lava ona e le i faatinoina le fausiaina o le auala galue, ae ou te faafetai i lau Afoga i le Minisita ona o lea ua ou vaai i le lisi nei i le taeano o lo o i ai le auala galue o Puapua.

O le tasi lenei afioaga talu lava ona faavae Samoa i le 1962, o lea faatoa malai ona maua le avanoa e fai ai lona auala. O le agaga fiafia lea ia te au aua ua leva foi ona seei nisi o faipule ma Minisita o lou itumalo mai le afioaga o Lano, ae momoli atu lau faafetai ona o lea faatoa toe oo mai lea o se Puapua i lenei nofoa i le Maota, faafetai o lea ua talia le talosaga a lou nuu, ae toe pau lava le talosaga a Puapua o lona taligalu. Ou te manatu o le tulaga lea o lea ua i le Minisita mo Punaoa Faalenatura ma le Siosiomaga. O le agaga lea e momoli atu ai le faafetai i lau Afoga i le Minisita. O le tele ia o le sao o le afioaga lenei o Puapua i lo tatou Malo ma le motu tele i Savaiti. Sa faamatuu atu e Puapua ona eleele ma ona mauga e faaogaina e fausia ai auatetele ia e amata atu i le uafu e tau i le Itu o Tane, e faapea foi i le auala lea i Vaitaata e tau atu i Patamea. Ina ua tulai mai le Afoga i le Tootocalii, le Palemia o Tofilau i lena vaitaimi, o le faatoa maua lea o le avanoa e toe faamatuu mai ai eleele o Puapua ma ona mauga i lo matou nuu. E pei o le tulaga lena e momoli atu ai le agaga faafetai i lau Afoga.

Ia, e le o se tau'i, atonu o lea e seei mai le Afoga i le Minisita mo Resootaiga ma Faamatalaga Tekonolosi sa seei i le nofoa o le Minisita mo Galuega i lena foi vaitau sa feliloai foi ma lou nuu, ia o nisi foi o galuega ma atinae ina ia mafai ona uia ia eleele o lou nuu nisi foi o matuaaga – ma o lea na tatata atu ai foi e lenei nuu le lagolago a lou nuu, lau Afoga i le Minisita mo Resootaiga ma Faamatalaga Tekonolosi, o la lava o lo o tele lava mauga maualuluga i Puapua, e tasi lea fesasoani malosi o lo o lelei atu ai le TV agai i le itu o Tane ona o pou malolosi maualuluga ia o lo o i luga o mauga nei, afai lava o lo o moomia pea se fesosoani, e faigofie lava lo matou nuu. O le mea lea e momoli atu ai le faafetai i lau Afoga i le Minisita mo Galuega, Felauaiga ma Atinae Esee, ona o lea ua maitau atu o lea ua maua le avanoa e fausiaina ai le auala o lou nuu. E momoli atu ai le faafetai i lau Afoga ma le Matagaluega.

Ona ou oo mai ai lea i le Minisita mo Punaoa Faalenatura ma le Siosiomaga, e momoli atu le faafetai, e pei lava foi ona ou oo atu i lau Afoga ona ua taofia le galuega a se tasi o ou nuu o lou itumalo i Asaga ona o le fale komiti sa fausia, peitai sa taofia e le Matagaluega, ia o nisi foi o tulaga lava tau tulafono ma taiala o le tatou Malo na mafua ai, e aveva ai au ma sui o lou nuu e momoli atu ai le faafetai i lau Afoga ona ua maua le avanoa e toe faaauau ai lenei fale komiti e tua i ai tina ma tamaitai o lou nuu.

Lau Afoga masalo o lena ua e silasila i se tasi o tulaga pagatia i le taligalu i i Puapua, o lea ua leai le mamalu o le Ekalesia Mamona ona na osofaia e le i mamao atu e galu malolosi, o le taimi nei masalo a e afio atu i Puapua, o lea ua tala ese uma le malumalu ae ua see atu agai i uta.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoaiga faaauu i luga o le faitauga faalua

Masalo a ou fua i ai i le va o le auala ma le sami, masalo po o se mea o le 50mita i le 60mita e va ai le aualatele ma le matafaga ma le sami i le taimi fenei. O le mea lea e avatu ai le talosaga i lau Afioga, sa ou tatalo muamua atu foi i le tausaga na tea nei i le vaega tonu lava lea o lo o i ai le falesa Mamona, a lea ua tulai mai ai se faalavelave e le i mamao atu ma ua leai le falesa, a toe afio atu lau Afioga ma le Matagaluega, ua ese le mea ia ua ave i ai le falesa o lea ua fausia nei i o agai i le vaotele, ma lou faaloalo lava. E faapea foi ia talivai foi nei isi ou nuu i Asaga, o lo o i ai ia faafitauli foi na tulai mai ona ua oso mai le vai oso i le isi itu i le mea tonu lava lea ua fausia ai le fale komiti, e avatu atu ai le tatalo i lau Afioga, afai e talafeagai le faasoa a le Matagaluega, se i toe silasila ane lava i le auala lea isi ou nuu.

Lau Afioga i le Minisita mo Aoga, Taaloga ma Aganuu, ou te talitonu ua nofo malamalama ia nisi foi o le tatou atunuu nisi foi o saunoaga a sui usufono mamalu ananafi ona o tulaga nei tau faleaoga, pei foi ona silafia e lau Afioga sa tuuina atu lava le talosaga a lou nuu o Asaga mai le tausaga 2011 e ala atu i le tatou Malo i le fesoasoani foi tenei a Saina, ae peitai, ona o tulaga lava e faapena e fesuisuai lava tulaga o mea e tutupu i lea taimi ma lea taimi lea ua mafua ai ona le toe i ai se lagolago mai a le Malo tele o Saina i totonu o faleaoga a lo tatou atunuu i le taimi nei. Ae peitai, ia ua uma ona faalele isi ou itumalo, o taimi uma lava ou te lauga ai ma tau atu isi ou nuu o Asaga, o lea o le a fai le faleaoga. E ui o lea, leaga e faamoemoe lava le tatou Malo i nisi foi o fesoasoani mai fafo. O le mea lea le tatou nuu e i Asaga, a faapea o outou faafogafoaga mai, ia aua tou te popole, e amata lava le tatou faleaoga ia Ianuari i le tausaga fou.

FOFOGA FETALAI: Malie le sui usufono mamalu, se i tuu atu le avanoa i le Afioga i le Minisita mo Aoga, Taaloga ma Aganuu.

Afioga Hon Magele Mauiiu (Minisita mo Aoga, Taaloga ma Aganuu):
 Lau Afioga i le Fofoga Fetalai, ona o lea ua taua mea ia o faleaoga fou ma faleaoga e fia lipea, o le toafa ai lea o sui usufono ua saunoa i ai, ia e le taumate foi e i ai nisi o sauni mai e saunoa mo mea o faleaoga. Na ona ou faamanatu atu o faiga faavae a le Malo ua leva lava ona i ai i mea o faleaoga, o le matafatoi lava lea a nuu ma afioaga aemaise o komiti, e i ai lava taimi e maua mai ai nai fesoasoani foi ia i faleaoga, ae o faleaoga fou lava ia ma le tausiga o faleaoga, o mea na e fitoitonu mo komiti o aoga. Pau lava le fesoasoani a le Matagaluega, ia o le fesoasoani atu e avatu se tusi e lagolago a outou talosaga o lea ua aumai e lo tatou Malo ia nisi o paaga mai fafo e ala mai ai ia talosaga. Ou te manatu o se aoga foi lea o tatou o sui usufono e tatou te o e faamaopoopo ma tusi talosaga e fesoasoani i a tatou komiti, faafetai.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafogaiga faaanau i luga o le faitauga faalua

FOFOGA FETALAI: Malo. Tulai mai le sui usufono e faaanau le saunoaga.

Afoga PESETA VAIFOU TEVAGA: Faafetai lava i le faamalamalama o le matapu lea i lau Afoga i le Minisita. E pei lava ona ou avatu, e leai se le o i ai se agaga e taufaalega ai i le Matagaluega ona o le tulaga ua tulai mai, ona o le lagolago ma le fesosoani lava a nisi foi o atunuu ma malo tele mai fafo, na mafua ai lenei fesosoani, peitai, ou te faafetai foi i le tatou Malo leaga o lea e faalologo mai lou nuu, o lea ua uma ona ave i ai lau folafolaga o le tausaga fou e amata ai le matou faleaoga, ae ui o lea lo tatou nuu, ia o lea ua aumai e le Malo le isi auala, e le afaina e leai se mea e popole ai lou nuu, a o le tatou galuega, ia e amata lava i le tausaga fou o le a taunafai lava lo outou sui usufono o le a lava se tulaga ma le lagolago a lo tatou Malo ia e faatino ai ia le faleaoga o alo ma fanau a lo tatou nuu.

E toe pau lava o lau talosaga i lau Afoga i le Minisita mo Galuega, Felauaiga ma Atinae Esee se ua misi lava le mea tana lea, o le auala sima foi lea i Lano lau Afoga, ona o le faafitauli lava lea o alo ma fanau o lou itumalo o aoga. Ona silasila foi lau Afoga, a oo ina tafe e le mafai ona aoga ia alo ma fanau o lou itumalo, ona o le vai lenei o lea ua talia le....ua foufou lo tatou Malo o le a fau le auala laupapa tele i Malohio, faafetai foi mo lea lagolago a lo tatou Malo. A o le faalavelave o le vai lea e i Lano, o le tasi lea maga o le Malohio, a oo ina tafe le Malohio e tafe foi i. A faapea o le a se tofa i lau Afoga, ia aumai lava sina faatagaga ou te iloa lava e i ai ni nai paipa ma nai mea ou te lagona e le tele lava sina tupe e toe fausia ai lea auala, e avatu foi le lagolago a lou nuu ma lou itumalo e tatou te galulue faatasi ina ia mafai ona maua se avanoa e fesosoani ai i alo ma fanau, e le gata foi i lea, a o le mamalu foi o le atunuu e femalagaai i lea auala.

Ona ou oo mai ai lea i lau Afoga i le Minisita mo Faamasinoga ma Pulega Tau Faamasinoga i lau Afoga i le Sao Faapito. E momoli atu le faafetai a lou itumalo, ona ou te manatua i le tausaga na tea nei, na ou talosagaina ai lau Afoga ma le Matagaluega mo ni laau foi nei e faamauina faamasinoga, aemaise lava gafa ma tala o faamasinoga, ona e i ai le talitonuga, atonu o se tasi lea vaega e le o mausali ai faamaunaua a alii ma tamaitai Faamasino, e le o maua atoa e nai tamaitai faigaluega le faamaunauina o tala o faamasinoga. Peitai, e momoli atu le faafetai i lau Afoga ona masalo pe lua masina talu ona uma le Fono ae valaau le faamasinoga a si ou aiga. A o i na ou mauitioa ai, o lea ua i ai laau pueleo nei, ae pau lava le tatato i lau Afoga, atonu e i ai nai nisi potu faamasino, ae atonu lava o le utititi o lau faasoa ma le Matagaluega, ae ese le tana o lenei tulaga. E momoli atu ai le faafetai tele i lau Afoga i le Tamaitai Minisita.

Tulafono Tau Faaofi o le Faatautaina o Tupe Faaopoopo (Nu.2) 2013/2014 ma le Tulafono Tau Faaofi o le Faatautaina o Tupe 2014/2015 – felafolafolaiga faaauau i luga o le faitauga faalua

Ona ou oo atu ai lea i lau Afioiga i le Minisita o Tupe, ona o au o lea ou te lagolago i lau Afioiga, e momoli atu ai le faafetai tele i le Tala o le Tupe e pei ona faataatia. E moni lava lau saunoaga, afai foi ua maualalo le fuainumera o le tupe i lenei tausaga, ona e mafua le oso o fuainumera ma manuia si o tatou atunuu. Aua pei lava e mafua le oso o fuainumera ma tupe i luga o le feagai ai o Samoa ma mala faanatura ma mica faapena. O lona uiga o i ina foi o le a tele mai ai nai fesoasoani mai fafo ma faapea ai ona maualuga le Tala o le Tupe. O lea e avatu ai le agaga fiafia ma le agaga faafetai o lou itumalo e lagolago ai le Tala o le Tupe.

E momoli atu le agaga faafetai i lau fetalaiga Lavea, o oe o lo o faasinotonu i ai ma faaluulu i ai le Matagaluga o Tupe ma nisi foi o faaluuluga o le Matagaluga o Tupe i la outou galuega i le tapenaina o le Tala o le Tupe e pei ona faataatia i luga o le Laulau a Fono.

Ia, a o le i faumaina se faamatalaga a lenei itumalo, ia, e molimoli atu le faamaisega a si ou itumalo i se tasi foi o se sa avea ma sui usufono o le itumalo po o le afioaga i Safotu, le Afioiga Tuiloo ona e faigata foi ia te au ona afai o faafogafoga mai oe le faletua ma le tina ma le fanau, ia avea ai au ma sui o le tatou nuu i Puapua, leaga o oe o le Puapua, e avatu ai lau faamafanafanaga e ala atu i le tatou Palenene i lenei aso, ioe. Afai lava o le a le tulaga ua i ai le tapenaina o le faalavelave ua ou le auai, ou te faamalulu atu ia te oe le tina, ona o lo o feagai foi au ma nisi o faalavelave ae tuu atu i le Atua ina ia maua se nofoaga mau o le Afioiga i le faipule.

Lau Afioiga i le Fofoga Fetala, o se leo vaivai lea o lenei itumalo e momoli atu ai le faafetai, ia faamanuia le Atua i lau Afioiga ma le Palemia ma le Kapeneta, faapea foi le mamalu o le Palenene i Ofisa Sili o Pulega o Matagaluga a le tatou Malo, aemaise o le tapuiga a si o tatou atunuu ma si ou itumalo. Ia manuia le Fono.

FOFOGA FETALAI: Malo faafetai saunoo i le sui usufono mo Faasaleleaga Nu.4, malo tulei saunoo i lenei aso. O le a avatu muamua le avanoa i le sui usufono o lea Itu o le Maota, le sui usufono mo Anoamaa Sasae, ona sosoo ai lea ma lea Itu, o le a sooula ai le Itu lea i toaina matutua ia.

Tulai mai le sui usufono mo Anoamaa Sasae leaga o lea ua muamua e tulai mai, ona avatu ai lea o le avanoa i le sui usufono mo Faasaleleaga Nu.3.

Tofa ALO FULIFULI TAVEUVEU (Anoamaa Sasae): Ou te muamua lava ona ou faatalofa atu i le paia o le Maota. Faafetai foi mo le avanoa ua tuuina mai e lau Afioiga mo le sui usufono mo Anoamaa Sasae. O paia lava ma faigata o le Maota, ou te faatulou atu i le paia i le afio o lau Afioiga i le Fofoga Fetala, lau Afioiga i le Palemia, aemaise foi o le afio o le paia ma le mamalu o le Kapeneta.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 -- felafolafolaiga faaauau i luga o le faitauga faalua

Ou te faatulou atu foi i le afito mai o lau Afiofa i le Taitai o le Itu Agai, aemaise foi o le afito o Sui Minisitā o le Maota, aemaise foi o sui usufono mamalu o le Palemene.

Ou te faatalofa atu foi i le paia ma le mamalu i Ofisa Sili o Pulega o Matagaluega ua mafai ona tatou faatasi i lenei itula o le aso. Malo faafetai, e talitonu ua leai lava se isi o lenei Maota e le o silafia la outou galuega tana o lo o lagolago ai i le tatou Malo.

Ou te faatulou atu foi i le paia o le tapuaiga a Lana Afiofa Mamalu O Le Ao o le Malo ma lau Masiolo, afito foi le Afiofa i le Sui Ao ma lau Masiolo, afito le Faamasino Sili ma le vasega o Faamasinoga, aemaise foi o le tapuaiga mamalu a le tatou atunuu ia Tumua ma Pule, Ituan ma Alataua, Aiga i le Tai ma le Vaa o Fonoti, tulou. Ae le faagatoina lava le tapuaiga a si o tatou atunuu i le nofo a faafegagaga faitotu i totonu o le atunuu, ou te talitonu e le o mapu lo outou tuu atu i le Atua, a o alofaiva le tatou Palemene mo le saliga o se manuia mo le tatou atunuu. Malo le faitatalo. Ae talitonu lava o manuia mai la outou galuega tapuai mo se manuia o le tatou atunuu.

E avea foi lenei avanoa ou te faatalofa atu ai i lou itumalo pele o Anoomaa Sasae. O le a ou le tolaulauina outou paia ma lo outou mamalu, e talitonu, e leai ua taoto a o se alaoo. E talitonu foi e leai se lagona o le a taea i sou manatu faatauva outou sa ma outou faiga. Tulou, tulou, tulou lava.

Ou te fia tautala muamua ma ou faaleoina le agaga faafetai o lenei itumalo ona o le galuega tele sa feagai ai ma le Afiofa i le Palemia ma le Kapeneta aemaise o Ofisa Sili o Pulega sa feagai ma le fuafuaina o le Tala o le Tupe ua i luma nei o le Palemene. Ou te talitonu e le faigofie lenei galuega, ae ua atagia mai, ua oo mai i se tulaga matagofie i le vaavaai atu ona ou te iloa ua tulaga manuia le savaliga a le tatou atunuu i lenei tausaga faaletupe.

Lau Afiofa i le Fofoga Fetalaī, e lagona le agaga faafetai pe a vaavaai atu i le tatou Tala o le Tupe i lenei tausaga, ona o le faatauaina o mea nei e pei o aooaga. E talitonu le taofi, o le tasi lea alagamannuia o le tatou atunuu mo le lumanai. A le lelei le aoina o alo ma fanau a le tatou atunuu, atonu o le a le manuia foi le faamomoe mo se manuia o le atunuu. Toetoe lava a le tofoga aoga a le fanau, tasi lea tulaga tava i totonu o le tatou Malo ma le fuafuaga mo le manuia o le atunuu. O le tun atu o le malosiaga e faamalosia ai matua ina ia ave fanau i faleaoga, ae paga lea, o lo o vaaiā foi le faigata o lea tulaga, o lo o i ai lava le tele o matua e faatamala i lenei avanoa tava ua tuuina atu i le tatou Malo. E tele pea fanau o lo o vaaiā pea e le aooaga i totonu o nuu ma alaafaga, ae talosaga atu i le tatou atunuu pei lava ona talanoa atu, o le agaga faafetai ma le fiafia ona o lea ua vaai atu, o le ioimata lea o le tatou Malo mo le lumanai. Ae a faaletonu le tausiga a matua i fanau, e talitonu lava le taofi, o le a le manuia foi le faamomoe mo le lumanai o le tatou atunuu.

Tulafono Tau Faaofi o le Faatautaina o Tupe Faaopoopo (Nu.2)
 2013/2014 ma le Tulafono Tau Faaofi o le Faatautaina o Tupe 2014/2015
 – felafolafolaiga faaauau i luga o le faitauga faalua

O le seleni lea ua faatulagaina mo aoaoga, e \$84miliona. E le laititi lenei seleni, aua e talitonu, o se tulaga lelei lea mo le faamoemoe o le tatou atunuu mo le lumanai. E le gata i lea, o le vaavaai atu i le tulaga faatuatua o le soifua maloloina ina ia maua le soifua maloloina i totonu o le tatou atunuu. E talitonu le taofi o se tasi lea vaai mamao a le tatou atunuu. Ua maitauna se tulaga faigata pe a le faatautaina le soifua maloloina o se atunuu, aemaise foi lava o le tatou atunuu i le tulaga o lo o i ai nei. Ua maitauna le tele o le seleni e faaalu e le tatou Malo pe a le fausia ma savavali i le tulaga o le soifua maloloina aua le lumanai o le tatou atunuu.

O le isi tulaga faatautaina ou te fia tautala i ai, o nisi o tulaga o lo o fesoasoani ai i nuu ma alaafafaga aua talosaga a sui usufono, e pei lava ona silafia, toetiiti lava leai se sui usufono e leai se talosaga, toetiiti foi soo Samoa o fai lava le tulaga o le faaleleia o mea e talosaga atu ai sui usufono. E ui lava ina i ai mai isi alaafafaga e i ai lou nuu e le i oo i ai sina fesoasoani a le tatou Malo, a o lenei lava e lototele le sui usufono. E talitonu pei lava ona saunua i ai le Afioga i le Palemia, o lea lava e tele le taimi i le lumanai. Ae tatalo atu ma le faaloalo, ia outou alofagia lau Afioga i le Minisita le talosaga a lenei itumalo.

Lau Afioga i le Fofoga Fetalai, o manaoga o si ou itumalo, e ao lava ona toe faamanatu atu. Mo le silafia e lau Afioga i le Minisita mo Galuega, Felauaiga ma Atinae Eseese, toetiiti lava uma ona faataunuu le faamoemoe o le faaauaina o le toe faamalositia o le eletise i totonu o si o matou nuu i le atu agai i uta i le auala galue. E i ai le mea ua tupu, ua ato nei le lima vaiaso ae ua le toe faaauaina lea galuega. Ua uma ona toso le uaea, a o lo o alu pea le laina i le transformer tuai. Ua i ai le transformer fou, ae le i oo i ai le uila, e le o i ai le malosia faaletise. E le i maunoina lelei po o le a le mafuaaga ua le faaogaina ai le transformer, a ua uma ona faapipii le transformer, ua uma foi ona toso le laina, o la e alu lava le laina tuai ma pou fou ae le i faaogaina le transformer fou lea o lo o i ai nei. E le gata foi i lea, o moli o le auala, e pei lava ona logo mai foi ina ua avatu le talosaga e le Matagaluega, o lo o i ai moli e ono, ae oo mai i le taimi nei, e le i faapipiina lava ia moli. Ia ai ona o le tulaga lea, e le i faamaeaina le galuega e pei ona i ai lea faamoemoe. Ae toe talosaga atu i lau Afioga se i e tagai ifo po o i ai se mafuaaga ua mafua ai ona toe poloka lea galuega.

E le gata foi i lea mo lou silafia, o lena ua taoto atu foi ma toe faamanatu atu le auala galue o lenei nuu o Falefa, e pei lava ona e silafia, e le i i ai lava se nuu o lenei itumalo ua faia se auala galue ae ono nuu o le itumalo. E tatalo atu i lau Afioga, se i e tagai ifo i lenei lua tausaga e totoe o lenei Paeaiga, e tatalo atu ma le faaloalo se i tagai ifo i auala galue o lenei itumalo. A o lena ua taoto atu le talosaga ma ua mafua talia foi, ona o lea e alo nei le tatou atunuu mo le tatou taligamalo.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoga faaauau i Iuga o le faitauga faalua

Ona oo atu lea i lau Afoga i le Minisita mo le Siosiomaga. E leai o lena lava ua e silafia le matou talosaga foi sa talatalanoo i ai ma avatu ai se talosaga i lau Afoga, o le vai i Lalomanga, o lena ua uma ona e silafia i ai, faatasi foi ma le ... o le vai lava lea o lo o fai ma faafitauli, aemaise le feagai ai ma le faleaoga fou lea o lo o i ai i lo matou nuu o Falevao. Ae talitonu ua uma foi ona i ai le fuafuaga a lau Afoga ma le mamalu o le Matagaluega ina ia foia ai lea tulaga.

E le gata i lea a o taligalu o si o matou nuu e pei lava ona avatu i le amataga o lenei Paeaiiga, o lo matou nuu ua leva ona faaalu i leitiio ma nusipepa taligalu o lenei nuu, ae tei lava ua faafuasei ona toe aveesea a ua uma ona lau maa. A ua matou le iloa po o le a le mafuaaga ua mafua ai ona le faatununuina lea vaega. Sa talosaga atu foi ae oo mai nei lava e le i oo..... O le taligalu mo lou silafia lau Afoga, o taligalu na faia muamua a ua matua leaga faia lava i le malosi o le galu, ona o taligalu ia na o le lafo lava i ai o le maa e oo mai lava i lenei taimi. Ae tatalo atu i lau Afoga, o le matou nuu faatasi ai ma nai nuu laiti o le matou itumalo o Savano ma Saletele, ae o lo o manaomia lava. E pei lava ona silafia, o nei alatalafaga e tua i le papa ma le moana, e leai lava se alofaga pe a oo mai faafitauli pei ona silafia.

Lau Afoga i le Minisita, e tuu atu pea i lou finagalo ina ia fai i ai se fuafuaga i nei tausaga o lo o totoe po o lenei vaiiau foi mo se talosaga pei ona tuu atu i lau Afoga.

I le paia ma le mamalu foi o lenei aso i le paia o le Maota, lau Afoga i le Fofoga Fetalai, e avea foi lenei avanoa e momoli atu ai le faafetai tele i lau Afoga i le Palemia ma le Kapeneta aemaise le mamalu tele o le Komiti sa fuafuaina le 52 tausaga o le tatou Malo. Faafetai i lo outou amanaiaga o lenei nuu o Falefa. O le upu moni, e pei lava ona aumai i le pese a lenei nuu, masalo po o le 70 tausaga faatoa toe o lava lea o le nuu lenei i se valaaulia. O le mea lea e lagona ai le faafetai. Na pau lava le mea sa tau toia ai, ona ua i ai foi ni faitioga i le pese a le nuu lenei ma taua pei o se pese lotu. Sa ou faapea o le tatou atunuu o se atunuu lotu, e alu lua lava mea uma, o faafafaga ma mea faaleagaga. O le ala foi lea na taua ma ai lea vaega, ae talitonu le taofi, e le o lena. O le talitonga ua i ai le agaga fafa ua oo i le tatou Komiti aemaise foi i latou sa fuafuaina le tatou aso, ona o le matagofie o lenei aso aemaise foi fuafuaga sa feagai ai ma lenei nuu ma le valaaulia. Faamalo faafetai mo le faaloalo ma lo outou manatu atu i lenei nuu o Falefa. O le upu moni, e tele le alofa na alofa atu, ua laititi le fesosoani ma le alofa atu o le tatou Malo a ua tele le foai atu o tagata ona o le faafia ma le matagofie o le pese a lenei nuu na feagai ai ma le tatou aso faatlagaina.

Na pau lea lau Afoga i le Fofoga Fetalai, tau ina ia alofagia e le Atua ia faamanuia tele le faanoemoe o le tatou atunuu i lenei tausaga fou fafetupe, ia manuia foi le faanoemoe o Afoga nei. Sifua.

Tulafono Tau Faaofi o le Faataauina o Tupe Faaopoopo (Nu.2) 2013/2014 ma le Tulafono Tau Faaofi o le Faataauina o Tupe 2014/2015 – felafolafogaiga faaauau i luga o le faitauga faalua

FOFOGA FETALAI: Malo faafetai saunoo i lau Afioaga i le sui usufono mo Anoamaa Sasae mo le sao taua foi o le tatou itumalo o Anoamaa Sasae.

Tulai mai le sui usufono mo Faasaleleaga Nu.3, o lea ua avanoa le Maota mo lau saunoaga.

Tofa TUILLEUTU ALAVAA VOI (Faasaleleaga Nu.3): Ua uma ona fili le tupetoo ma le manoa ua soo le fau i le fau, sosoo le fau ma le afa, o lea ua tofo i tino matagi lelei, ua uma foi ona sua le tuli pei o le mayaaga nai Pulofo ina ua faga le u i le vateatea, ua faafofoga le Atua i le taulaga ma le viiga ua tapena ma saunia, aua le usugafono a Samoa i lenei lava aso. Ua ave ave taunuu i le nuu o Ape e pei o lenei taeao ma le aso ua sola seia oo mai i lenei foi aso. O Tiafau o le malae o Malo, o le faautugatagi a Samoa, o le taunuuga lea aua Samoa ma ona upufai.

I lenei la taeao lau Afioaga i le Fofoga Fetalai, le paia o le Maota nei, e muamua lava ona ou tapui le tapu a Tupolesava ma ou faatulou atu i le paia maualuga o le Maota o le Malaefono a Samoa, i le afio o lau Afioaga i le Fofoga Fetalai, e faapea foi le Afioaga i le Palemia, le mamalu o le Kapeneta ma Minisitā Lagolago, faapea foi le paia o lenei Itu o lea e afio foi le Afioaga i le Taitai o lenei Itu, a o le mamalu tele o sui usufono o le Malaefono aua sui usufono tofia o alii ma faipule o Samoa i lenei taeao na liugalua.

E muamua foi ona ou faapai malu ma faatalofa atu i le tapuaiga a Samoa i ona malaefono ma ona tupua tausī, i ona tuaoi mai Manua e oo i Falealupo, e le toe gaganaina i se upu aua e tumau e le suia, aua le afio o Lana Afioaga Mamalu O Le Ao o le Malo ma le Masiofo, e faapea foi le Afioaga i le Sui o le Fono a Sui Tofia ma le Masiofo, Faamasino Sili faapea foi le Aiga Faamasinoga.

Le paia aua Aiga ma Tama, o Tama ma Aiga, Aiga e fia, Aiga o Nofu, Aiga o Papa, Aiga na Tafaifa, o Aiga o le Foe, o Faleupolu Tofia, o Faleupolu o Papa aua le la usoga a Tumua ma Pule, Aiga i le Tai ma le Vaa o Fonoti.

O lenei taeao, e muamua foi ona ou faatulou atu ma ou faatalofa atu i lou itumalo tapuai i le paia o oe le Taulagi ia Vaafusuaga ma Toleafoa ma le Nofu a Ituaiga aua le ta itumalo i le faletolu, Saipipi, Saasaai ma Faga. Le paia o le Taulagi na potopoto, e Taulagi i mea uma, e Taulagi ou maota, e Taulagi ou malaefono, e Taulagi ou talaga, e Taulagi mea uma, ou te mitamita ai ia Samoa. I le afio o lena itu le afio o Tofa ma le Aiga Sa Tofa, tulou Talitaliaai, afio foi le Maopu o le Taulagi i lau Susuga Sua i Ogevasa o lo o e afio ma susu ai, ae faapea foi le afifio o maota e fia ma tupua e fia e afifio ai Usoalii ma Alo o Vaafusuaga faapea foi oe le Falefitu e te tausī aua Salemuliga, e vaatele ia Tofa, o Sua lena.

Tulafono Tau Faaofi o le Faatatauina o Tupe Faaopoopo (Nu.2)

2013/2014 ma le Tulafono Tau Faaofi o le Faatatauina o Tupe 2014/2015

-- felafolafolaiga faaauau i luga o le faitauga faalua

E faapea foi Faletoa o le malae ma le tupua o tua o Fuifatu e afio ai lau Afioa Vaafusuaga, faapea foi le suafa o Tea, Aiga ma Usoalii, le falehua ma e na paea le aufono, Segi o oe le Matua Fetalai, lau pule Leuu e tumau. O Salemuhiaga lena.

I le tatou nuu i Faga i le nofo a Iruaiga i le Falelima, afio Alii o le Toaono i lo outou fagaoeone aulelei matagofe, afio o Toala faapea foi Unasa, afio Ulagalilo faapea foi Nonumalo, afio Lefinealii e faapea foi le afio o Sooaemalalagi. O lo outou Toaono, o mata na o le tao e tumau. Le nofo a Iruaiga aua oe le Salemuhiaga, le igoa o le Falecana e faigata lo outou Toafai, o Pini ma Vaisau, Lauifso ma Tapuala, o oulua tagata o le aava, o tama Tulieltu ma Tava. Le paeaiga o le tatou nuu, Fannatanu, Malaefiiga, Feagai e faapea foi le Valolealii ma Siufaga. Mai i ina e tau i Ogevasa, o paia na e le toe suia.

O le upu masani na fetalai i ai lo tatou Alii, "E le sili le auauina i le Matai, e le sili foi le na auina i le ana le feau." O lo outou nofoa lea, o lo outou pale lea e susui. Faafetai. O le la ua avey ai au ma outou sui i lenei vaiu na outou filifilia ma tofia aua taualumaga ma faigamea aua le Malo ma ona upufai. O lenei foi taeao e le tele lava se tala po o se upu e uiga i le laulivina o le Tala Faatatau Faaopoopo po o le Tala Faatatau o le Tupe mo lenei tausaga 2014/2015, aua o i tatou uma taualoa e mau tofi o tagata tetele tagata iloga latou te faia pea le tala na fetalai ai lo tatou Matai, 'o i tatou tagata manululuga latou te faia lelei uma ma faamaoni ia latou galuega, ae le o i latou uma e faatuatuhana.' O lenei la aso e avatu ai le agaga faafetai ma le faamalo aua o le aso ma le filiga, o le tai ma lona ta, o lea ua manutaupae fetalaiga o le taeao pei o upu i lea itu, ina ua taulau ma ua tannuu mai i le Fonotaga a Samoa pei ona i ai lenei taeao ma le faanoemoe ua atofa i lenei masina.

O le agaga o lou sui usufono e momoli atu le agaga faafetai tele, e le tauilo le maelega ma lo outou fita aua o le mea moni lau Afioa i le Tama o le atunuu lau Afioa i le Palemia faapea foi le aiga Kapeneta, a outou Afioa e faapea foi la outou fitaituga ma le mafatia ma le....aua upufai a le atunuu ma le teuga o le vaiava aua Samoa ma le manuia, o lea ua mataitu ua taton talafulu i le ala pei ona moe ai le tamaitai ma le tama. Faafetai tele, faafetai tele i le tapenaga ma mea uma, e le o i ai i se faamatalaga i le Tala Faaopoopo o le Tupe, e momoli atu le faafetai, faafetai. E leai foi se tasi e taunafai na te faia se mea le lelei, se i vagana le le faamaoni, ona le atoa lea o le mea faamaoni. Faafetai atu, e manatu foi o le agaga lea ma le faanoemoe lea o i tatou uma. Le paia e o le Malo ma lena itu lau Afioa i le Tama, leai, o le atunuu, ia faamalo fai o le faiva. O lea foi agaga e pei ona matou soso atu ma tau atiae tulaga o le tatou aitalafu, o le upu moni lava, o aitalafu o le fasi pepa, loan is not a problem, o le faaso. O le mea moni lava lena, a tatou tiotifilo foi i trillions la e fai e Amerika ia Saina, o le mea tatau.

Tulafono Tau Faaofi o le Faataauina o Tupe Faaopoopo (Nu.2)
 2013/2014 ma le Tulafono Tau Faaofi o le Faataauina o Tupe 2014/2015
 – felafolafoaiga faaaauu i luga o le faitauga faalua

O Samoa e le i atoa se kuata miliona, tatou aitalafu, e le o se faafitauli le aitalafu, o le faafitauli o le faasosao i so o se atunuu ma so o se Malo ma tagata uma. E momoli atu le agaga faafetai, faamalo ua i le laulau ma ua taoto foi i paga folasaga ma matou vaai ma silasila i ai, tatou fai o lea, o le matou agaga lea, o le matou taofi i lenei faeao, ia, e a i le ano nisi ae o le puna nisi.

Muamua ona ou faafetai atu i taualumaga ma aiaiga faavae ma tulaga tausi i lea tausaga ma lea tausaga, pei ona ua amai foi i lenei tausaga aua le Tala Faatatau o le Tupe ma le faasoa, faafetai tele i lau Afioga i le Minisitā mo Galuega, Felauaiga ma Atinae Eseese, o lena ua taoto mai ma ua vaai foi i le faasoa utiuti, a o le faasoa tatau ma le faasoa....lea ua....faafetai atu e tusa foi ma o matou foi auala galue, pei o lena na folasia foi i se taimi ua mavae i lenei tausaga, ia e le tauilo, o le alofa e iloa i galuega, a o galuega foi e momoli e matagi. E faafetai atu, manatua Pule ae galo Faalaeō i la outou faasosao ae faapea foi i le tele o atinae o lo o taumafai, ae le uma ai aua e oso pea le ia, e le uma ai aua e timu pea, o le aso e lelei ai ma le aso e leaga ai, e talosaga pea i taimi uma. Lou itumalo, ua ou vaai atu o lena o lo laualuga se tasi o tatou auala i le faasoa o lenei tausaga 2014/2015, e momoli le agaga faafetai i lau Afioga i le Minisitā, ae ona pau o lea e le uma ai le matou soso atu ma le agaga faaaloalo ona e moomia pea. E toe tolu lava mea tutua ia o lo o totoe, toe o Sapini, Luua ma Malaeflīga. O nai auala ia e fia teuteu, o auala foi o auala malolosi sa fausia e le Ekalesia Mamona i aso ia i le 1950. O auala tanu na ona fia teu lava e pei o le alu atu i Faga e tau i Tapuelele ma Vaiola. E faapea foi le la itu i le alu atu i Luua ma Sapini faatasi ai ma nai moli auala ona ua tele lava ina pepē le tele o moli ma e momoli atu ai le agaga faafetai. E ui o lea, e le oo atu so matou leo i nisi itu ona o lena o lo o i ina le Tagaloatusi i lau Afioga faapea foi le Matagaluega, faafetai faamalo.

O nisi mea e tau vaai i ai pei ona....i lea aso ma lea aso, o tatou aualatetele, e manaia fausaga o auala e manaia foi, pau o lea e manaia o le isi ta la e molemole ae manaia foi le isi ae faale-manaia le isi ta lea pei e sau le maamaa tau i le tioata o le isi taavale. E ui o lea o le faasoa lava, e faafetai atu. Ae pau lava o lea ona ua oo mai le matutua e tele foi nisi o tatou o le au middle ages o tatou lea ua tai 40 agai i le....e le lelei le vaai le auala, e lelei lava le laina lea e i tofону le laina paepae, a oo ina....e oo foi na saunoa foi le isi sui usufono, o moli o taavale o le isi lava e tiga lava ona fai atu ia ae faapupula mai lava moli o taavale, aemaise lava le mea lava lea e fausia ia te au ia ma lou lagona, o le laina paepae foi, guide line na e alu sao, o le toeaina e vaai lelei lava aemaise o aso timu ma aso pogisa e fausisi lava, e faapea foi i hump na o isi hump ua le....te i lava ua puna le taavale i luga, pei o nai fatufatuga manatu e avatu pea, faafetai i mea uma.

18 IUNI 2014

Tulafono Tau Faoafi o le Faatatauina o Tupe Faaopoopo (Nu.2)
 2013/2014 ma le Tulafono Tau Faoafi o le Faatatauina o Tupe 2014/2015
 – felafolafoga faaauau i luga o le faitauga faalua

Ona oo mai lea...ia ua alagatatau foi pei ona saunoa se tasi o sui usufono i le taimi ua sola e uiga i le siitia lea o le tatou Matagaluega o le EPC i uta i Vaiataa, ia e saolele lava. O le aafaga o le suvayi, e manatua foi o lau lava tihotilo ma lau saliga pei o le itumalo o Faasalelega, Itu o Tane ma Palau'i pei e tafola e tele i le vai, o le vai foi lea o lo o tele ina soifua ma manuia ai itumalo lenei, ona e taoto i gataifale e taoto lelei e level ma le sami, e lelei le vai, na o le pau lava lena o le mea ua lelei o lea i lau lava....o le mea lea e fai pe a tusa ai, le tatou Solar lea paoa, ae manumanu i le siosiomaga ae le tetele foi le laufanua agai i uta e faapea e i le uta ma le avagato o lo o galulue ai ma faapena, aemaise lava o le pueina o le suvayi ae toe faaleaga e nisi o fuafuaga ma atinae lelei, o atinae lelei, ae avea foi le nannau i atinae lelei e aafia ai le siosiomaga ma nisi o le soifua manuia o tagata.

Ona oo mai lea i nisi o...e le tele ni....se i vagana ia o lo o manuia foi ma ai lava o lo o sologa lelei le tele foi nisi o Matagaluega, leai e le faitio foi lenei itumalo, pau lava lea o le agaga e lafo atu aua e leai se faiva e asa ma le maunau. Ae o se mataupu lea ou te avatu pea i luma o lau Afioaga i le Tama o le Atunuu lau Afioaga i le Palemia lau Afioaga i le Minisita o Tupe, e ui lava sa i ai le agaga o lea o lo o afo foi le Afioaga i le Minisita a o le mea e fitoitonu i le afioaga lenei o Faga ma le toatuga o lo o ali'ali mai ai, ou te faafetai atu ma faamalo atu, e ui lava ina ua sola ma ua mavae atu se tasi foi o tamalii sa nofo i le nofoa aua le Minisita o Tupe, a o lea ua feauga ma palega tutusa ma se lagona e ui ina faateete le taofi e momoli atu i totonu o le Maota, a o se oa o le ta i aiga ma le nuu lenei ona o le faleauga, e momoli atu le agaga faafetai o lea ua to mai le pule, ua o se vaega po o se portion o le fanua ua fai mo le nuu. A o se isi vaega ia ua tuu atu i le Matagaluega, e moni le tulaga e pei ona ali'ali mai i se tasi foi o tamalii ma le fesesesatiga na tulai mai i le afioaga ma le nuu ma le malae lea i Taitaitalofa, e le oo i ai sou taofi e i ai se taimi ona tohailan lea, a o le agaga o acoaga o le fatu lea o atunuu, o le lima taunata'u lea o le atamai ma le malamalama ma le iloa e maua i atunuu manuia, o le ala lea ua matou valu ai aa o le laau, e avea ai lou sui usufono faatauva e talosaga atu ai ona o le toatuga ma le faafitauli pei ona silafia na savalia ai foi lau Afioaga i se taimi, o lenei la ua ou faaleo atu ma le agaga mauatalo, ia e toe talosagaina lau Afioaga i le Tama o le atunuu le o lo o feagai ma le Matagaluega ona o le faleauga, e le talafeagai le afa lea e tasi ma le afa eka le tele i Taitaitalofa, o le fanua o le nuu mai anamua, ia ua faatonufalea ma o le la ua matou.....

FOFOGA FETALAI: Malie le sui usufono o lo o saunoa, leaga o lea ua e taua le saunoga a le Afioaga i le Palemia, tulai mai lau Afioaga i le Palemia.

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
- felafolafoaiga faaauu i luga o le faitaanga faalua

Susuga Hon Tuilaepa Fatiafola Lupesoliai Aiono Neiote Saillel
Malleagaoti: Lau Afioa i le Fofoga Fetalai, o lea ua tau le mataupu o lea
foi ou te malamalama, pei e manaia le tatou feiloai foi i se taimi o i luma,
e lelei lena e uma le feiloaiga ma fai ai a tatou tonu, ae aua ne i iloa fua e i
latou o lo o nonofo i ou autafa ia la outou mataupu, o la outou mataupu e
faigofie, ae o le mea sili ona taua o la ua faafogafoga mai le itumalo, o lea
lava ua tau le ai, ae sema se taimi o i luma ona tatou feiloai lea. O le
fautuaga lea i lau Afioa e faigofie ai ona fai faatoga nai lo i le faatulai
mai i le aso, ou te savali atu loa i fafo o le faitotoa lea, ona galo foi lea, ae
lelei lava ona e manatua foi e selau ma le afe isi mataupu o lo o faatali
mai, e faigofie lava ona toe see malie atu ai lau mataupu ona tulaga
mulimuli foi lea, ae lelei lena e sema se taimi i lea vaiaso, ia ona tatou
feiloai lea.

FOFOGA FETALAI: Malo. Ia tulai maia le sui usufono mamalu, e
manatu o lea ua tau ai o taulafoga o lea ua saunoa atu le Afioa i le
Palemia ua talia la outou talosaga.

Tofa TUILEUTU ALAVAA VOI: Faafetai. Ia ua lagona lava le agaga
fiafia faafeai tele foi o le a le masalomia se tulaga pei ona e saunoa, a o
lea lava ua avatu i lumamea, ia o le agaga faamalo ma avatu le agaga
faafetai tele i lau Afioa i le Tama o le atunuu lau Afioa i le Palemia ona
o le le talitua lima e tusa ma le finagalo ma se faatalauala vaivai a le
afioaga ma le nuu nei, e i ai se tacao o muamua.

O le agaga lea e pei ona matou soso atu. Lau Afioa i le Fofoga Fetalai
faapea foi le mamalu o le Fono, e le toe i ai se isi mataupu. O le agaga
lava ia o le sui usufono e avatu lava ma le agaga mauualo. O a foi mea
ua faailoa atu, o le agaga lea tatou te auafau uma i le agaga e fasi, tatou
te fia sailimalo i itumalo, nuu ma afioaga aemaise o le tatou atunuu i
atinae esecese. Ae le uma ai le talosaga e pei foi o lenei itumalo, e talosaga
atu ma le agaga o a foi mea ua paopapa foi i se faafofoga ma ua le
tautamalii, ia e leai o aga lava o Fono. O lenei la tacao o matou toe upu,
ia alofa mai le Atua aua taualumaga o le Fono a le atunuu.

Lau Afioa i le Fofoga Fetalai faapea foi le mamalu o le Fono, e momoli
atu le agaga faafetai tele, ae le uma ai foi le faafetai tele i Ofisa Sili o
Pulega ma Matagaluega, faafetai tele i lo outou lagolago, o outou lava o
aao o le Malo.

E momoli foi le faafetai tele i le tapuaiga a si ou itumalo, aemaise lava
ua pau ia te au ona faailoa lau Susuga i le Tocaina Faatonu Kaleve Leifi
faapea foi le nofo a faafeagaiga mai Saipipi seia oo lava i Faga, o outou
lava o lo o faanonomanu ma faapunapaulia e tauamo se manuia o Samoa
ma si o tatou itumalo. E momoli atu le agaga faafetai i la outou tapuaiga
ua manuia ai faiva.

18 IUNI 2014

Tulafono Tau Faaoifi o le Faatatauina o Tupe Faopoopoo (Nu.2)
 2013/2014 ma le Tulafono Tau Faaoifi o le Faatatauina o Tupe 2014/2015
 – felafalafaoiga faaauau i luga o le faitauga faalua

O lenei la taeco o ni a matou upu, tau ia ni ao lealea ma ni tuatafalu, ni laumeatoli ma ni laumateoenuiti, ia mama le lagi i lena itu o le malae, ia alofagia le Afioega i le Palemia faapea foi le mamalu o le Aiga Kapeneta, o outou mama na, o outou faiva na aua se manuia o le tatou atunuu. Ia faapea foi lenei Itu i le Taitai o le Itu Agai ma le mamalu tele o sui usufono o Samoa, ia alofagia lau Afioega i le Fofoga Fetalai. Tau ina ia alofa le Atua ia tumau le la ma utupupu pea le agaga ma le tofamamao ma le tofa alualumamao ma le faautaga loloto aua le Malaeono o Samoa ma si o tatou atunuu. Ia alofagia le tapuaiga, aua ne i gasolo ao pe taape papa pe to le timu, tafea le tauofe i tupu ma ee, aemaise o faleupolui, ia maua la outou lauga aua le tatou atunuu faatauva, o se atunuu tauaitae. Ia tumau Samoa i le fealofani.

Ia manuia le aso.

FOFOGA FETALAI: Malo fafetai saunua i le Afioega i le sui usufono mamalu mo Faasaleleaga Nu.3. Ou te talitonu o lea ua faafofoga ma le manino le tatou Maota i lenei vaega o le aso.

Ia tulai mai Aumatagi, o lea ua maua le avanoa o le tatou itumalo o Sagaga le Usoga, ona sosoo ai lea ma Palelatai ma Samatau. Tulai mai le sui usufono mamalu mo Sagaga le Usoga.

Afioega MUAGUTTUTAGATA FAAMAUSILI AUMATAGI PETER AH HIM (Sagaga le Usoga): Ia, e momoli atu le fafetai i lau Afioega i le Fofoga Fetalai mo lou avanoa. E muamua foi ona faatalofa aloaia atu i le Maota nei i le afio o lau Afioega i le Fofoga Fetalai, afio lau Afioega i le Palemia ma le Kapeneta, afio lau Afioega i le Taitai o le Itu Agai, afiffo Ministia Lagolago ma sui usufono mamalu uma o le Palemene. Afiffo foi Ofisa Sili o Pulega o Matagaluega esese o lo o tatou faatasi i lenei taimi o le aso.

E faatalofa atu foi i le tapuaiga mamalu a Lana Afioega Mamalu O Le Ao o le Malo ma Lana Masioto, faapea foi le Sui Ao i le Tuihana, le Afioega i le Tuimaleaitifano ma le Masioto, le Aufaigahuega Paia a le Atua i so o se fatataitaulaga e fia o lo o faanomamau aua se manuia mo Samoa, le afioega i le Faamasino Sili ma le Vasega o Faamasinoga. O le mamalu lava lea ia Tumua ma Pule, Ituaa ma Alataua, Aiga i le Tai ma le Vaa o Fonoti. E le alu loa foi se upu e tau ina ou oo atu i lou itumalo o Sagaga le Usoga, e amata mai ia Saena ma le Aiga Sa Saena, afiffo o Tuita ma alo o Fuatino, le mamalu ia Tupailasa ma le mamalu i le Afu o le Alataua. Afiffo le paia o le Aiga Sa Gauifaleai, le Vagana i Tulafale, lo oulua Toalua Fata ma Maulolo ma le mamalu ia te Oe Tuisamau. Afiffo Maualaivao ma le Aiga Sa Maualaivao, afio Faamausili o le Matua, afio Seuilu, Taito ma le Foeaithi, pou e fitu o le Fale o Malietoa ma upu ia te oe Aumatagi.

Tulafono Tau Faaofi o le Faataauina o Tupe Faaopoopo (Nu.2)
 2013/2014 ma le Tulafono Tau Faaofi o le Faataauina o Tupe 2014/2015
 – felafolafoaiga faaauau i luga o le faitauga faalua

Ua maua foi lenei avanoa lau Afioaga i le Fofoga Fetalai e momoli atu ai se faamaisega i le tuua o le Malo e le Afioaga i le faipule ia Tuilooa, le tina faanoanoa ma le nofo a alo ma aiga, Patele ma Patele ma Patele ma Taupoua e fia o le aiga o le afiga i le faipule. O se uo mamae ia i tatou uma i totonu o lenei Maota, o le a misia le fofaina faafiafiatoto i le tele o taimi e sausaunoa ai foi. Ia, tau ina agalelei le Atua ma faaiu ma le manuia uma fuafuaga o toe sauniga o le tama ia Tuilooa.

Lau Afioaga i le Fofoga Fetalai, e lagolagoina e lenei sui usufono le Tala o le Tupe ua opea i le Maota nei. E momoli atu ai foi le faafetai i le Afioaga i le Palemia, o le Minisita foi lea o Tupe ma le aufaigaluega e tusa ai ma le galuega e talitonu e le faigofie sa feagai ma i latou. E lagolagoina tele foi le faafetai atu i le Komiti o Tupe Maua ma Tupe Totogi sa feagai ma le tapenaina o le Lipoti o le Tala o le Tupe, ma ua faitau foi ma le totoa i ai, o lo o tele lava ma anoanoai fautuaga lelei o lo o tuu mai i totonu o lenei Lipoti. Ma e lagona foi le fiafia o lou sui usufono, ona o lo o ave le faamuamua a le Malo i vaega taua ia e lua o le soifua maloloina ma aoga.

O lo o maitauina lava e ui lava ina utiuti le faasoa, a o lo o talafeagai le Tala o le Tupe, a o lo o ave lana faamuamua i mea taua nei. Ma o lo o aumai ai foi i vaega eseese ia pei o le soifua maloloina fautuaga a le Komiti. Ia, masalo o lena ua tofua uma tatou ma le Lipoti, e le oo tele i ai se matou faamatalaga i fautuaga. Na pau lava o le mea o le faafetai i le Komiti i le mataalia ma le filitilo totoa i tulaga ia ma aumai i totonu o le Maota fautuaga lelei, aua foi mea lelei ma faafitauli o tula'i mai i lea taimi ma lea taimi e tusa ai o auaunaga foi, e leai lava se isi e i ai se atoga pe i ai foi se sao. Na pau lava lea o le mea, a i ai ni faaletonu tatou te toe filitilo i ai ma toe faalelei ma faasaosao ma toe auli lelei aua le sologa lelei o galuega.

Ou te fia talanoa foi lau Afioaga i le vaega lea o tagata tafafao maimoa mai fafo. Masalo o le Afioaga i le Palemia lea e feagai ma le vaega lea, ona e taua ona ua maufinoa o i lea e talitonu lou sui usufono o se atinae e ono manuia ai Samoa ma tele ai se manuia, aua ua ou faalogologo ma le totoa i nisi foi o sui usufono i le laititi o le atunuu lea o Cook Island, a o lea e milionea lava i tagata tafafao maimoa mai. Ou te manatu foi, a lelei ona tapue ma faatino le tatou galuega i tagata tafafao maimoa mai fafo, e leai foi se mea o le a le mafai ai e tatou ma tele ni a tatou tupe maua mai i lenei atinae.

Lau Afioaga i le Palemia, manaia tala ia e maua e te naunau e fai se tatou matafaga iinei i le taulaga. E pei o atunuu uma lava tatou te asiati i ai e pei o Hawaii, o Cook Island, New Caledonia ma Tahiti, o atunuu uma lava ia e malolosi i tagata tafafao maimoa mai, e foliga mai e i ai a latou matafaga i le taulaga. E pei e manaia lava Apia, e pei lava a ta oso lava i le pasi tietie mai i Apia, leai se mea e faia, e pei ua manaia tofa aso.

18 IUNI 2014

Tulafono Tau Faoofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faoofi o le Faatatauina o Tupe 2014/2015
 -- felafalafaiga faaauau i luga o le faitauga faalua

Na o le tietie mai lava eva solo i le taulaga, masau solo, toe oso i le pasi toe alu, ua malie lava lota lota na pau lena o le mea ta te faia, ae matua malie lava lota lota. E pei o le mea fifiifa lena i isi tagata, na o le omai lava i Apia talatalanoa ma ai le aisakulimi toe o i le nuu, ia o la e foi e faaturisi solo lava ma faapisi ai Apia. Ou te taitonu la, a manaia le tatou taulaga, e moni lava e fia o tagata tafafao mainoa mai i tua, ae fai foi si manao. E augatata foi tagata e o e tietie taavale, ua fai foi si manao.

Lau Afoga i le Minisita mo Tagata Tafafao Maimoa Mai Fafu, o le manaia ia o le sau lea agai mai i le Tanoa agai mai Mulinnu pe a i ai se town planning faapea e faagaaga le auata lena e sau ia tatou i Mulinnu na o hotel lava faamolemole, e pei o le mea ia e tupu i Hawaii, e te savali savali uma lou fia savali ae le uma hotels. A o le mea lea e i ai nei, e sau sau lava hotel uma, tau mai i le fale kesi, tau mai i fannuofi, tau mai i le mea e alu ai le otaota faalautele, tulou, tau mai i le HRRP. Ia o na mea uma lava a faa-hotel, ma gatai i Mulinnu, e tea mai le Fale Faamasino, a faa-hotel uma lava i inei, aifoga, oka, e matautia. A o le talosaga, faamolemole e fai semeamanu o lea tatou te feola. A umi foi ona ola, o isi tagata ua le manatua ni mea ua leaga faiai ua maua i le alzheimers. E leai foi se taua o lena mea, e fai ifo nei fuafuaga e talosaga atu ai, ia....

FOFOGA FETALAI: Ia, malie le sui usufono se i tulai mai le Afoga i le Palemia.

Susuga Hon Tuilaepa Fatilofa Lupesolai Aiono Neioti Saliote Malilegaofi: Lau Afoga i le Fofoga Fetalai, o le faamoemoe lea e i ai, e le i faia na ona e tietie mai i le pasi ma e matamata ma e toe alu i tua. Alu oe i tua i le tou matafaga. A o le matafaga lea, e fai o lava e fia anau ai, ona o lea e auau ai, e faasooina ai le faalua o le tupe i le mea o le vai lea e totogi. Ona e auau ai lava lea, auau e alu i le fale, moe lelei ma lou tino ua oneonea ma ua pisisamua foi, e fesoasoani e tape ai le mau mai lea e mamai ai tagata, le mea o le mai o le pau. Ae tasi lena mea, masalo e le i taele ai le sui usufono i aso ia, e o atu ai fomai e fai o latou taotoga. O mea muamua lava ia, tasi lena mea ua le toe faia i aso nei. E uma loa ona faamama tatou o tama tane ona o loa lea e taele i le sami. Ona pau lava le mea e popole ai ia aua le soso tele i tai i maua oe e se avara. O le fesoasoani atu lena, a o le mea lava lea o le oneone e fai mo taelega ina ia fesoasoani e faamama ai le tau o le soifuuga lea e popole i ai Palu, ae e fai foi i le tatou taimi. O lea ua uma ona i ai le time plan e faatino ai le faamoemoe.

O nei i le aoani o le a silasila i ai le Kapeneta i le mataupu lea. O lona uiga ia, aua e te popole a oo i le taimi lena ae gasegase ai le sui usufono i le gasegase lea na ia taua, ae ua tapena uma mea e fesoasoani ai ia te oe. O le faamalamalamaga lena o a tatou fuafuaga manao.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– fetafolafoaiga faaauau i luga o le faitauga faalua

Afioga Hon Palusalua Faapo II: Lau Afioga i le Fofoga Fetalai o se mea e fia malamalama ona na taua lou igoa.

FOFOGA FETALAI: O le a le mea na taua ai lou igoa? E le o le matafaga lea na taua ai lou igoa a o le tau o le soifuaga.

Afioga Hon Palusalua Faapo II: O mea uma lava na lau Afioga. Silasila, e manaia tele le faamoemoe lenei e fai lelei se tatou matafaga ma se tulaga faapena, ae pau lava le mea ua ou fesiligia ai le fuafuaga alualu mamao a le Palemia, o le falei'a lea o le a fai i Matautu. O lona uiga e tutuli uma turisi i le manogi o le tatou taulaga. O le mea la lea e fautuaina ai lau Afioga i le Palemia e ave le falei'a i Savali pe ave i tua i Aleipata, a o le matafaga ia saogalemu lelei ma mama aua turisi.

Susuga Hon Tuilaepa Fatialofa Lupesoliai Aiono Neioti Sailele Malilegaoti: Lau Afioga i le Fofoga Fetalai...

FOFOGA FETALAI: O lea ua maua le Taitai o le Itu Agai.

Susuga Hon Tuilaepa Fatialofa Lupesoliai Aiono Neioti Sailele Malilegaoti: Sa avatu na o le afa muamua o le faamatalaga o le falei'a, ae le i avatua le afa lona lua.

O le vaega muamua la e leai se manogi, a o le vaega lua e ave la i uta e vaai se mea i uta e lata i le lapisi e faatu ai. O i ina la e faagaioi ai le vaega lea e sau ai le manogi. E leai se mea e te popole ai, e lua vaega o le falei'a lea. O le vaega e ai le manogi ma lalaoa ma le vaega lena e i ai le manogi e pei ni fagu sausau e le uma ai lou fia latalata i ai i le falei'a.

Lau Afioga i le Fofoga Fetalai, o le faamalalamaga atoa lena.

FOFOGA FETALAI: Tulai mai le sui usufono mamalu mo Sagaga le Usoga.

Afioga MUAGUTUTAGATA FAAMAUSILI AUMATAGI PETER AH HIM: Faafetai i lau Afioga i le Fofoga Fetalai. E talitonu ona o lea foi ou te tilotilo i le taimi, o le a vavae foe ona ou toe foi mai ai lea i le mataupu lea i turisi.

Ona ua galo ona avatu muamua manaoga o lou itumalo, ae nei te i ua pisa, pisa foi le Taitai o le Itu Agai ma le Palemia uma lou taimi ae e le i momoli atua manaoga o lou itumalo. E sili la le momoli muamua atu ona fai ai lea o finauga a le vaega lea. Ina nei i mulimuli ane e faapea mai ua toe lua ou minute, ae leai se mea ua avatu ona ua galo.

A o faafogafoga mai lou itumalo e amata mai i Tuanai, lau Afioga i le Minisita mo Galuega, Felauaiga ma Atinae Esecese faafetai tele mo le matou auala i Malie ua fiu timuga e talepe ua le toe ila le auala.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoga faaauau i luga o le faitaanga faalua

Ou te le iloa pe ni uamea le ta la na fai ai, o le matua manaia lava o le matou auala. A o Tuanai, lau Afloga sa ou lauga ai foi muamua i le mea lea, ae manaia lava le faamanatu ma faamanatu atu, ae pule lava lau Afloga aua e le o se faito, ae avatu lava i ina e fai i ai lau filifiliga faa-Kerisiano. Ona pau lava le mea la e mananao i ai Tuanai ia tau le auala galue i uta i Aleisa. Ia au foi ma toso le mo'i a le EPC, ia e tele foi nisi tupe e maua mai i le power pe a oo i uta i Aleisa le auala i le ui atu i Tuanai.

Ua yaia ma le faanoanoa le auala i Tuanai, ua tele ina tau le mafai ona o ai taavale, ua matua manaomia lava le toe faaleleia lau Afloga i le Minisita. Sa ou tietie atu foi i Afega ma ou tilotilo i le auala i uta e tau i Aleisa ua matua leaga lava, e manaomia le toe tapue ma toe faata le auala lea i se tulaga faafaigofie ona feoi taavale. O le taimi lenei e sili ai lou oso i lalo e tamoe i le alu a le taavale i le auala lea i Afega. Ma le faaloalo lava e fia faaleleia le auala lea lau Afloga, faapena foi ma le tolototo i Afega, ua tele ina tumu i omoomo se i tulou, e fia faaleleia lea lau Afloga.

Ia ona ou oo mai lea i le matou nuu i Malie, se i vaai i ai e faigofie lava mea e mananao ai lenei itumalo, na o le toe faiga lava o nai auala e feoi ai. O le auala i Vailoa, ua tumu i le aufaifaatoaga lau Afloga. E fia faaleleia ma fai le auala galue lea i Vailoa e faapea foi le matou auala i Lalau. A o le matou auala na faatino e lau Afloga ma le mamalu o le Matagaluega, e pei sa tatalaina i le tausaga ua tuanai atu, faamalo fafetai ua matagofie lea vaega.

Ia, ona toe oo mai ai lea lau Afloga i le Pulega o Tagata Tafafao Maimoa Mai Fafu, lau Afloga i le Palemia. A e silasila i ai i le Tanoa ma le Hotel a Elisa, tasi lea hotel manaia ma le Amanaki, o lo o manuia latou i le tatou paka lea e i luma o le latou fale. E pei o le agaga lena sa tau molimoli atu, faapaka uma mai lava tai i mea na e tau mai i Mulinu, ona sosoo ai lea ma se matafaga e volipolo ai ma taalo ai, ona sosoo ai lea ma le mea lea o le seawall e savalivali ai tagata ma o atu ai i lalo o se fasitepu e taelele ai i le sami la lea e tava e faapepe ai ni faamai ma ni mageso ma ni tulaga faapena. Ae manaia lava le faataataga lea ua faataatia mai i luma o le tatou paka lea ua fai nei pei se public park, ina ia faasoo ai luma, aua e sau sau lava le paka gata, ona ogasima loa lea o le mea e savalivali ai tagata ma le aualatele.

Ia pei o nai fautuaga e mananaia ai le tatou taulaga ma faaosofia ai le fia tafafao mai o tagata tafafao maimoa mai, aua o le a avatu nei ata, aua o le mea moni lea e i ai, a leai lava nai matafaga la e i tua, e leai – na pau lava le mea lea e latalata mai o Aggie Grey la e i le malae vaalele. Ae a misi loa ma i ina, e tuli lava Lalomanu ma tua i isi vaega ia i tua i Saanapu ma tulaga faapena i mea e tafafao ai nai o tatou tagata.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafolafoaiga faaaauu i luga o le faitauga faalua

FOFOGA FETALAI: Ua ou vaelupeina le saunoaga a le sui usufono mamalu ona o lea ua tatou taunuu i le tatou taimi malolo. O le a faaaauu lau saunoaga pe a tatou talii mai le tatou malologa masani o le 1:00. E faafetai atu i le paia ma le mamalu o le tatou Maota i lenei vaega o le aso, e talitonu o lea ua tatou taunuu mai i le tatou malologa i le afa o le tatou galuega - malo le onosai.

E talitonu foi o lea ua tapena e le tatou Ofisa se faamalositino e ala i le tatou lunch. O lea foi ua tapena atu le taumafataga mo lau Afioaga i le Palemia ma le Kapeneta pe a faapea e i ai sa outou fonotaga mo lenei aoauli. Ae talo faaloalo atu ia tatou faatasi i le tatou Fonotaga i le itula e 3:00 e faaaauu ai le tatou galuega pei ona faatulagaina. E i ai le talitonuga o le a maua se faiga malologa aemaise o se taligasua ona tatou toe potopoto mai lea iinei i le itula e 3:00 pe a taitai i ai lo outou soifua manuia i le alofa ma le agalelei o le Tapaau Sili i le lagi.

Ou te faasilasila atu o le a tolopo Taualumaga a le Fono Aoa o mo lana malologa masani ma tatou toe talii mai i le itula e 3:00 i le aoauli nei.

Na faataatia ese Taualumaga a le Fono Aoa i le itula e 1:00 i le aoauli.

Na toe faaaauu Taualumaga i le itula e 3:00 i le aoauli.

Na toe faaaauu felafolafolafoaiga i luga o le faitauga faalua o le Tulafono Tau Faaofi o le Faatatauina o Tupe Faaopoopo (Nu.2) 2013/2014 ma le Tulafono Tau Faaofi o le Faatatauina o Tupe 2014/2015.

FOFOGA FETALAI: Ou te faasilasila atu ua toe amataina nei Taualumaga a le Fono Aoa o Faitulafono.

E i ai le agaga ma le talitonuga ua tatou toe potopoto i lenei itula o le aso, ua maua lo outou faasiliga malosi aua le tatou malologa puupuu sa tatou feagai ai, ua maca foi ona tali le sua i le taumafataga o le aoauli, ma e talitonu ua lava atoatoa lo outou malosi i le paia maualuga o le tatou Maota e tauave ai le tatou galuega, seia aulia le itula e 7:00 i le afiafi nei lava.

E faia le tatou malologa o lo o saunoa le Afioaga i le sui usufono mo Sagaga le Usoga, tulai mai le sui usufono mamalu e manatu ua atoatagi lau saunoaga i le taeao analeila, ae faaiu mai le saunoaga o lea ua kamalama faaiu lou taimi.

Tulai mai le sui usufono mamalu e saunoa.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafaiga faaanau i luga o le faitauga faalua

Afoga MUAGUTTAGATA FAAMAUSILI AUMATAGI PETER
 AH HIM: Faafetai i le Afioaga i le Fofoga Fetalaí, e toe faatalofa atu foi i
 lenei itula o le aso i le paia ma le mamalu o le Maota Fono o Samoa,
 atonu ua maua se faasitiga malosi i sui usufono mamalu.

Lau Afioaga i le Fofoga Fetalaí pei e uma le taimi analeila o tau faauma
 atu sa matou tala i le tulaga o tagata asiasi maimoa mai fafo, e pei o le
 agaga lena lau Afioaga. Lau Afioaga i le Palenia ma le Pulega o Tagata
 Asiasi Maimoa Mai Fafo, ia o le faannanautaiaga lava ina ia manana ae
 ave foi le tatou faamamafa i le atinaeina o mataaga ia po o tulaga foi i
 mea tau faletalimalo i le tatou taulaga, ona o le taimi nei, pei o lo o ave
 lava le faamuanua i matafaga i nuu i tua ma tulaga uma faapena, ae
 tatou tiotillo i le tulaga lea e i ai Fiti tai pei o i ina i Nandi i Tanerau, ia e
 leai se beach o i ai i le mananaia o faleoloa ma faleaiga na e i ai, ia ae
 tumu loaloa ma tata ma musika i le po, e tumu loaloa ia lena foi nofoaga i
 Fiti i tagata asiasi maimoa mai fafo, e toaititi lava nai vaega e mananao e
 uma lava le lua vaiaso o nofonono i le matafaga i tua, e toatele lava é fia
 tataa mai i Apia ma e talifonu o lena ua i ai fuafuaga a lo tatou Malo e
 lagolagoina foi e lenei sui usufono le tulaga faataatia a lau Afioaga ma le
 Matagaluega, e momoli atu ai le faamalo ma le faafetai.

Ona ou oo mai lea i le Matagaluega o le Soifua Maloloina, faafetai i lau
 Afioaga i le Minisita ua matagofie le tatou falemai, ua maua foi se avanoa
 e oo atu ai e vaai le fomai ma fai le siaki masani o le tui o le toto ma vaai
 po o maua i le totonauuluga ma tulaga uma faapena, ia e maitaunia le
 matagofie o le falemai, e maitaunia foi le lelei o le auanuga, e vave ona
 maua ia faaluga o blood test ma tulaga uma faapena. O lo o i ai foi
 fautuaga i totonu o le Lipoti a le Komiti o Tupe, ia silasila ane i ai lau
 Afioaga i lena tulaga, a o tulaga uma lava, ia faafetai i le Malo o lena e lua
 ituaiaga mea na e lavea ifo ai le soifua maloloina, o le auanuga, soifua
 maloloina ia toe alu ifo ai i lalo ma le isi....ma le auanuga, ia e le o ni
 tamai tupe ia le \$81milliona ia ma le isi e \$73milliona o lo o faamatuu atu e
 le Malo e fesoasoani i le tatou galuega faa-soifua maloloina.

E faapea foi le Afioaga i le Minisita mo Aoga, Taaloga ma Aganuu. O lea
 foi ua faamatuu atu e le Malo se tupe tele aua fuafuaga a lau Afioaga ma
 le Matagaluega, ae faafetai i le Malo o lena e ave lava le faamuanua i
 aoga aemaise o mea tau le soifua maloloina.

Sa ou faalogologo totoa lau Afioaga i le Fofoga Fetalaí i saunoga a le
 Afioaga i le Minisita mo Faatoaga ma Faigafaiya, e faafetai i le Afioaga i le
 Minisita mo Faatoaga ona o lea sa maua ina ua fesiligiga e se tasi o sui
 usufono mo Vaimauga Sisifo, o lo o taunafai lava ae ana alu atu i le
 Ofisa e malamata i finauga la e fai ma talanoaga, atonu e maua ai le
 tulaga sao o i ai. A o le agaga foi lena o lenei sui usufono, se i silasila ane i
 ai aua e sao, ae ia faafigofie mo nai o tatou tagata ona talosaga i nei
 fesoasoani ina ia maua mai, ae faafetai o lena ua maua atu o lo o i ai le
 avanoa.

18 JUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
— felafolafoaiga faaauau i luga o le faitauga faalua

E pei ona faafofoga i ai o lea ua saunoa mai le Minisita ana se i alu atu i le ofisa e matamata i finauga ma le World Bank lea e ona tupe, a o lau fautuaga i le Minisita mo Faatoaga ma Faigafaiva; o tatou nei i Samoa, a fiu loa e finau o loa ma lima e vave ai lava ona tali mai le aualii na e faafaigata. O i ina e faigofie ai pe a fia.....aua o papalagi foi na e omai e fiu e talanoa atu i ai ae finau mai lava e fai le mea e mananao ai ma faigata ai lava mo o tatou tagata, ae fai ma tuu i ai sina au mea malosi e vave ai ona.....

FOFOGA FETALAI: Ia malie le sui usufono, se i tali atu le Minisita i le faatinoga o lana finau.

Afioga Hon Le Mamea Ropati (Minisita mo Faatoaga ma Faigafaiva):
Lau Afioga i le Fofoga Fetalai faamalo faafetai i le saunoaga a le sui usufono, e pau lava le mea e fia faailoa atu i le sui usufono, o au nei o se tagata e aupito leaga lima, ia ae a oo i se taimi e manaomia ai lima lelei, ona ou sau lea e aami atu oe aua o oe lena e i ai lou black belt, a o au e lelei le mafaufau ae leaga lima, ia.

FOFOGA FETALAI: Tulai mai le sui usufono e faaauau le saunoaga.

Afioga MUAGUTUTAGATA FAAMAUSILI AUMATAGI PETER AH HIM: Malo faafetai, e sao foi ua fai foi sina matua o lou soifua. Ae ua ala ona ou oo i le vaega lea i le ofisa o faatoaga, ona o le tele o taimi ou te lauga ai, o lenei itumalo o Sagaga le Usoga, o lo o tumu le maketi i le aufaifaatoaga, ia e tagi lava i le malosi o le tagata ia e fai ai le faatoaga ae e le i i ai lava se isi o faapea o oi mai i le tigaina po o se mea faapena, ae pau le mea la e maua le tala fiafia, o la e tumu ai le maketi i le aufaifaatoaga mai Malie, Afega ma Tuanai.

Na o se talosaga e faaopoopo atu i sui usufono, ia ave ave ai pea, finau pea, atonu lava o le a faigofie i se taimi o i luma ona tatala mai le avanoa mai na foi tagata faigata ona tuuina mai se auala faafaigofie fesoasoani e aumai, e leai lava ma se escesega ma le mea na ou lauga i le vaega foi lea o le Ofisa o Niu Sila le Immigration, ia e ese foi le aumai o le tatou Quota, ia ae alu lava le tagata ia e sue lana galuega. O le tatalo foi lena i le Ofisa o Niu Sila, a aumai le Quota, fesoasoani mai e sue ni galuega, ou te alofa i nai o tatou tagata i Niu Sila, e le iloa po o fea te mea o le a o ai i Niu Sila e atoi i ai e sue mai ni pepa faigaluega ma ni mea faapena, pei ona fai atu foi i se taimi ua sola, ua faalogologo atu i le leifito ua faitio le isi loomatua, ua \$600 le tupe ua alu a lea lava e le i alu lava lana tama i Niu Sila. O le mea lea, afai foi o faalogologo mai le Ofisa o Niu Sila, alofa ia faafaigofie. Ia fai po o a ni auala e maua ai ni pepa faigaluega a nai o tatou tagata. O lea e momoli atu ai le faafetai, ae alofola ia faafaigofie le Quota.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoaiga faaauau i luga o le faitauga faalua

E manaiā fuafuaga, ae ia faafigofie ona aumai ni pepa faigaluega pe fesoasoani mai i se auāla e faafigofie ai ona maua ni nai pepa faigaluega, ona ua le lavava nai tagata i Niu Sila i nai aunty ma nai uncle aemaise nai tagata o lo o fīa lelei solo i fale faigaluega ona o le sueina mai o nei mea o pepa faigaluega.

Ona oo mai lea lau Afioaga i le....faafetai ua faalologologo atu i le Minisita mo Fesoootaiga ma Faamatatalaga Tekonolosi i sana tali foi i le aso ananafi e tusa ai foi ma se tuualalo mai a sui usufono, i le tulaga lea i le taugata tele o le tafailagi le internet, ae faafetai o lea tū faalologologo atu i le tali mai ananafi, o le a taunafai e fai se tatou cable ina ia faaalu ai i lalo le tau o le internet, e lagona lava le aufaipisinisi le matua taugata tele o ia mea, e manaiā pe a....faafetai o lea ua faalologologo atu, o le a maua foi se fesoasoani i lea tulaga.

Ma ua vaaiā ma le agaga fafia le Minisita o le Faalapotopotoga o Faalavelave Tutupu Faafiasē, o matou la e taulalata atu i le maketi fou, ia ua vaaiā ma le agaga fafia toe lava o se aga ona uma loa lea, ua vaai ua toso le uaea toe lava ina faapepa ia ato loa ma le apa, ia tatala i lalo ma le pa ae faaoga le tatou maketi, ia faafetai o la ua vaaiā ata o Taulalei toetiiti lava a maea le tatou maketi lea e masani ai lea e i ina i Fugalei ia ona uma foi lea o le vevesi o le au faatau talo i le aualetele.

FOFOGA FETALAI: Toe hima minute o le sui usufono.

Afioaga MUAGUTUTAGATA FAAMAUSILI AUMATAGI PETER
 AH HIM: Faafetai i lau Afioaga i le Fofoga Fetalai, pau na ou te taitonu o isi uma Matagaluega uma o lo o i ai le tatou Lipoti lea i a outou Afioaga o lena lava e manino ma mautinoa ia fautuaga a le Komiti e ona le Lipoti o le Tupe, e leai se matou tala tele i isi Matagaluega, ae o se matou sao lena Sagaga le Usoga e tusa ai foi ma le Tala Faatatau o le Tupe. Manuia tele lau Afioaga i le Fofoga Fetalai ma le paia o lenei Maota.

FOFOGA FETALAI: Malo faafetai saunua i le sui usufono mamalu mo Sagaga le Usoga, e taitonu ua taua lou sao i le tatou Tala o le Tupe i lenei vaega o le afaifi.

Ia o le a tatou see atu i le Afioaga i le sui usufono mo Falelatai ma Samatau, tulai mai lau Afioaga i le sui usufono.

Afioaga TAEFULEMI (Falelatai ma Samatau): Faafetai i lau Afioaga i le Fofoga Fetalai, malo le usufono i le paia o le Maota, e faafetai atu e faatalofa atu foi i le Afioaga i le Fofoga Fetalai ma le paia o le Palemene, le Afioaga i le Palēmia, Kapeneta aemaise foi o le tatou vaega i le itu a le Malo, lau Afioaga i le Taitai o le Itu Agai, aemaise foi o lena vaega o le tatou galuega i faaululuga o Matagaluega.

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafalafoga faaauu i luga o le faitauga faalua

E faafeiloai atu foi i le tapuaiga a Samoa i le afio O Lana Afioga Mاملu, O Le Ao o le Malo, Afioga Tui Atua ma lau Masiofo, e faatalofa atu foi i le Sui o le Fono a Sui Tofia lau Afioga Tuimaleaifano aemaise foi o le Masiofo, lau Afioga i le Faamasino Sili ma le vasega o le Faamasinoga, ia malo le galulue malo foi le soifua. Le paia o Samoa mai tupu ma ee, ia o Aiga ma Tama, o Tama ma Aiga, le Usoga a Tumua ma Pule, Ituau ma Alataua, Aiga i le Tai ma le Vaa o Fonoti.

E faatalofa i Auaua a le Atua o lo o faafalelemalu i so o se tulimanu o Samoa i lo outou fai tatalo ma talosia ni manu ina ia manuia le tatou Faigamalo.

E faatalofa atu foi i si ou itumalo i le paia o Aiga Tauaana ma la outou Tama, le Falefitu o Leaitagaloa, afiio o a outou Afioga i Faaaloaloga, Anae, Lupematasila, Nanai, Afioga i le Laau na Fausia Misa, ae a le tapuaiga i le Toatolu, lau Afioga Faalavaau, lau Afioga Lealaitagomoa ma lau Afioga Taefu, o le paia o le Falefitu o Leaitagaloa. Ia e faafeiloai atu foi i lau Afioga Faasavalu o lo outou Matua Aiga aemaise lou Aiga, i le Tausoalii ma Tama a Tausala, alaalaatai Galurefa ma Tula o Salogo, Falelatai ma Tagata o le Vavau.

E faafeiloai atu foi i le tatou nuu i Samatau, i le afio o le Falefa o Usoalii ma le Gafa, Fiamē ma le Tamaitai, ae a le Saofaiga ia te oe Leulumoega. Talofa, talofa lava. E faatalofa i lau Afioga Patele o le Tama o le tatou Matagaluega, malo le galue, malo tauatai. Ua maua tala o le a tuua e lau afioga le tatou Matagaluega, ia o manuia na, ia alu se toa ae toe sau se isi toa, galue aua le galuega a le Atua.

E faatalofa atu foi i lau Susuga i le Tocaina Faatonu, o le Taitaifono o le Ekalesia EFKS i Samoa ma le lalolagi atoa, le paia i le aufaigaluega tofofi a le Atua i so o se fatafaitaulaga, malo le galulue, malo i lo outou soifua laulelei, aemaise o lo outou nofo tatalo aua le tatou itumalo. O le faatomatau atu lea i le paia o le tatou aso.

Lau Afioga i le Fofoga Fetalai, e faigata ona laa le lauga a o faamalumu mai le ao pogisa i le Maota. O lea e momoli atu ai le agaga faaloalo i le faamaisega ma le agaga faamafanafana i le aiga faanoanoa aemaise foi o lenei Maota. Ua faia se fasi o pou o le tatou fale, ia tatou tatalo i le Atua ia maua se nofoaga mau o lana Afioga i le sui usufono mamalu i le nuu lea o lo o tatou tau fai sintio uma i ai. Ia, e tatalo foi i le Atua ia maua le soifua laulelei i pou e 48 o totoe o le tatou fale, le Maota o le Faautugatagi a Samoa. Afai foi e toe faia se isi pou, ia o le tatalo i le Atua, aua le sau faapea le faasologa ae ototoo solo, pe amata mai o po o le la pito.

Ia, o le talanoa lea i lenei itula o le aso, malo lava i lau Afioga i le Fofoga Fetalai, faafetai foi ua faaagagase le Maota aua le tatou Tala o le Tupe. Ia o le a amata sina tala i le vaega lea o le faamanatuina o le tatou Tutoatasi aua o lea foi e i ai nai vaegatupe e faamatuu atu e faatino ai lenei faamoemoē.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 -- felafolafoaiga faaauau i luga o le faifauga faalua

Lau Afoga i le Fofoga Fetalai, o au sa fai lau moliman tusitusia ma tuuina atu i le Taitafono o le Komiti o le Tutoatasi i le la tausaga, ae ua ou manatu la, ua avanoa ai foi ma au e fai sau tala i le Vaega lea, aua ua uma ona fai lau galuega muamua, ae le o faatauaina tele pe a.

Lau Afoga i le Fofoga Fetalai, o le faigalotu o le Aso Sa, sa faaitinoina e le Mafutaga a Ekalesia, malo fafetai, mamalu ma maualuga, ua silamio ai le atunuu i le manaia o le mamalu Faa-Akiepikopo o leni Ekalesia. O le mea lea e momofi atu ai le fafetai. O le valaauia na alu atu, e alu atu i le tatou Malo i lau Afoga i le Palemia ma le Malo. E i ai le manatu e pei lava ona ou taua i lau tusitusiga na tuuina atu, a maea le sauniga, o se isi o a outou Afoga e tulai ane e faafetaia le aufaigaluega sa galulue i lena aso ma fai se fafetai i le atunuu ma le auvalaauia sa outou valaau e omai. Aso Gafua na sisi ai le fua, na misi atoa se tatalo. O lau lava lea tatalo i le tatou Malo, se aua tatou te faatuatanai, na o sina lima lava minute. Ae a pe a fai sina tatalo puupuu na o sina lima lava minute.

FOFOGA FETALAI: Ia, malie le sui usufono se i tuu atu le avanoa i le Afoga i le Palemia.

Susuga Hon Tuilaepa Fatialofa Lugesolilai Aiono Neioti Satele Malilegaoi: Lau Afoga i le Fofoga Fetalai, fafetai lava foi i fautaga. Ua leva ona ou tali atu i le mataupu lea, e ui lava ina alu atu i le Malo ae o lo o fafoe e le Fono a Ekalesia. Ma a oo lava i mataupu tau lotu, tun pea i le Aupaia latou te faaitinoa a latou sauniga. E ui lava o lea e alu atu i le Malo le valaau ona o le Tutoatasi e alu i le tulaga lautele. A o le tulaga lava ia i le lotu, o le mataupu lena a le aufaigaluega, tun pea e faaitino le latou matafatoi. O lea lava ou te iloa o lea e saunua mai le sui usufono i le agaga fia iloa, lea e ala ai ona tele mea e tau fufulu ma mea felauai. Tun pea lava le tulaga ia i sauniga paia e faaitino e latou. O le tulaga foi lea ua agai i ai le Fono a Ekalesia, o le faigalotu lea e fai i le po, o lea lava ua talosia uma ai ia sauniga, e amatamea le sauniga i le po lea, ae toe faamaea foi e latou. O le ala la lea e faaitino ai le tatalo faaiu, e fai i le malae. O le iuga lena ua uma ona fai ma le Fono a Ekalesia. O le ala la lena e le toe faalavelave a i ai le Malo i la latou matafatoi.

O le tulaga foi i le faapea na o le lima minute, e le faapena le agaga o faifeau, o lea ua tele mea tatou te vaavaai i ai, leaga e fia iloa foi latou. A o le tulaga lea e i ai, o lea la ua aliali mai, na o oe lava lea e te faitio ma Palu, na o le toalua lava lea e faitio. A o tagata uma lava, o lea ua latou ioeina le polokalame lea ua alu ai nei. O lea foi la na aumai ai nei lau fautaga, ua manatu le Komiti, o lea lava ua lelei le mea lea e i ai nei, aua le felaiiai fua le laa atu i i o, fai pea le galuega a le aufaiotu latou, aua tatou te toe faalavelave i ai.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaauau i luga o le faitauga faalua

Lau Afioa i le Fofoga Fetalai, o le tali atu lena i le saunoaga a le sui
usufono ae faafetai foi o le mea lea e sau ai, o le mea tuai, o lea ua tatou
alu i le mea fou lea e i ai nei, e tasi lava le lotu e fai i le po e talosia uma ai
lava faafiagi o le tatou Tutoatasi, e amata ai ae toe faaii foi e latou.

Lau Afioa i le Fofoga Fetalai, o le tali puupuu atu lena.

FOFOGA FETALAI: Malo faafetai saunoa.

Afioa Hon Palusalue Faapo II: Lau Afioa i le Fofoga Fetalai, ona o
lea ua taua au, ae ua aoga foi sia mea se i fai atu ai se faamatalaga.

FOFOGA FETALAI: Ua e malamalama i le mea lea na saunoa ai le
Palemia?

Afioa Hon Palusalue Faapo II: E matua malamalama ae matua sese
lava.

FOFOGA FETALAI: Faafea ai o lena e te i valevale mai, a o lena....

Afioa Hon Palusalue Faapo II: O le Atua e faavae i ai Samoa. Afai o
se fautuaga a le Fono Tuufaatasi a Ekalesia, o le matua sese lava, e tatou
lava ona fai se lotu i le taeao, Lau Afioa i le Palemia, sa ou faapea e te
fautua i ai pe a faapea o latou lea e... leaga o lea ou te maitauina e
faatopelau lava a tatou mea. O lona uiga, e sau mai lau Afioa le
fautuaga.

FOFOGA FETALAI: O lea ua maua atu Palu.

Susuga Hon Tuilaepa Fatialofa Lupesoliai Aiono Neioti Sailele
Malielegaai: Lau Afioa i le Fofoga Fetalai, ou te matua teena lea taofi,
ou te matua teena lea taofi, tuu ai pea i le mea ua i ai, o la e ua lelei, seia
oo foi ina e Palemia oe ona e sau lea e alu e faalavelave i ai i mea faapea,
ae soia tatou te faalavelave i le mea ua tasi i ai le Fono a Ekalesia. Lau
Afioa o le tulaga lena. A o le mea lea ua tupu ia tatou, ua tele ina tatou
fia faifeau, a o lea e matua maioio lelei lava la tatou galuega. Tuu pea
mea a Kaisara ia Kaisara. O le ala lena o lea e... e oo foi i talaaga o
Ekalesia ma le mea na vevesi ai, o le alai atu fua o e e pulea Malo i le
galuega a Taitai o Ekalesia po o le galuega a le aufailotu, alai mai foi ma
le aufailotu ia i galuega faa-Kaisara. A o le manino ia o Afioa a le Alii.
Palu, o Afioa ia a le Alii, "Ave pea mea a le Atua i le Atua, tuu pea mea
a Kaisara ia Kaisara.

Lau Afioa i le Fofoga Fetalai, o le faapuupuu atu lena.

FOFOGA FETALAI: Ou te manatu ua manino ma malamalama Palu.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafolaiga faaauau i luga o le faifauga faalua

Afoga Hon Palusalue Faapo II: Lau Afoga i le Fofoga Fetalai, ua tau
soo mai lou igoa.

FOFOGA FETALAI: Ia, e le o ni ai e avea.....

Afoga Hon Palusalue Faapo II: O le upu moni lau Afoga i le Fofoga
Fetalai, leaga e tuualalo maia le aufaigaluega e le gata ia au, a o lenei
Vaega, ioe.

FOFOGA FETALAI: Ia, ina ne i maueseese le Maota e ese e o fautua i
le Palemia ese e o fautua ia te oe.

Afoga Hon Palusalue Faapo II: O lea e fai atu lau Afoga ma le
faaalalo, o le Palemia lava lea ua taofia lotu nei.

FOFOGA FETALAI: Alaala i lalo o lea ou te fai atu. O le a see ese lau
saunoga ma le mea o lea e... e le o feagai oe ma le aufaitonu o lea e faia
lotu o le Sisigafua o lea e feagai le Malo ma le... O la e foi e fafogaafoga
mai Ekalesia Soofaatasi ne i meane ua tatou tuuaia ae le iloa o le latou
finagalo. E ui o lea, sa tatou maitau uma, na o le Atua na te silafia lea
mea o le tatou faanoanoa ia te ia i taimi uma. Na tatou vaai foi i le tatou
polokalame, ua short and sweet. E uma ane le mea ua e afio lau Afoga i
le fale e te malolo lelei ma e afio mai e tali lau sua i le lunch. Na ese foi
lau tala na fai mai i le ta nonofoga a o lea foi ua ese lau saunoga. E ui i
lea, Taefu, o lea ua malamalama le mataupu pei ona e saunoa, tulai mai
ma see ese o lea ua matagofie lau saunoga.

Afoga TAERU LEMI: Faafetai i lau Afoga i le Fofoga Fetalai. E tasi
lava le aso na tatou Fono faaumiumi ai, aulia loa le aso fou e taofia loa le
Fono ae fai sina tatalo puupuu. O le aso fou e faatauina. O i matou ia e
usu mai tua e ta le 2:00 usu mai loa e momoli mai le au savavahi ma o mai
e faamanatu le Fua, e leai se taimi i tua e fai ai le lotu, e mananao e lolotu
mai i i. Ma le fautuaga mulimuli i le Komiti o le Sisigafua, a maea uma
mea uma, manatua foi sa malotia le tatou atunuu i lea aso, le Palemia o
Niu Sila, e le o le Hai Komesina o Niu Sila, saunoa lau Afoga i le
Taitaifono. O le mea lava lea ou te leleiga ai le Afoga i le Taitaifono, a
saunoa e i ai lana fasipepa e limataitaiina ai sana saunoga e fai e
fesosoami ia te ia. Ae sa lagona lava i lena aso le le atoatoa o le manatu
ona o le faaitnoga na faaitno ai le tatou saunoga mulimuli lava on behalf
o le Komiti o le Tapanaga.

O lau tuualalo i lau Afoga i le Taitaifono o le Komiti, se saunoa oe,
saunoa lau Afoga.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafaiga faaauau i luga o le faitaunga faalua

Lau Afioga i le Fofoga Fetalai, ona ou oo mai ai lea i le Minisita mo Aoga, Taaloga ma Aganuu ona e fia fai se tala i le tatou school grant. O le tatalo e faapuupu'u atu ai i lau Afioga i le Minisita, se i tau talatala lemu ane nai noataga o le faamatuuina o seleni o le school grant lea ua oo i le vaega o aoga maua/luluga a o lo o mau lava ona ua fai lava sina mau laitiiti.

Ia manatua foi o seleni ia sa ao o pili aoga o le fanau sa tua i ai aoga aua e fai o meaoga a o fale foi ma mea faapena, o le mea lava lena sa faaoga i ai e aoga uma lava le seleni lea na latou aoina. O le a le mea ua i ai i le taimi lenei? Ua fai le fesoasoani a le Malo, ae ua i ai ma nai aiaiga e taofiofi ai le soona faaogaina e ese mai ai i meaoga. O le tatalo faatauanau lau Afioga i le Minisita, se i silasila ane pe mafai ona tau talatala teisi ane. O le aoga o le Kolisi a Aana Nu. 2, e manaia le matagofie o le hall la e i ai sa afio atu lau Afioga e tatala, o le loan mai le Development Bank sa fai ai. O manatu o nai tocatina sa i ai i lea taimi, e faamoemoe i pili o nai tamaiti ma sina mea mo meaoga, a o le mea lea ua i ai nei ua toe lava o le o atu o le bank e tala mai le hall. O le tatalo i lau Afioga i le Minisita, se i e silasila lava i nai atinae sa faataatia e nai komiti mo le lelei o aoga, ae peitai o le suiga o le faiga ua fai ai pili o tamaiti, ua le mafai ai ona faatino ia vaega, ae tau lava o sina vaega e faamatuu e fesoasoani ai i le totogina o aitalafu a nai aoga ma nongatupe sa fai. O le talosaga lea i lau Afioga i le Minisita, se i alofa ane foi i le faleaoga i Siufaga i Falelatai e 130 tamaiti ae toatolu la ua i ai i lenei taimi, ae manatu a 130 ua tatau ona maua se fa o faiaoga, e le i maua se pule aoga talu mai le la fa tausaga. Ae pe mafai ona faatino lea vaega mo le matou aoga laitiiti lau Afioga.

Lau Afioga i le Minisita mo Faatoaga ma Fajafaiva, e momoli atu le faafetai. E le i leva talu ai nei na ou i Niu Sila. O le Savaii Popo e number one, Savaii Popo o le Apa Peepee o le Savaii Popo. Fai mai Saina ma Initia e ana faleoloa la e faatau ai, o le apa peepee lena ua numera tasi nei i Niu Sila. E ao ona ave i ai se fesoasoani ma se faamuumua i nai ia atinae. O le talo foi a tatou sa faatau, e manaia lava le talo e tau mumu le mata-talo ia ai o le talo lea e mumu le tiapula, ae o le tulaga lena na i ai, pau lava le mea o le tullimataia ma silasila totoa le Matagaluega i le avega o le tatou talo, fili lelei le talo ma ia ave ma le mautinoa o lo o ave i le mea o lo o faulai ai talo, e faapena le tuualalo i lau Afioga i le Minisita.

Lau Afioga i le Fofoga Fetalai, o le matua manaia lava o le mea lea o le sisi Aferika i le ai, ua tatou aai ma talisua ai i le tatou malaga na o, a o lea lava tatou te feola, ona ou talitonu lea, aua e fai foi o le manaia o le matolutolu o le alili Samoa, ia a o le sisi Aferika na aumai i lena aso. E le o se tala e avane ai, a o lea ua iloa nei e leai o le mea e taumafa, e ai le sisi Aferika pe a.....ae se i....aua e pei o lo o lafoai e tatou ona e i ai le pau o le sea ma tulaga faapena, vaeane le Maota.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaauau i luga o le faitauga faalua

O lea na avane i a tatou taumafa na avane i o. Ia se i silasila ane, fai mai foi o tatou e....a o lea lava e tele nai ia mea e tali ai le sua.

FOFOGA FETALAI: Malle le sui usufono mamalu, se i tulai mai le fomai o taumafa, tulai muamua mai le sui usufono mo Aana Alofi Nu. 3, ia ona tulai mai ai lea o le sui usufono mo Faleata Sisifo.

Afoga Toeolesulusulu Cedric Pose Saleasa Schuster (Aana Alofi Nu. 3):
Lau Afoga i le Fofoga Fetalai, e manuia i le faalogologo le saunoaga a le Afoga i le sui usufono, leai e ffa malamalama lelei lava i le ituaiga sisi Aferika lea leaga ou te le iloa po o le a le species lea po o fea foi na outou taumamafa ai i le sisi lea e tau o le sisi Aferika, aua leaga e ese le sisi lea le snails lea e tele ina faaoga e kuka a Vietnam ma Farani, e le o taumafaina ai le sisi Aferika lea e oo mai iinei i Samoa ae atonu la e maua ai....atonu la e moni lea vaega, e talitonu e taua tele faafetai.

FOFOGA FETALAI: Le sui usufono mo Faleata Sisifo, se i tulai mai le sui usufono mamalu.

Tofa Lealaliepule Rimoni Aiafi: Lau Afoga, o le tatou Fono lea e faafofoga mai i ai Samoa atoa, ne i te i ua tatou avatua ni faamatalaga le talafagagai, afa'i e faamaonia e le sui usufono e aina foi e faaoga i le fofoga taumafa lea mea, ia faamatala lelei mai, aua o lea ua talanoa atu le matou polofesa, e tele ituaiga species o le mea, e le faapea....o le mea lea e maua ia tatou e oona, e i ai le poison i totonu le mea e tau o le KR15, ioe, a e le tago la e aveese le poison lea, e le mafai ona e faaogaina le mea. O le mea lena e fai atu ai i le sui usufono, leaga o tala faalogo ia, ona sau loa lea....ae se i vaai pe na ia aia lea mea, ma le faaloalo lava.

FOFOGA FETALAI: Malo. Ia o lea o le a ou avatua le faamaomiga leaga na ou ai ma au ina ne i meaane ua outua finau ai.

O le sisi lava ia o le sisi, e tasi lava le species o le sisi Aferika la e maua i Saina o lea foi e maua ia tatou, ae i ai lona vaega e eu ese e pei o se au'onai; e pei lava o le au'onai o le alifi. Na matou matua tilofilo lelei lava i ai ma le Afoga ia Papalii ma Taefu ina ua matou o i le breakfast i lena taeano. Na matou o atu o laina uma mai mea ia. Sa matou fesili loa ma na ou matua alu lava i tua i le umukuka ou te vaavaai i le process ina. E saka lelei ona aumai lelei lea i fafo le aano atoa, ona eu ese lea o le i'u lea e pei o se pulou aitu. O le i'u la lena e pei o le mea lena e oona e pei foi ona maua pe a taumafa i le alifi lea e maua mai i le samii. Ae ona o lo tatou atunuu e pei na sau i le amataga o le sisi Aferika e pei o se mea foi lea e leaga ona e aia uma lau o laau ma mea uma, ona manatu loa lea o le atunuu e faaletonu, ae na alu le matou malaga ma o lea ou te tautino atu ai leaga o lea ua saunua Taefu.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafaiga faaauau i luga o le faitauga faalua

E sao sa matou tofo ai, e leai lava se eselega tele, ae ona pau lava le mea ona o le allii e mai le sami, e maua lona onaona foi lea i le masima o le sami, ae pei o le allii o lea e maua i le laueleete, o lea ou te faamaonia atu ai lau Afioga i le alii polofesa o mea tau allii ma o oe foi o le polofesa o le tofo i meatausami, e sao le faamalalamaga lea.

Tofa Lealailepule Rimoni Aiafi: Faamolemole lau Afioga, manatua foi na ala ona taofiofi e tatou le mea, e tele atu le afaina o le tatou siosiomaga ma le atunuu i le sisi lea, i lo le itu lelei lea, e moni e mafai ona ai i le ituaiga atunuu na, a o le afaina la o le siosiomaga ma fua o faatoaga ma faaeleleaga o lea e aumai e le sisi lea, o le mea lena o lea na taumafai tatou e tinea le sisi. O lona uiga la o lea pei o le a feteenai la finagalo o tatou ma le mea lea na taumafai e taofi, o lona uiga o lea ua manao e toe fofoa le sisi ae ai. O le sao lea?

FOFOGA FETALAI: E leai, o lea Leala ina ne i meaane ua e tosoa foi e matou te o atu e faafofoa le sisi, leai, o lea e saunoe le sui usufono mo Falelatai ma Samatau e faamalalamaga sa taumafa le sisi i le matou malaga, ae le o i ai se agaga e agai faapea o le a agai e fai ni toga sisi, e le o le agaga lena. Tulai mai le sui usufono mo Falelatai ma Samatau e faaauau le saunoaga.

Afioga TAEFU LEMI: Faafetai i lau Afioga i le Fofoga Fetalai mo le fesoasoani mai foi e faapupula le vaega lea, afai o lea e fia maua e le sui usufono mamalu le scientific name o le sisi, ia ona ou faamalulu atu lea, masalo lava o le F150 lea e tele ina faaogaina nei e le tatou atunuu. Ae o lo o i ai lava i latou e fitoitonu ma lea vaega lau Afioga i le Fofoga Fetalai latou te siakiina po o sao atoatoa po o malu ma saogalemu le sisi lea e maua iinei, a o foliga ia ma le tofo, ia o lena sa silasila i ai lau Afioga, o lea e maua nai ata i i lau Afioga i le sui usufono mamalu mo Aana Alofi Nu. 3 pe a fia silasila i ai, ae ona o lea ou te i le Afioga i le Minisita mo Faatoaga ma Faigafaiva na ala ai ona ou taua le vala lea.

E tele foi nisi faiga sa fai ai le talo lau Afioga, o le sua o le talo na ave i o i Saina.....

FOFOGA FETALAI: Malie se i tulai mai le Afioga i le Minisita mo Faatoaga ma Faigafaiva.

Afioga Hon Le Mamea Ropati: Lau Afioga i le Fofoga Fetalai ma le faaalalo, e faapea e le o au lea e lavea ai le sisi, a o lea la ua tau mai. O lau fautuaga la aua o lo o faafofoga le atunuu, ia aua ne i tago se isi e taumafa le sisi ne i te i ua ona, ae tape le sisi tuu i totonu o le paelo ma asu i ai sami.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoga faaauau i luga o le faitauga faalua

O i ina e pe ai ona ave lea tannu faalelei, ae aua le taunafaina ae se i saliliti pea i ai i latou e i ai tomaiti lea mea, ne i te i ua faaaoaga e lo tatou atunuu. Afai sa taunamafa ai nisi o a outou Afoga, ia masalo e ese le....ma e faapena mea o sisi e pei e foliga faatasi ae esese mea o species. O lau soso atu lea ma le faaloalo i le sui usufono mamalu, ne i fafofoga mai le tatou atunuu, ia ona o lea o tamaiti ao mai sisi ae te i ua afaina ai se isi, faafetai.

FOFOGA FETALAI: Ia tulai mai le Afoga i le sui usufono mo Falelatai ma Samatau e faaauau le saunoaga.

Afoga TAEFU LEMI: Ia o le agaga tonu lava lea na ou taua ai o lo o i ai lava i latou e fritoitonu i ai ma lea vaega, ia latou te siaki ma saunoa e aumai i le atunuu le tala tonu e ao ona fai ina ne i esese foi ia se manatu, ae o le tulaga lena na i ai.

Lau Afoga i le Fofoga Fetalai e tasi se vaega lea e fia talanoa i ai o mea ia o papalagi, Saina o ituaiga tagatanuu faapena e tele le selani o i fafo, e fia omaiti totonu o Samoa e invest e teu ai a latou tupe e fai ai a latou pisinisi, e le o lloga lava ona matua maopopo lelei le tali atu a Samoa i le afifo mai o ia tagata, e aofia ai le Immigration, aofia ai ma le MCLT, o LeoLeo, o le Ofisa o Tittle, o vaega uma nei lau Afoga i le Fofoga Fetalai, e tatou ona taunamafai se tatou vaega foi nei mo central se vaega e one stop shop po o se mea faapena ina ia tasi lava le mea e toai i ai le investor lea e sau mai fafo ma issue foi e le MCLT lana foreign investment certificate, ae faapena ona talia gofite e le isi vaega e i ai le Immigration ma o i le mea e issue ai le business license. O le tulaga lea e i ai e pei e foliga e faaomoe le isi Matagaluega e fai lava e le isi Matagaluega lana ia credit check, ae e pei o le agaga lena ia coordinate le auunaga ina ia tasi lava se point e fai i ai le credit check ae mafai ona faaogaina e Matagaluega uma lava e involve i se tagata faipisinisi o fia fai sana pisinisi i lo tatou atunuu. E pei o le agaga lena lau Afoga i le Fofoga Fetalai.

Ou te momoli atu le faafetai tele i le Malo e tusa ai ma le tofa ua ae ina ia faavae le mea lea o le public enterprise, o le faateleina po o le faamalosiata atifi o le tamaiti vaega lea sa i le Matagaluega o Tupe o le SOEMD. Ou te momoli atu le faafetai i lea itu ona ua leva lava ona tatou ona fai i lau matou aua e pei o le isi lea vaega o le auunaga a le Malo e le o lloga ona lelei ona coordinate ina ia lava tapena, aemaise ai foi o le maua mai ai o ni fesasoani mo lo tatou Malo. Aua e i ai taimi e peli ua tau diversify lafititi Faalapotopotoga a le Malo ina ua maua nai seleni ma laa atu ai fai isi auunaga po o isi tautua e ese mai i le tautua na mafua ai ona faavae, ae ua fai lea vaega ma mafuaaga o le le aveai ai o se dividend i le Malo ona ua faaoga tupe maua.

18 IUNI 2014

Tulafono Tau Faaofi o le Faatautauina o Tupe Faaopoopo (Nu.2) 2013/2014 ma le Tulafono Tau Faaofi o le Faatautauina o Tupe 2014/2015 – felafalafoga faaauau i luga o le faitauga faalua

Aua ana maua lava nai polofiti ma vavae sina seleni mo lo tatou Malo – o le mea lea ou te faafetai ai lava i le faiga lea ua taatia mai ai ma o le tualalalo foi lena i le Afoga i le Minisita ua filifilia ina ia tulimataia pea a tatou Faalapotopotoga.

Sa i ai lava le galuega sa fai i ai i le vaega lafititi lea a le SOEMD i le Matagaluega o Tupe, ae faafetai o lea ua faamalosi atili ina ia mauiinoa o lo o tatou o pea i luga i le moa o le ala i a tatou Faalapotopotoga ma maua mai ai foi ni nai seleni. Aua e ala foi ona privatise ona o le i ai o le potential e maua ai nai seleni, a maua faamolemole aumata sina mea mo lo tatou Malo.

Lau Afoga i le Fofoga Fetalai, o le cycle lava lea tatou te i ai e continue lava. O le Tala o le Tupe, faatino auunaga, accounts, audit and annual report. O le cycle e continue faapena. O lea foi o le a uma Iuni lau Afoga i le Fofoga Fetalai e uma ai le Tausaga Faaletupe 2013/2014, ona account, audit, annual report foi lea. E fa lava masina ina ua uma le tausaga faaletupe e tuuina atu i Matagaluega ma Faalapotopotoga e fai ai a latou tala o tupe. E oo atu ia Tesema ua tatau ona uma foi ona audit, ona Ianuari loa lea i le tausaga fou aumai loa i totonu le lipoti faaletausaga. O Iuni o le tausaga lenei lau Afoga i le Fofoga Fetalai, le tausaga lenei 2014, a o Ianuari o le tausaga fou e amata ai loa ona sau i totonu.

Ua ou fiafia lava lau Afoga i le Fofoga Fetalai aua ua amata ona vaaia e nai Komiti o lo o ou tautua ai, ua amata ona vaaia le sau i totonu o Annual Report. Faafetai lava i Matagaluega ma Faalapotopotoga a le Malo ona ua amata ona tali mai aua o le tele foi lea o galuega e feagai ma le Palemene lenei pe a tele Annual Reports. O lea ua sau i totonu le 13, a o lea o le a uma le tausaga faaletupe 2014, afai e le i sau i totonu lau 2013, ou te talitonu ua tuai, ae ia tautuana ma outou; account, audit, annual report.

O lau fautuaga lau Afoga i le Fofoga Fetalai i Matagaluega aemaise foi o Faalapotopotoga, e leai o outou o lo o i ai le atoaga o mea uma ma o lo o vae ma lima i ai Minisita. A o le tualalalo a lou sui usufono, ia outou alolofa, ave le fautuaga i le Minisita. Ia fautua i le Minisita, aua le fefe e fautua i le Minisita. Aua le musu e tuu le sao i le Minisita. Afai lava ua uma le paketi, saunooa sao i le Minisita ua uma le paketi ona fai lea o se isi fua aua o lea e avanoa isi faiga i a tatou supplementary ma tulaga faapena e fai i ai a tatou faasoa, a o le tualalalo lena i Faaluuluga o Matagaluega ma Faalapotopotoga ina ia fesoasoani i le tele o le avega o lo o tauaveina e Minisita. A faaletonu le Minisita ona o le lelei o lau fautua, ou te le iloa pe e te soona nofo mai o le a, ma o lau lea tualalalo.

Lau Afoga i le Fofoga Fetalai, o taimi o a tatou Fonó, o Fonó a le Palemene. E le i leva nei lava ona tatou pasia faatopetope e aunoa ma le silasila i se pepa e tasi o isi Annual Report e fia sefulu na tatou pasia faatopetope ona o le a lape. O lau tatalo i lau Afoga i le Fofoga Fetalai, fetuunai o tatou aso fonó.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaanau i luga o le faitaanga faalua

Afai ua le lava aso faatulaga, tofu le masina ma aso fonu. E aoga foi mo matou la e i tua e omai ai i Apia aua ua na o le fai, fai o maunaga ua tetele ua le mafai ona faatau, ae ia maua lea avanoa e omai ai i Apia e fai a tatou fonu. O le tatalo lea lau Afoga i le Fofoga Fetala'i ma le Komiti lea e feagai ma le faavasegaina o a tatou galuega ina ia silasila i galuega ia. O lea o le a up-date mai lava Annual Reports a Matagaluega ma Faalapotopotoga, ae ia lava foi taimi o le Maota e silasila ai i ai.

Lau Afoga i le Fofoga Fetala'i, o le tatalo ia fai se tatou Loia, o le Loia a le Palemene o Samoa ae soia e te faamomoe i le Ofisa o le Loia Sili aua o le Ofisa lena e fautuaina lo tatou Malo. O tatou le Palemene lau Afoga i le Fofoga Fetala'i, e tatau lava ona i ai se Loia e tufotafasi foi ia ma ia i le atoga o le Palemene i lona fatu i le tapenaina o ana galuega ina ia fautuaina ai le tulaga sao e tatau ona i ai.

Ia manuia tele le tapuiga a Samoa, manuia le tapuiga a lou itumalo o fita faafogafoga, ia manuia le Maota ma ia manuia le Fono. Soifua.

FOFOGA FETALAI: Faafetai saunoa i le sui usufono mo Falelatai ma Samatau. E taitonu ua matagofie le tuleiga ma le saunoga. Ia lavapapale foi le paia i lo tatou Maota e tusa ai ma saunoga agai i le Ofisa o le Fono. O lea ua faafogaga atu, o le tulaga tonu lena o lea ua i ai. O lea ua amata ona fetuunai a tatou polokalame o aso fonu ma le Malo e le gata i mataupu faale-Malo, a o mataupu faa-Palemene. O lea foi o lo o i totonu o le polokalame o le Parliamentary Strengthening Program tulaga aloaia aua le fesoasoani i galuega fai a le Palemene. Ae lafo mai, e taitonu e le o tuumamaina e le Komiti o Galuega, Tulafono Tumanu, Maota Fono ma Mataupu Tau Faiga Palota onao lo o i ai foi le Palenia ma le Afoga i le Taitai o le Itu Agai ma au nei, ma e taitonu o le a taatia ai i tulaga e tatau ona i ai.

Tulai mai le Feeagaiga a Tumua ma Pule, lau Susuga Ifopo Matia Filisi, o lea ua maua le avanoa o le itumalo o Aiga i le Tai.

Susuga IFOPO MATIA FILISI (Aiga i le Tai): Faafetai lava i lau Afoga i le Fofoga Fetala'i, e faafetai foi ona o lea ua ma soo tulutulu ma lou uso Tauanaa.

E faatalofa atu foi i le Palemene atoa, faatalofa atu i le tama o le atunuu, Afoga i le Palemia, le Sui Palenia ma le Kapeneta, le Taitai o le Itu Agai faapea foi le mamalu o le Palemene, le Ofisa o le Fono Aoao Faitulafono ma le aufaigaluega.

E fia faailoa se leo e fai ai au ma sui o le Susuga i le Faateagaiga ma o latou faletua, le paia i Aiga, le Tofa i le Tuua ma Lautolo ma le mamalu o le Ekalesia Katohiko i Mulfanua e faamaise ma faamafanafana atu ai i lau Susuga i le Fesoasosani Lolesio ma le faletua ia Malethina ona o le valaau a le Atua i lou tama, le Tofa Tulioa Sagata Anitelea. Ia faamafanafana foi i le tina ia Tau pou ma le fanau, faafetai.

18 IUNI 2014

Tulafono Tau Faaofi o le Faatautaina o Tupe Faaopoopo (Nu.2)
2013/2014 ma le Tulafono Tau Faaofi o le Faatautaina o Tupe 2014/2015
— felafolafoaiga faaauau i luga o le faitauga faalua

Lau Afioaga i le Fofoga Fetalai, tulouna ia Samoa aua o oe lava o le ao mamala, tulouna le tapuaiga a Lana Afioaga Marmalu O Le Ao o le Malo ma lau Masiofo, tulouna foi lau Afioaga i le Sui o le Fono a Sui Tofia, Afioaga Tuiaana Tuimalealifano ma lau Masiofo. Afio foi lau Afioaga i le Faamasino Sili ma le mamalu o le Faamasinoga, o Faauluuluga uma o Matagaluga a le Malo ma Faalapotopotoga Tumaoti, Kamupani ma le Aufaipisinisi uma o Samoa; talofa lava. Le paia i le afiifo o Aiga o Tupu, Aiga o Nofu, Aiga o Papa ma Aiga na Tafaifa. E malu le lauga i le Usoga a Pule ma Tumua, Tula o Aiga ma Faleupolu tofofi o Samoa.

Ou te faatululu foi i le paia o le Aufaigaluga tofofi o le Tala Lelei ma le Aiga Sa Levi, tulouna lava. Lau Afioaga i le Fofoga Fetalai ma le mamalu o le Palemene, ua tu mai lagi le lagaali o Tamafaiga. O upu ia o lenei itumalo o Aiga i le Tai, ae se i ou liliu ane e faatalofa i le tapuaiga a lou itumalo.

Talofa Aiga i le Tai lou itumalo pele, ou te faatalofa atu i le paia o Luatimu i Faleu o le malae lua i ai taeao o le Tala Lelei i Samoa, a o le uluai pou foi o malo na tofofi ai upu o le atunuu i le Susu o Leiataualesa ma le Aiga Sa Leiataua, lau Fetalaiga Fufi o le moa vini mua, Aiga Sa Mutimuti faapea le Matua ia Vaisagone, talofa lava. Ua mamalu foi Malaetuli i le Susu o Leiataualetaua ma le Aiga Sa Leiataua, le Falelima o Alo o Sapapa ma lau Fetalaiga Vai ma le Falefolu, talofa.

Tulou Atiga i le Susu o Taupau ma le Aiga Sa Taupau, tulou Falemaii i le Susu o Mulipola ma le Aiga Sa Mulipola. Eetai lau Fetalaiga Auapaau ma le Falefa o Salua ma Satuillagi.

E faatalofa atu foi i le Ana o le Maile ia Luatutu ma le Aiga Sa Luatutu, tulouna Falemanono le Maota e Susu ai Tuilaepa o le Alo o le Malietoa, Susu le Usoalii, Afio le Matua ia Finau ma le mamalu i le Ologama.

Ou te faatululu atu foi i le paia o Lalotoa aua le Susu o Sau ma le Aiga Sa Sau, Afio Lilo ma Tumanuvao, le mamalu ia te oe Sauma, talofa lava. Ou te saga faatalofa atu pea i lo tatou nuu i Mulifanua e ui lava ina tatou nonofo faatasi ma tatou momoe faatasi, ae ua faamalo. O le a se i taumafai lo outou sui usufono na outou tofofi faapea le itumalo e fai so tatou sao.

E faatalofa i le Susu o lo outou Aiga, Alo o le Malietoa lau Susuga i le Faaaloaloga Moanau, Susu foi Taulapapa, Mauinatu ma Tauti. E faatalofa i le Faaaloaloga lau Susuga Fualefau Lote Naseri, le Susu o Fuaolefau ma le Pouli, Afio Lilomaiava. E faatalofa atu foi i lo tatou aiga i le Usoalii, le Susu o Togiatalelei Ioapo le Faaaloaloga, Susu Togiatalelei ma Ifopo ma Togiatalevaimoa ma outou Aiga.

Ou te faatalofa atu foi i le alaatai o Falute ina Maoso, Faatei ma lo outou aiga, le paia i le Lautinalaulelei, Susu Mulipola ma Taupau ma lo outou aiga.

18 JUNI 2014

Tulafono 'Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono 'Tau Faaofi o le Faatatauina o Tupe 2014/2015
 – felafolafolaiiga faaanuu i Iuga o le faitauga faalua

Ou te saga faatalofa atu foi i le Tofa i le Tuva ia Vaaituola ma Lautolo ma lo outou Faleupolu. E manatua foi le sao taua o faletua ma tausí, Sa Tooa ma saono, le malosí o lo tatou nuu ma le itumalo ma le 21 tausaga, talofa lava.

E le mafai foi ona galo le sao taua o le Aufaigaluega Paia a le Atua ma aiga e le gata e auala mai ai faamanuiaga a o le faaloto tele, talofa lava.

Lau Afioaga i le Fofoga Fetalaí, faafetai i le tapuaiga a lou itumalo ae se i alo atu e faamanatu nisi o a tatou talosaga i Afioaga i Minisita o Matagaluega taitasi.

Lau Afioaga i le Minisita mo Leoleo ua faamalo, faafetai lava. E ui lava ina ou faalogologo o saunua lou uso nei le Tauana i le falepuipui, ae e talitonu lava o lena ua i ai talosaga ua i ina. E moni foi o galuega nei o galuega lava e tatou ona aua ne i aafia ai auala galue aua o galuega lava mo le Malo ona o o tatou ofisa o lo o i ai i le mea lea e tau o Olomannu. Ia aua ne i galo foi i lau Afioaga i le Minisita, o Olomannu o le igoa lena na faaigoa ai e le tamaloa ma le loomatua Mulifanua. Aua ne i faagaloina lo matou nuu aua e o faatasi lava le Tulafono ma le faiga o pulega a matai po o alií ma faipule. E i ai lava le taimi e manaomia ai lo matou nuu e vaavawai ma leoleo lo tatou auala lea e agai i uta i le falepuipui.

Ou te fia talanoa foi i le station lea i Faleolo, ua faamalo faafetai. O lenei auunaga o lo o fai e Leoleo po o sui o le Malo e le gata i le malae vaalele, o le uafu, e faapena foi i faletalimalo umao lo o i ai i lo matou itumalo, le nuu, e tele tele le coverage lea. Ae na pau le tuualalo ma le talosaga atu, e i ai le taimi e vili mai ai e le lava a latou taavale, ae faamalo lava i lau Afioaga i le Minisita ma le Ofisa, malo faafetai mo galuega o lo o gapatia ai le mamalu o le Malo.

Lau Afioaga i le Minisita mo Galuega, Felauaiga ma Atinae Eeseese, na o le faamanatu atu lava o nai talosaga lava nei sa avatu i le amataga o le Paeaiiga lenei, ae i ai foi le talitonuga, e tau foi ma oe i alofa tele i ai. O le Minisita aupito sili lava lea ona ou iloa e au i le tele o le tau faasonasa, ona o naunautaiiga lava o sui usufono o itumalo taitasi. Ou te talitonu foi e leai lava se mea e le mafai ona e faia leaga o oe o le Tiakono Toeaina, a o oe foi o le tagata lotu. Faamalo lava i lau Afioaga. Na pau lava lea o le mea ou te toe faamanatu atu, nuamua o le vai, ua matua pagatia lava si ou nuu i Manonotai i le suavai. Na pau lava le talosaga faamolemole, pe mafai nisi o le Ofisa ona asiaasia le mea tonu lava lea e taunuu atu ai le vai i tai i Salua pei lava o i ina e faaletonu, pe faaletonu foi le pamm lea e i uta mo le tuleiga o le suavai i tai i Manono. O le vai lava o se mea taua.

O le vai foi lea e i Apolima ua oo i ai lau asiasiga, o le fesili; faamolemole lava i lau Afioaga i le Minisita ma le mamalu o le aufaigaluega po o le Matagaluega, po o le a le mea e ala ai ona pe le paipa lea a si ou nuu o Apolima faavaitaimi, pei e uma loa le 8:00 pe i le 9:00 faatoa toe sua mai po o le 3:00 po o le 2:00.

Tulafono Tau Faaofi o le Faatautaina o Tupe Faaopoopo (Nu.2) 2013/2014 ma le Tulafono Tau Faaofi o le Faatautaina o Tupe 2014/2015 – felafolafolaiga faaauau i luga o le faitauga faalua

Ona pau lava lea, e le o se mea foi e afaina tele, ae se i asiasia ia tutusa uma ai ma isi foi alaafalaga pei ona molimau atu, o le matua tele lava o le suavai lea e i gauta o Aiga i le Tai.

O le vai i Mulifanua na ona toe faamanatu atu faamolemole i le tatou nuu fou lea i le poloketi lava lea o le auala, o le vai, o le uila, le EPC. Malo faafetai lava mo le galuega a le EPC, malo lava. O la e ua i ai pou ae le i faapipiia a tatou transformers. Ae ou te iloa lava o lena ua faasolosolo atu galuega, faafetai lava i le Matagaluega, faafetai i lau Afioga i le Minisita.

Ia, ona ou oo mai lea i auala, faamolemole lau Afioga i le Minisita, o auala aupito sili lava ona taua ou te iloa e tatau ona faailoa atu i lau Afioga po o le Matagaluega foi a le LTA faapea foi le Minisita mo Aoga lea na taumafai atu ai si ou uso lea, na ou talanoa ai foi muamua. O le aoga lea i le Kolisi o Aana Nu.2 lea e i Apolima, ua matua leaga faia lava le auala, ae toetiiti lava a tolu itumalo lea e taufai aoga uma i totonu o lenei aoga, o Falelatai ma Samatau faapea foi ma Aiga i le Tai, ae taloto atu ai foi ma Satuimalufilufi mai Aana Nu.2. O le mea lea e tatalo atu lava, o aoga, o le aoga i Mulifanua i le primary school, o le aoga i Satuimalufilufi, o le aoga i Apolima, e le atoa se ½km po o le a ea le tauga o le mea, pe uma i ai se 2km. O le agaga lena e toe faamanatu atu ai auala ia.

Lau Afioga i le Minisita mo Tagata Tafafao Maimoa Mai Fafo, po o lau Afioga foi i le Palemia, o le aoga lea i tai i lou nuu lea i Manono, e matua matautia le tele o talafaasolopito, faapena foi faletalimalo ua faia i tai i le nuu lea. O lo o tele lava ni fuafuaga i tai i Manono. Ou te iloa foi, e le o itumalo po o Puleono ma Tumua lea e tatau i ai le upu lea, o le mea e manaia i Apia, e manaia foi i tua. E leai, e tatau ona manaia i Apia ae manaia foi i Manono. O lau tatalo atu lea, faamolemole, faaoo atu pea i ina, o le faamanatu atu lava ma tatalo atu, ae o lo o silafia lelei lava e le tofi o Aiga i le Tai, e le faigojie. E ave lava le faamuamua i se mea e i ai le faamuamua, e faapena foi ona onosai ma faatalitali i se taimi e fai atu ai le auala.

Ou te faafetai faapitoo lava ae ou te le i alu ese ma le Minisita mo Galuega, Felauaiga ma Atinae Esee, faafetai lava i tusi valaau foi nei e valaau mai ai le LTA matou te o i le tatalaga o lea auala ma lea auala, faafetai lava. E ese le manaia, na o le o lava e tatala auala o isi itumalo, ae se i tatala fasi se matou auala ona manaia lea. Ua le manaia foi lea mea o le ai fua mai isi itumalo i lenei mea o le tatalaga o auala. Ma lou faaloalo lava.

O le Minisita mo Punaoa Faalenatura ma le Siosiomaga, o lau uo lelei le toeatina lea. E leai foi ni au mataupu se tele e toe faamanatu atu. Na pau lava le mea ou te tatalo atu i lau Afioga i le Minisita pe mafai lava ona faaavanoa mai se avanoa i lou Ofisa se i tatou toe talatalanoa lelei ai i seawalls a Aiga i le Tai.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafoaiga faaanau i luga o le faitauga faaita

O nuu lava nei e matautia le pagatia i le mea lea o le tau avatu e le sami o ona matataga. O tatou eleele, e fia felioai atu foi le itumalo i eleele o le STFC pe afai e mafai ona faamatuina mai e auala i le listi ma mea faapena, e fia maua i ai se tatou felioaiga. O se faamatalaga lea i lau Afioa ae malo faafetai lava mo le tali mai foi i seawalls muamua, o la e lava e le i faatinoina lava i Mullianua, lea faapea na o le sefulu ni fale agai atu. E faapena foi i Salua Manono i taligatu, ua osofaia lava e le galu ma agai i luma. Faafetai foi i le LTA ua uma ona latou faia taligatu e pupuni ai le auala, ae na o maota ma laoa o nai aiga lena e i Manono ua mafai ona oo atu i ai se asiasiga. O le tatalo atu lea ma le agaga vaivai.

O lau uo le Minisita mo Faatoaga ma Faigafaiva, na ou faalologo lava amanafi i le taunafaiga mai o le mea lea o le stimulus package ma le SACEP, uma lea, ua ou fiafia i le faamavae o nisi o sui usufono mamalu lea ua faamavae ma le SACEP latou te le mafai. Ae o tua i le matou itumalo, leai e lava a le onosai e faataltali ai le taimi e faatino ai, ae o la e ua amata lava i a latou tupe. Na pau le mea faamolemole ia iloa e le Matagaluega o lo o moomia lava le fesosoani i mea nei i tua.

O le isi mataupu aupito sili lava ona taua faamolemole lau Afioa i mea tau faatoaga, o le Kamupani lea o le Sea Cucumber lea ou te iloa o lo o ban mai le 2008 agai mai i le taimi lenei, a o lea ua saunua foi le Palemia, e taga mea nei o faatoaga e faafofoa ai le mea lea, e maua ai pisinisi. Ua toe lava o se tali mai a le Ofisa ma lau Afioa i le Minisita ona faagaioi loa lea e maua ai foi ma galuega. E leai lava se eseesea foi o ia polokeiti po o ia foi atinae e maua ai galuega a alo ma fanau o itumalo e faatino ai lea mataupu. O le mea lea e tau o le sea cucumber. Ou te talifonu foi, a vave mai lava ua faapena foi ona faatino ma maua ai galuega a tagata. Afai foi e faaletonu i se fall back, e faapena foi ona toe tapena ma aveese a o le mea sili ua maua ai ni galuega, a ua i ai la le talihonuga o lo o lava tapena nei tagata mo le faatinoina o lenei mataupu, o le farming, o le sea cucumber, ma ou te iloa foi ua e silafia le toatele o nisi o lo o taunafai i ai.

Ia, o le Minisita mo Aoga, e toe faamanatu atu lava faamolemole lau Afioa, e pei e manaia le ui atu ia te oe toe ui atu i le Minisita mo Galuega, Felauaiga ma Atinae Eseese, ona oo ai lea i le Kapeneta atoa, i auala lava ia o aoga ma auala ia e i ai foi auala galue e aafia atu ai lava ma le aoga lea i le aoga i Apolima, faamolemole i le oso atu o tamaiti i le isi itu agai i le isi itu. E manaomia lava se asiasiga e faamaonia ai nei fatosaga ma nei faamanatu e avatu i a outou Afioa i Minisita.

O le ta matae lakapi, o lea na ou tatalo atu ai i le 2011 lea e taalo uma ai lava Aiga i le Tai, o Samatau, Falelatai toetiti lava omai ai ma Lefaga. O lau molimau e avatu i le tatou Palemene faapea foi le susuga i le Taitai po o le Taitaifono o le Iuni Lakapi, ua e silafia lelei Magele o au e lelei lau taalo, na faapena ona ta taalo faatasi i taaloga i aso ia.

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
— felafalafoaiga faaauau i luga o le faitauga faalua

E tolu tamaiti o le matou Iuni, Aiga i le Tai, Falelatai ma Samatau o lea e ai i totonu o le au taitoafitu. E leai ma se isi o tau mai le nuu o Mulifanua po o Apollima po o Falelatai ua omai taaalo i Apia, ona atu atu ai lea o igoa isi kalapu ia e i Apia, talu ai ona o le malae ma le omai taaalo i i. O le mea lea ou te iloa ai, ma ou te fiafia foi i le faaupuga lea pei ona saunoo i ai le Taitaifono o le Iuni Lakapi, o e taaalo mai tua.

Ia o lau tatalo lea faamolemole lau Afioga i le Minisita, o le matou malae ia faaleleia ia tele ai nisi Manu Samoa e omai i le matou itumalo faapea foi Samatau ma Falelatai aua ua tuufaatasi uma matou Iuni ia.

Lau Afioga i le Fofoga Fetalai, faafetai. O le a faaiu lau lauga o le Tala o le Tupe e faalogologo mai lou itumalo, o tagata nei e omai mai o tagata atamamai uma o le tupe, e iloa faaopoopo, e iloa foi toese, e iloa foi tupe maua ma tupe faaatu. A o lea ou te tilofilo atu i le Lipoti lea, o tupe faasili, ou te le iloa po o lelei lau vaai pei e foliga mai o lea e fai mai, ave uma tupe faasili lea ma tamai motu laiti foi nei o le tatou atunuu, e lavea ai tua i motu i Aleipata ma Manono ma Apollima. Pe sao au, ua pasia foi e lenei itumalo le Tala o le Tupe, e avatu ai te agaga.

Lau Afioga i le Palemia ma le Kapeneta, faamalo i lau Afioga i le Palemia le pule, ua e faasoa lava le tautai matapalapala i lau Kapeneta, ua tofusua foi Puleono ma Tumua. O le tatalo a le sui usufono mo Aiga i le Tai, ia outou alofagia la outou feagaiga. E faamanatu atu lava, ae pule lava outou mo le faasoasoina o a tatou galuega. O le tatalo foi a le feagaiga, e leai, e le soona gaoioi lava pe pisivale, e le manao e tagisa foi, ae faafetai lava.

Lau Afioga i le Fofoga Fetalai, faafetai lava mo lou avanoa. Ou te faafetai atu i Ofisa Sili o Pulega o Matagaluega taitasi ma aufaigaluega, malo lava le fai o le faiva, malo le taumafai ma atiae, faamalo lava i Afioga i Minisita taitasi ma Matagaluega taitasi. Faafetai foi i lau Afioga i le Palemia, Sui Palemia, faafetai i lau Kapeneta, faafetai i le Taitai o le Itu Agai, faafetai i Minisita Lagolago le galulue i le la, faafetai foi i Minisita Lagolago le tutu mai i le paolo. Faafetai i lau tapuaiga Samoa mai le ao seia oo i ona iu. Faafetai i lou itumalo pele o Aiga i le Tai.

Lau Afioga i le Fofoga Fetalai, e tasi lava lau faamanuiaga ia te oe, ia alofagia e le Alii e foai pea le ola ma le malosi ia mafai ona e faatootoa ai ma tauaveina le tatou Fono. Ia manuia ma soifua le tatou Fonotaga ma le Maota.

FOFOGA FETALAI: Malo faafetai saunoo i lau Afioga i le sui usufono mamalu mo Aiga i le Tai. Ia, e talitonu ua faafofoga ma le totoa Tumua ma Pule. Lafo laia o le faatuatuaga e manatu o le a le vale tuulima manaoga o le tatou itumalo aua e oso pea le ia o le fau ma e le uma le fai aso o le Alii, ae mau le toovae ma le tapuaiga.

18 IUNI 2014

Tulafono Tau Faaoifi o le Faatatauina o Tupe Faapoopo (Nu.2)
 2013/2014 ma le Tulafono Tau Faaoifi o le Faatatauina o Tupe 2014/2015
 – faafafafaga faaanu i luga o le faitauga faalua

Ia o lea ua avanoa le Maota le Yaa o Fonoti, e lelei lava le sootuli ma sootauu o lea ua agai mai le tatou taamilosaga mulimuli, ni a fa au, o lea e lava lo tatou taimi.

Ia tulai mai le sui usufono o le Yaa o Fonoti e saunua aua le avanoa mo le itumalo.

Afoga TIALAVEA FEA TIONISIO SEIGAFOLAVA (Yaa o Fonoti):
 Faafetai i lau Afoga i le Fofoga Fetalai, e usitai lava le Yaa o Fonoti i le faatonuga a lau Afoga.

Faafetai lava i lau Afoga i le Fofoga Fetalai e faamalo atu foi i le paia ma le mamalu o le Maota Fono nei, o le a ou le toe talavaleina faalupe lavelave mamalu o le aso, e le toe ta foi Tapaau ou paia aua ua uma ona laumānuula le aso, e muamua ona sii le faafetai i le Atua ona o lea ua tatou aulia mai lenei itinaso.

E faatulou atu i le paia ma le mamalu o le Palemene nei, tulou foi i le paia ma le mamalu o Samoa o lo o fafogafofa mai i lenei Fonotaga, Lana Afoga Mamalu, O Le Ao o le Malo ma lana Masifo, le Sui o le Fono a Sui Toifa ma lau Masifo, le Afoga i le Faamasino Sili ma lou falelua, afio i aili ma tamaitai o le Faamasinoga o Fannua ma Suafa ma le Ofisa o Faamasinoga, e faapea foi le Faafegaiga o lo o tausuniina le vai o le ola i le tatou atunuu.

Lau Afoga i le Fofoga Fetalai, ae ou te le i oo atu i le Tala o le Tupe, e tatou lava ona fai sina faatalofa i lou itumalo pele le Yaa o Fonoti, le afio o Ulualofaiga ma Aiga e lua le Usalili le toafa ma le matua o Talamaiavao, o e na taitai ma le Atuaolefaunoa, tainane foi lea itu o le vai i le afio o Gafa ma Alo o Sina, afio le Suafa alaatai Molioo ma le aiga sa Molioo, o oe le Aliaoa faapea le Fofoga Malepeai, alaatai le Yaa o Fonoti o le mamalu o Maauga ma Lalogafulafa, ia ae tainane le Afifo ma le Susu o Faafegaiga Taulagi i Ekalesia e fia o lou itumalo, faafetai i le tapuai mai.

E muamua se faamatatalaga i le Tala o le Tupe e talitonu ua lava ma totoe le taimi sa matou soalaupuleina ai le Tala o le Tupe i le oo mai o Faauluuhga o Matagaluega ma Faalapotopotoga a le Malo, ua lava ai foi se malamalamaaga i le tulaga o lo o i ai le tatou tamaoiga ma le faatinoina o galuega. Ae tatou lava ona avatu ni manaoga o le itumalo, e talitonu e le o po se lilo e momoli atu ai le faafetai i le tele o Matagaluega sa matou talanoaina le latou Tala o le Tupe ia ma faamaleina ai le matou Komiti.

Le Minisita mo Galuega, Felauaiga ma Athinae Esee, ia e momoli atu le faafetai i lau Afoga i le Minisita aemaise o le paia o le aufaigaluega e tusa ma galuega ua faatinoina i lo matou itumalo. Ona pau lava le agaga lau Afoga ona e talitonu, o lea foi e faalogologo ma le totoa i le tele o saunoga a sui usufono o lo o faatagisia ai auala galue.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolafoaiga faaauau i luga o le faitauga faalua

O auuala galue e fai tolu fai fa, ia a o au lea ou te tagisia le aualatele o le Malo mo lo matou itumalo. Na ona tuu atu i tafatafa e talitonu o lo o i ina le faasoa, e ui ina laitiiti le tatou tupe maua, ae taatia atu i ina i lau Afioa ma le Matagaluega.

E talitonu lenei sui usufono e tatau foi ona i ai nisi auala e suetupe ai le LTA e ono mafai ai ona.....a maua ai se tupe ia avatu e fai ai ia galuega o le matou itumalo i Fagalooa. E vaai i totonu o le taulaga i pakaga o lo o i ai, o le matua tele o le space o lo o faaaga e taavale e paka ai mo le aso atoa. Ae le pe ua tatau ona fai se tulafono e faamita ai e fai ai ni mita e tutu ai taavale ia....ma isi seleni a le LTA e fesoasoani i le limavaivai o lau Matagaluega. Ae talitonu e tele lava auala e mafai ai pe a i ai se tulafono e pasia aua le faamitaina o paka nei ia maua ai se isi tupe maua.

E talitonu foi i le anavatau a le HRPP i le tatou Paeaiga lenei, o lea e i ai i totonu se uafu faapea e fai i Fagalooa, ia e talitonu i le Minisitā o gataifale, e talitonu e le mafai ona taunuu lena miti i lenei vaiatau i le agai atu i luma, e talitonu e mafai ona faatinoina. E faalogologo foi ma le tofoa lenei sui usufono i le tele o Fale I'a o lo o fuafua mo tai le uafu pei e muliga ai le uafu i Apia i le loloto toe lautele aua le feoai o vaa tetele. Ona pau lava vaa o lo o ou vaai ai i tua na o vaa tau a Amerika ma Niu Sila e omai ma o atu taula ai ae lipea (repair) ona o le tele o le Bay o lo o i ai. Ou te talitonu e faapena se lagona a avatu foi ae fai i le itu mai se Fale I'a ou te talitonu a i ai se manogi e gata lava i tua i lo matou Itumalo ona e mamao ese le vaega e tu ai mai le alaafaga ae latalata. Afai foi e faigata ona o le auala, e manaia foi ae fai se tanu e oso atu i Falevao ae ea ane i Musumusu, e puupuu lava le auala pe afai se tanu e faigofie ai ona femalagaai Fagalooa.

Faafetai atu i le Matagaluega a le EPC e tusa ai o la latou galuega o le a faatinoina po o le toe taunafai e faamama le gataifale o Taelefaga i le tulaga o lo o i ai le vai o lo o tafe mai luga mo le faaogaina o le afi. E i ai foi nai manatu ua uma ona talatalanoa atu i lau Afioa mo se isi tulaga e faatino ai lea galuega aemaise o aseta a le Malo o lo o i ai i tua aua e tele lava le mika uati, e fa mika uati o lo o maua mai i Lefaga. E talitonu le faamoemoe i lau Afioa o le a taatia atu i ina ae faamoemoe mea uma i le lava o seleni.

O le Minisitā o Tupe po o lau Afioa i le Palemia, e au foi lenei sui usufono i letele o manatu o nisi o sui usufono ona o le vaiatau lenei e manaomia le tele o seleni e fai ai a tatou galuega. O le a le mea tatou te le uono mai ai ni tupe se tele e faatino ai nei galuega. E talitonu lou nei sui usufono a lava galuega fai a le Malo o le tele foi lena o le tamaoaiiga e alu atu i aiga i nuu i tua. O le taimi lava e faalaititi ai galuega a le Malo ua laitiiti foi le seleni e alu atu i tua i aiga. E mautinoa lava e tatau ona i ai ni galuega a le Malo aua le faasoasoina o le tamaoaiiga i nuu i tua. Ae manaia le \$2pilliona a Saina o lo o float nei i le pasefika e amata ona tatou eli ma maua mai ai tupe e faatino ai a tatou galuega.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiuga faaauau i luga o le faitauga faalua

O le tau i lenei vai tau e taugofie atu na i lo le tau o le isi 20 tausaga o i luma, ia fai se polokeiti e fai i le \$100milionā i lenei tausaga e i ai le taitilonuga o le isi 20 tausaga ua \$140milionā, tatou te le iloa foi seia vagana lava le silafaga a le Alii ae oo atu i ai nei fesoasoani e mafai ona maua mai ai ni nonogatupe i le tului maualalo. Ou te taitonū o le tele o le alagatupe lenei a Saina, o lo o fai lava ma faamagalo mai e Saina a tatou nonogatupe i lea vai taimi ma lea vai taimi e faapena pe a tatou galulue faatasi i le faaogaina o lea fesoasoani mo le Pasefika. O le a tuu atu pea i lau Afioaga i le Minisita o Tupe.

Lau Afioaga i le Minisita o Leo leo ma Falepuipui, best Minister. E taitonū le faanoemoe ua saunoo foi nisi o le Komiti i le auala o lo o agai i le Falepuipui o Oloamanu. E moni lava o le tatou Matagaluega a o le fanua lea na tatou faatauina mai le WESTEC, sa tatou ona fai e se isi o le WESTEC lea auala - le \$9milionā lea na faatau ai e le Matagaluega o Leo leo lea fanua, o lea foi ua o atu i ai ma le Matagaluega o Faataga, e tatou ona i ai sina vaega e fai ai le auala. Sa alu i ai le asiasiga a la matou Komiti o le matua leaga lava o le auala o lo o faaoga i aso uma e le Malu o le Malo aemaise o le Matagaluega o Faataga i le latou 200 eka o lo o i ai e sosoo ma le Falepuipui.

Lau Afioaga i le Minisita mo le Soifua Maloloina, faamalo mo le galuega fai e auala atu i lau Afioaga i le Fofoga Fetala i le faafetai e tusa ai o le galuega o lo o faatinoina i le falemai fou. O la matou asiasiga atonu o se tasi lenei o Falemai e iloga lona tulai mai i le Pasefika pe a uma ona faafausia i le meatalofa a Saina aemaise o le Konekarate o lo o latou fausia. E faamalo atu ai i lau Afioaga e auala atu i le Afioaga i le Fofoga Fetala i le faafetai faapea le aufaigaluega o lo o galulue ai.

Ou te taitonū o matapu uma lava na o lou Itumalo ua uma ona avatu i lau Afioaga i le Minisita mo Galuega, Felauaiga ma Atinae Eseese, e pei ona fai atu e leai se auala galue i lo matou Itumalo. E oo foi i le auala o Faleapuna e le o se auala galue a o le auala tele o le Malo ona e taamilo lea auala i totonu o lo matou nuu, a faapea foi e faaoga ua sauni lava lo matou nuu e tuuina uma mai fanua mo le fausiaina o lea auala.

Lau Afioaga i le Fofoga Fetala i le tagolagoina e lenei sui usufono le Tulafono Tau Faaofi o le Faatatauina o Tupe 2014/2015. E pei lava ona fai atu se faamatalaga i le taimi muamua, ua lua vaiaso o matou soalauputeina le Tulafono Tau Faaofi o le Faatatauina o Tupe 2014/2015 ma ua taitaina ma le fiafia e lenei Itumalo.

O isi Matagaluega uma a le Malo faamalo le galulue, Minisita aemaise o Ofisa Sili o Pulega o Matagaluega ma Faalapotopotoga Tumaofi a le Malo, o outou o lo o mafatia i le faatinoina o galuega a o matou o lo o nonofo atu i nei ma fai Tulafono. E momoli atu ai le faafetai e auala atu i lau Afioaga i le Fofoga Fetala.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafolafoaiga faaauau i luga o le faitauga faalua

O le tatou Maota nei i le afio o lau Afioga i le Fofoga Fetalai, e momoli atu le faafetai mo le faafoeina o la tatou galuega aemaise o lau Afioga i le Palernia, Afioga i le Sui Palemia ma le Kapeneta aemaise Minisitā Lagolago. O lena foi Itu o le Maota i le Taitai o le Itu Agai ma Shadow Ministers, faamalo le galulue aua se fautuaga mo le Malo ae ola le sui usufono mo le Vaa o Fonoti.

FOFOGA FETALAI: Malo faafetai saunoo i le sui usufono mo le Vaa o Fonoti. E momoli atu le faafetai a le Maota e ala i lou faamaopoopo i a tatou Fonotaga, e maitauina pea lou maau ma lou milomilosia e uunai mai i totonu sui usufono aua le faatinoina o le tatou taimi amata ma le tatou taimi malolo.

Ia ua ou maitau atu toe o le Komiti o Tupe o lo o totoe ae ua tatou tu lalata foi i le taimi malolo ma o le a vavae foe e faigata foi ona toe soo ula le saunoaga ua amata ae toe vavae ma toe amata foi.

Ua toe 5 minute ona oo lea i le tatou malologa ae lelei foi ona tatou vave malolo ma toe vave mai ai ona lafo atu loa lea o le avanoa e faasolo mai ai le Komiti o Tupe Maua ma Tupe Totogi ona agai loa lea i le Tali a le Malo e tatau ona tali nei.

Ou te faasilasila atu o le a faataatia ese Taualumaga a le Fono Aoa o lana malologa masani o le afiafi

Na faataatia ese Taualumaga a le Fono Aoa o lana malologa masani i le itula e 04:40 i le aouiti ma toe faaauau i le itula e 5:21 i le aouiti.

FOFOGA FETALAI: Ou te faasilasila atu ua toe amataina nei Taualumaga a le Fono Aoa Faitulafono.

Ou te talitonu o lea tatou taunuu tonu i le tatou taimi amata talu le tatou malologa, ia ua falu foi le la i lona tauafiafi, ae lavapapale mai pea lo tatou Maota o lo o faagasolo pea le tatou galuega. E faamalulu foi i sui usufono mamalu o lo o taumafai mai foi le aufaigaluega i se paolo aua lea itu o le Maota, ia ae talitonu e aoga foi le la mo gasegase o le pau o le tino, a o lo o taumafai mai le tatou aufaigaluega e ala i le taumafaiga o le tatou Maota Fono nei.

Ia e faia le tatou malologa ua maea le toatele na saunoo i lenei aso ua toa 8, ae ua avanoa le taimi lenei mo se sui usufono e fia saunoo.

O lea ua tulai mai le sui usufono mo Gagaifomauga Nu. 2, ua avanoa le Maota mo le saunoaga.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaauau i luga o le faitauga faalua

Tofa SOOALIO MENE (Gagaisfomauga Nu. 2): E faafetai atu i lau Afoga i le Fofoga Fetalai, atonu foi o lea ua maua se faasiliga malosi i sui usufono mamalu uma o le Palemene e tusa ai foi ma le taumafgati mama e saga ununaia ai pea le soifua maloloina lelei.

Ou te faafetai i lau Afoga i le Fofoga Fetalai mo le avanoa ua tuuina mai e fai ai foi se sao o lenei itumalo i le Tala Faaopoopo o le Tupe 2013/2014, ma le Tala Faatatau Autu o le Tupe 2014/2015 ua taoto mai nei i le Lau lau a Fono. Ou te manatu ua le o se foe na faatafea i le auau po o se lafo ua muli, aua e taitonu o lea lava na e alausu i le taeao e fai ma o tatou sui e sufi ma sula le alofa ma le agalelei o lo tatou Matai i le lagi i Lona alofa matagofie le faatuaoina ina ua tatou pale fiafia mai foi i lenei aso se i oo mai i lenei itula, o tai o lomalomama ia a ua le o tai o soua. E auai faatasi la le agaga faafetai i le taulaga na osi, ia aua lo tatou gafa lea i le Atua, lea ua paia ma mamalu ai Tiafau nei. E leai se toa e na te toe tofi Samoa o le atunuu ua uma ona tofi, ua taoto lava a ua ai o feia ona tulaga masani, ae tau lava ina ou see faatautai o le gafatale e assasa le oo'oo tutu o le tai, aua o lenei ua malu maunu le tupua i Tiafau nei, aua o lea e faalepa le sa o le Afoga i le Palemia o le Taitai o le Malo ma lau Kapeneta, afo lau Afoga i le Fofoga Fetalai, afo foi lau Afoga i le Taitai o le Itu Agai, ia lena itu o lo o agaiia le tatou Faigamalo.

E faatalofa atu foi i failautusi o faauluuluga o Matagaluega ma Faalapotopotoga a le Malo ua tatou faatasi i lenei afaifi. Ou te faatulu atu foi i le tapuaiga mamalu a Samoa a o alofaiva lau Palemene, tulouna Lana Afoga Mamalu, O Le Ao o le Malo ma lau Masitofu, lau Afoga i le Sui o le Fono a Sui Tofia ma lau Masitofu, le Afoga i le Faamasino Sili ma le mamalu o le Ofisa o Faamasinoga. Ou te faatulu atu foi i le faafogafoga tapuai mai a Taitai o Ekalesia ma Ositaulaga o Suli ma Feoi o le Talalelei o lo o faafalelemalu ma faatunapaulia i itula malae e fia o le atunuu. O la outou faiva o le tautua tatalo o lo o see ai i le malu le sa folau o Samoa.

Ou te faatulu atu foi ia Samoa ma lona vavalotoa, i le Usoga a Tumua ma Pule, Ituau ma Alatau i Aiga, o Aiga o Nofu, Aiga o Papa ma Aiga o Ee, Aiga o Tupu ma Aiga o Tafaifa, ae taimane foi le faafogafoga tapuai mai isi o tatou motu i sasae aua le susu o Sua ma le Vaisanua, o Fofu ma Aitulagi, Saole ma Saleaamua ma le Launuu na Saelua, Tootoo o le Faleula ma le mamalu i le Faleagafulu, o paia na o Samoa e mai le Taisamasama seia paia paia Puletuu na tauilo ai malo.

Se i oo ane se faamatalaga i lenei itumalo e le faagaloina lava le tapuaiga a Safune ma Samauga, faafetai tatalo, faafetai i lau tapuaiga, ia po maia le fala ma tui mai le mulipapaga e talosia so tatou sao o le a faaleoina i lenei foi Tala o le Tupe. E le faagaloina foi le tuumunu ma le memumemu o le Aufaigaluega Paia a le Atua i lo tatou itumalo, e faasifo i le ao ma le po, e faanōnō ni manū ma tagi i le Atua ina ia manuia faiva o lo tatou itumalo, aemaise foi Samoa.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafaoga faaauau i luga o le faitauga faalua

Ina ne i alu loa se faamatalaga ae paga lea, ua le nofoia le nofoa o Tavita. Ona i ai lea o se lagona, e tau lava ina faamaalo iuofe sa matou tala. E faamaise ai ma faamafanafana e ala i le valaau paia a le Atua i se tasi o sui usufono o lenei Palemene, ua valaau i ai lo tatou Matai. E avea ai le leo faatauvaa e fai ma fofoga o le tatou fale Gagaifomauga mai Finao seia paia masina afiafi, e avea ai lou leo vaivai ia e fai ma leo o le tatou itumalo e faamafanafana ma faamaise ai le fina o le aiga ma le nofo a alo, aemaise foi o le aiga potopoto e ala i le valaau paia a le Atua i le tama. E tatalo foi ia tumau le faamafanafana ma le faamaisega a le Atua i le itumalo i le afio o le Sao e fa, le Aiga sa Ulumalau le Pouniū ma le Faasau, ma upu ia te oe Safotu. Afio foi Taito ma lau fetalaiga Tauasa, ona o le usugafono a le ati Pouniū ma le Faasau. E avea foi le leo e faamafanafana ma faamaise atu ai i le tatou fale Gagaifomauga lau tofa Lavea o oe o le tupu o le itu, ia e te fausi vaatele aua tupu o le itu ma tootoo o Finao, o lea ua tuua ma amia e le Atua se tasi o toa manumanu o le tatou fale Gagaifomauga. E leai se mea e tatou te popole ai, tatou lototetele aua e leai lava se isi e tu ma tetee i le finagalo o le Atua, o Ia na aumai Na te toe aveeseina, ia faamanuina pea le suafa o le tatou Matai.

Lau Afioa i le Fofoga Fetalai, ona ou oo atu lea i le Tala o le Tupe tala tuu lenei tausaga 2014, ina ua tatou see ese mai mai le faatulagaga o atunuu e vaivai le tamaoaga ae ua tatou see atu i atunuu e feoloolo lo latou tamaoaga, a o le fesili, Aisea? Ou te talitonu, o lo o taoto i totonu o tusi nei le tali o le fesili, a o lau foi lea mau, o le lelei o faiga faavae o lo o limataifaina ai le faatinoga o lenei Tala o le Tupe.

Ou te fīa faafetai ai i latou uma o taitai o le atunuu lenei sa latou asaina mai le gasu o le taeao, e fatufatu lo outou pale ma sui lo tatou titi, ae aoao ni manogi, aoao ni manu aua Samoa ma lana tapuaga. Oo mai i le taimi nei i le Taitai o le Malo ia ma le Faigamalo, faamalo faafetai, o lea ua see manuia le sa o le tatou atunuu e ala i lenei foi matatia taua ua tatou ausia i lenei tausaga, ia malo tautua malo e le faalogologo tiga, ua outou faia mea sili e mitamita ai lo tatou atunuu.

Ou te faafetai i lau Afioa i le Minisita o Tupe lau Afioa i le Palemia, o le Tala muamua lenei o le Tupe talu ona faapaleina tatou i le tulaga lea o atunuu e feoloolo lona tamaoaga, ae tele foi ni perofetaga sa i ai a o sauniumi ia lenei faanoemoe, o le a matua faaletonu le tamaoaga pe a tatou see ese mai i le tulaga vaivai o le tamaoaga sa tatou i ai, peitai, lau Afioa i le Fofoga Fetalai, a silasila i lenei Tala o le Tupe, o se Tala o le Tupe ua faavae i se tamaoaga ua matua lelei atoatoa. O mau ia e i totonu o le tusi lea, a silasila i ai, e i ai le ata lena e i totonu o le pusa tolu o lo o matua maioio lelei mai ai le tulaga e pei ona ou taua, le tamaoaga i sini autu o le tamaoaga faatulagaina 2014/2015 ua siitia foi, pe a fua i ai i le tausaga o lo o faagasolo nei, tau o le soifuaga po o le inflation, o lo o matua sologa lelei pe a fua i ai i le sini autu o lo o i ai.

18 IUNI 2014

Tulafono 'Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono 'Tau Faaofi o le Faatatauina o Tupe 2014/2015
– felafolafolaiga faaauau i luga o le faita'uga faalua

Ua tatou oo mai i le paleni o le Tala o le Tupe po o le pasene o le tamaoiga o le faasiliga o tupe faalua i tupe maua, ua alualu foi i lalo e 4.2% e faatusa i le 4.8% la e i ai i le taimi lenei. Tupe mo galuega fai po o current expenditure o lo o i totonu lava o sini autu pei ona i ai o lona uiga, o lo o lelei fuafua ma o lo o lelei le faatinoga o lenei Tala o le Tupe, O au foi.....

FOFOGA FETALAI: Malie le sui usufono mamalu, se i tuu atu le avanoa, saunua lau Afoga i le Taitai o le Itu Agai.

Afoga Hon Palusalue Faapo II: Lau Afoga i le Fofoga Fetalai o se mea e fia faamalalalama. E faamalulu atu i le sui usufono i le saunoga matagofie, aemaise o lona tauniai e aumai se ata e taoto ai faapea po o le tamaoiga ua malosi, lea foi ua saunua i tupe faasilii. Ae na ona ou faatepa lava le sui usufono lau Afoga i le Fofoga Fetalai, pe faapefa ona maua au tupe faasilii? Ioe, o le tatou aitalafu lea ua aumai maua ai le tupe faasilii, ona e le lava a tatou tupe e fai ai a tatou atinae. E pei o le mea lea e faapupuia e le sui usufono, leaga o lea ua see malie ai ma foliga mai, o lea e i ai se tatou tupe faasilii, mama, ae ala ona maua le tupe mama, ona o le aitalafu lea na fai.

FOFOGA FETALAI: Ia o lea ua maua le finagalo o le sui usufono mamalu le Afoga i le Taitai o le Itu Agai, e pei lava ona ou....Ia se i tulai atu muamua le Afoga i le Palenia, tulai mai le Afoga i le Palenia.

Susuga Hon Tuliapapa Fatalofa Lupesoliai Aiono Neioti Sailele Malilegaoti: Lau Afoga i le Fofoga Fetalai, o le faasaoga o la e sao lelei lava le saunoga a le sui usufono, e faapena le faataotoga o Tala o le Tupe, e le faapea foi o se mea o faailoima. A o lena e malamalama lelei ma faataatia atu ia le tulaga o tatou atinae ma le tupe maua ma le faatupega o le mea ua sili ai a tatou tupe faalua, nai lo tupe maua. Ua uma ona saunua le toatele, o uiga ia masani faatinoga o mea o malo ma pisinisi uma lava. E te le tau faasinoino ma faapea, ana leai lava lea e le faapea, e leai, na o le vale e na te faia le mea faapena. Ae yaai le atunuu i le faatulagaga o ana tupe, o tupe e lagaia lava i tatou tupe masani ma tupe e maua e tatou mai foi a malo, ma tupe o lo o mafai ona tatou maua i nonogatupe e mama le tului. A silasila foi ia i le faatulagana, o le tele lava o mea nei, o mea na leaga o lea e faagasolo, ma mea o atinae o vaega o lea e talatala mai faatoa faaoga. O lea sa fai lau tautalaga ma fai atu, o le fale lea pe tolu ea tausaga o faatino, ia ona faasau lea o lea vaega faalua i lenei tausaga, sau lea vaega faalua i le tausaga lua, a o le nonogatupe lava e tasi, ia e le o se nonogatupe fou o lea e auawai mai. E faapena le faatulagana o mea o Tala o le Tupe i luga o le faautautaga tatou.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– fefafolafolaiga faaauau i luga o le faitauga faalua

O le isi lea lauga e matua maoae i le aso, o Tuileutu, ou te fautuaina atu le Taitai o le Itu Agai, se i fai ma e fesili i lau vaega o lea e i ai le tofa e tau ane ia te oe, tuu le mea sese lena e te sau ai, ae o le matua maoae lava o le lauga lea e atagia ai le tagata e malamalama le sui usufono e malamalama i le faagaioiina o tupe a lo tatou Malo. Lau Afioga, o la e saolele lava le saunoaga a le Afioga i le sui usufono.

Afioga Hon Palusalue Faapo II: Lau Afioga, ou te tulai atu lava....

FOFOGA FETALAI: O le a se isi mea Palu o la e.....

Afioga Hon Palusalue Faapo II: I le saunoaga a le Afioga i le Palemia la e fai mai, seiloga o le vale e vaai i ai ae le malamalama, ae seiloga foi o se vale e vaai i ai, ana leai le nonogatupe lea, e le lava le seleni e faagaioi ai a tatou tamaoaiga ia, o le Tala o le Tupe lea?.....toese le mea lea, ia ona maua ai lea o le tupe mama lea e i ai nei.

FOFOGA FETALAI: O lea ua maua lou finagalo, o lea ua maua, Palu o lea ua maua lou finagalo, o lau lava na interpretation.

Tofa Lealailepule Rimoni Aiafi: Lau Afioga i le Fofoga Fetalai.....

FOFOGA FETALAI: Ia? Tulai mai le sui usufono mo Faleata Sisifo.

Tofa Lealailepule Rimoni Aiafi: Lau Afioga i le Fofoga Fetalai, o lea ma te femusuai ma le Afioga i le sui usufono ia Tuileutu, faapea mai le tama matua, o la e fiafia e aumai le loan pe a faapea e fai ai ma auala, ae afai e le lavea maua i le lisi, o lea la ua toe musumusu mai si toeaia, toe faasao la i o i le Palemia... E pei o le mea lena.

FOFOGA FETALAI: Taatia ia Lealailepule.
Tulai mai lau Afioga i le Palemia.

Susuga Hon Tuilaepa Fatialofa Lupesotiai Aiono Neiofi Sailele Malelegaoi: Lau Afioga i le Fofoga Fetalai, ana faapea o au o le sui usufono e sau i totonu ae faaosu e le isi sui usufono, oi sole, matua mataga tele lea mea? O lona uiga o le tama faigaluega a Tuileutu Leala? Matua mataga tele lea mea. O lona uiga, e leai lava sana ia tofa. O lona uiga la o lauga uma lava a Leala o lea e utu mai e Tuileutu pulu.

FOFOGA FETALAI: Ia, e manatu ua manino ma malamalama le taumafai mai foi o le Malo e faamalamalama aiaiga ma tuutuuga e mafua ai ona faatupe a tatou Tala o le Tupe.

Tulafono Tau Faafii o le Faatatauina o Tupe Faapoopo (Nu.2)
 2013/2014 ma le Tulafono Tau Faafii o le Faatatauina o Tupe 2014/2015
 – felafolafoaiga faaauau i luga o le faitauga faalua

E faamatalu atu foi i lau Afioega i le Taitai o le Itu Agai, e le o maua le faamatalaga faapea ua lafo atu e le lava le faautautaga i lau Afioega. O le faamatalaga ina ia manino ma malamalama faiga faavae a le Malo e a ia le Tala o le Tupe e fetunuai i aiaga uma ma mea e talafagagai ai le Tala o le Tupe ina ia mafai ona faatino. Tulai mai le sui usufono mo Gagaiфоманга Nu.2 e faaauau le saunoga.

Tofa SOOALO MENE: Lau Afioega i le Fofoga Fetatai, se leai ua ou toe manatua le matou au lakapi. O lea e saunoa le sui usufono mo Siunuu, o le tala lea a le Taitai o le Itu Agai sa fai i luga o le pasi, “Tautuana ma outou ia aua ne i pasia le Tala o le Tupe.” O lea ua ou faahaina. Fai mai le sui usufono mo Sagaga le Usoga, e sao lelei lava le sui usufono, fai mai, “Palu, e maua lelei lava oe e Tuiliaepa i i, e mautinoa lava e alu atu loa Tuiliaepa e malamata faapea, “Ua e vaai ia Palu, e matua le malamalama lava i Tulafono o le lakapi.” Lau Afioega i le Fofoga Fetatai....

Tofa Levaopolo Talatonu: Lau Afioega i le Fofoga Fetatai o le mea e fia faasao. Sa ou faalogologo i le saunoga lea a le Taitai o le Itu Agai. O le sui usufono lea e saunoa nei ma Muagnutu, o laua ia na muamua ioe, “Manuia Palu le mea lea e te saunoa mai ai.”

FOFOGA FETALAI: Se i tuu atu muamua la le avanoa i le sui usufono mo Faleata Sasae.

Aveau o le a le saoga o upu ia na outou faia i luga o le pasi?

Tofa Aveau Tuala Lepale Niko Palamo (Faleata Sasae): Lau Afioega i le Fofoga Fetatai, ua ou tulai atu ne'i te'i ua tuuaitina maua ma Toeolesusulu lea na o i le Palemia e fai le au lakapi. Ne i te i ua faapea o le au lakapi o se au polokiki foi lea ia aua ai ne i pasia le Tala o le Tupe. E leai o talasua lava sa fai. O le toatele foi o matou na fai, o le au lenei ia pasia ai le Tala o le Tupe.

FOFOGA FETALAI: Ia tulai mai le Palemia.

Susuga Hon Tuiliaepa Fatilofa Lupesohai Aiono Neiofi Saillele Malilegaioi: Lau Afioega i le Fofoga Fetatai, e faamalo atu ia te outou sa taumafai e fai le tatou au lakapi. O lou fiafia ia ina ua toe faalioa mulimuli atu le sao o le au lakapi. O lena la na ou fauhaina ai le Iuni e faagsosolo le au a toعالina a ia tuman pea le igoa lena o le au a le Oldies, ioe. Ia o le faasaga ia lea Levaio Palu.

FOFOGA FETALAI: Tulai mai le sui usufono mo Gagaiфоманга Nu.2 e faaauau le saunoga.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
-- felafolafoaiga faaauau i luga o le faitauga faatua

Tofa SOALO MENE: Faaftetai mo le faamalalamaina o lea mataupu. I le tusi lava lea i le pito i lalo o lena e i ai vaega o nonogatupe, ou te iloa na pau lea o se sini autu tau faafefe lena e i ai. Ae ou te momoli le agaga faafetai i le Palemia faapea foi le Matagaluega o Tupe, o lea ua i ai ma le isi ata lea e autafa ifo lena ua matua faamanino mai ai i le ata lea le tulaga o le toe togitogiina o tatou aitalafu mo le agai atu i le humanai. Ae i ai la lou faanoanoaga e tasi, ona o le 2017/2018 faatua ausia ai le sini autu lea e i totonu o le faavae o le Tala o le Tupe. O le uiga o lou manatu, ta fia i ai lava tatou te molimauina, ae paga lea, leaga o le isi Paeauga. O lea ou te tatalo atu ai, ia tatou onosai ma faamalolosi ia tatou toe omai uma tatou te molimauina le ausia o lenei sini autu. Ae a leai foi, tatou faatuatua ia i e o le a omai foi e faatino lea galuega i lea foi Paeauga o lo o humanai nei.

Lau Afioga i le Fofoga Fetalai.....

Afioga Hon Palusalue Faapo II: Lau Afioga i le Fofoga Fetalai, o se mea e fia faamalalamama.

FOFOGA FETALAI: O le a le isi mea lea o le a faamalalamama Palu?

Afioga Hon Palusalue Faapo II: O lea o le a ou faamalalamaina i le Minisita Lagolago le uiga tonu o mea ia e talanoa mai ai. O mea o miti, ioe, o mea fuafua agai i luma, ae le iloa pe taunuu pe leai. O le mea e ala ai ona fai lau tala lea e taunuu pe leai, leaga o lea e acae lava i luga o aitalafu. O lea toetiiti 80% o le tamaoauga, o aitalafu na. Ia o le mea lea e faamalalamama ai lea mea ne i toe tu ae foi le Afioga i le Palemia toe faamamao mea ia. O mea ia o fuafuaga atuamamao, o mea o miti.

FOFOGA FETALAI: O lea ua maua lou finagalo. Tulai mai lau Afioga i le Palemia.

Susuga Hon Tuilaepa Fatiafata Lupesoliai Aiono Neioti Sailele Mahelegaai: Lau Afioga i le Fofoga Fetalai, e leai lava se miti o sese, o miti uma lava ia sa tatou galulue ai ae te le i mao atu i ina o e i. E leai lava la se miti na sese, sa sao uma lava miti. Ma e leai lava se mea tele e tupu i se atunuu se i vagana ona ua i ai ni miti. E ui lava ina pei e taufaatauvaaina le upu miti, a o fuafuaga maaao o mea e tatau ona fai. O lea la ua saunoo le sui usufono, e sao le mea lea e saunoo mai ai le sui usufono.

O le tulaga foi i lana lapataiga lea e aumai mo i tatou uma, o mea nei o mea lautetele, o mataupu e fitoifitoni i le Kapeneta e malamalama ai le Kapeneta, o lea foi la e faataoto atu e le Kapeneta fuafuaga maaao, o mea lautetele ia. Ac ou te faamanatu atu i le tatou Maota nei, o tulaga masani lava, o le afa o le Maota lenei e le toe foi mai.

18 IUNI 2014

Tulafono Tau Faaofi o le Faatatauina o Tupe Faaopopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafogaiga faaauau i luga o le faitauga faalua

Ou te le o tau atua i ni tulaga taumate leaga o tulaga na e masani ai faiga palota ia ua uma atu. A tilotilo i ai, o le afa e le toe foi mai. O le mea la lea, sue le mea e ola ai le tagata ia.

FOFOGA FETALAI: Ia, o le a avatu le avanoa i lau Afoga i le Minisita mo Tina ma Tamaitai, Atinae o Nuu ma Afoga ma Agafesootai.

Tofa Hon Tolofuaivalelei Falemoe Leiataua (Minisita mo Tina ma Tamaitai, Atinae o Nuu ma Afoga ma Agafesootai): Lau Afoga i le Fofoga Fetalai, ou te iloa lelei lau Afoga i le Fofoga Fetalai ma le paia o le Maota, o Taitai o le Itu Agai o le Aoa Fesoasoani. Sa ou faapea lava au o se tagata e loloto lana vaai i mau o la e aumai e le Tusi Paia. Ia manatua foi Iosefa o le faimiti aupito sili lena ona laititi, e 12 tausaga ae amata loa ona faimiti Iosefa. O lea na iu ina lotoleagaina e ona uso faatau ai loa, ae toe feagai ma ona uso ina ua avea ma tagata ua faitai i le tausiga o le oloa a Aikupito, lea la na vaai i ai, i le matua tagata faimiti, faamatala miti, o miti moni ma miti lelei. O le mea la lena e tatau ona siliafia e le Taitai o le Itu Agai. Aua le popole i na mea. Pe fai mai ia o le miti, ae o lea tatou te talanoa o mea o fuafuaga alualumamao a le Malo, e le mafai ona le taunuu pe a faatuatia i le Atua ma talitonu i mea e aumai e le Atua i o outou aao ma o tatou lima, lea na saunna i ai le sui usufono mo Faasaleleaga Nu.3. Ou te matua lagolagoina le saga faia o ni a tatou loans ma tulaga faapena ina ia faalelei le atunuu. Aua a lelei nei e lelei taeano, e lelei i ona talaatu, ma agai ai lava i le faavavanu. E pei o lau fesosoani atu lena i le Taitai o le Itu Agai. Ma le faaalalo.

FOFOGA FETALAI: Tulai mai le sui usufono mo Faleata Sisifo.

Tofa Lealaitepule Rimoni Aiiafi: Lau Afoga i le Fofoga Fetalai, o le a ou fesosoani atu i le Susuga i le Tiakono Toearina. O le miti a Iosefa, o le miti na fai i Isaraelu, e le i miti i se Tala o se Tupe faamolemole. E ese lava le miti a Iosefa, o Iosefa na faamanuia i ai lona tama o Takopo lea na faaiga ia Isaraelu. O le tama lea o Iosefa na tupu mai i le tina ia Rasela, e ese le faamanuiaga na ave i ai. Na miti Iosefa i faamanuiaga a lona tama.

FOFOGA FETALAI: Tulai mai lau Afoga i le Palemia.

Susuga Hon Tuilaepa Fatiafola Lupesotiai Aiono Neioti Saliela Mallelegat: Lau Afoga i le Fofoga Fetalai, o le faalavelave lea o le sui usufono lea, e le o se miti na fata e Iosefa i Isaraelu, na fai i Aikupito.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaanau i luga o le faitauga faalua

FOFOGA FETALAI: Ia se i tulai mai lau Afioga i le ali Aoa, sui usufono mo Falelatai ma Samatau.

Afioga Taefu Lemi: Lau Afioga i le Fofoga Fetalai, e le i faia se miti a Iosefa, na faamatala e Iosefa le miti, a o le tupu o Farao e ana le miti.

Tofa Hon Tolofuaivalelei Falemoe Leiataua: Lau Afioga i le Fofoga Fetalai, ona o lea sa ou taumafai i lau Afioga i le Fofoga Fetalai e faamalalama, o le miti muamua lava a Iosefa na fai, o fusisaito e 11 na ifo uma i le fusisaito e 1 a o le fusi saito lava lena e ese mai. O fetu, o le masina ma le la na ifo uma lava i lana fetu. Ia, o lona uiga la e tau mai foi, e matua le malamalama lava le Katoliko lea mai Falelatai ma Samatau.

FOFOGA FETALAI: Tulai mai le sui usufono mo Falelatai ma Samatau.

Afioga Taefu Lemi: Lau Afioga i le Fofoga Fetalai, e lelei le faitau maeaea i le Tusi Paia ona iloa ai lea po o ai na faia le miti a o ai na faamatalaina le uiga o le miti.

FOFOGA FETALAI: O lea ua maua Taefu, o le a le faia se faafinauga. Ia, tulai mai le Taitai o le Itu Agai.

Afioga Hon Palusalue Faapo II: Lau Afioga i le Fofoga Fetalai, o lea e tusingilima mai ia au. Aua o miti lea e tatou te talanea ai, o miti mai le Atua. A o miti lea e fai nei ma le Tala o le Tupe, o miti suavaia ia.

FOFOGA FETALAI: Faafetai i lau Afioga i le Taitai o le Itu Agai, o lea ua e tapa. O lea faatoa ou faalogo lava lea ua e talitonu i se fuafuaga alualumamao e amata i se miti. E pei lava o tulaga uma e te tulai mai lava ma tau mai le atugaluga i le tulaga o fuafuaga alualumamao, a o lea ua e tautino nei le taua o le miti. O le miti lava o le miti. Ae tuu atu le avanoa i le Afioga i le... E tatalo atu i le Afioga i le Taitai o le Itu Agai, soia ia e te atugaluga i lauga a Minisita Lagolago. O ananafi foi na ou tapa lau Afioga e aua e te faafavelave i le lauga a Falealili, o lea foi ua e toe faafavelave i le lauga a Samauga. Ou te manatu tuupea fetalaiga a Afioga i Minisita Lagolago, o nai o latou lava na finagalo, o leo na o itumalo, ae pale feagai pea lau Afioga ma le Palemia, se i vagana foi ua oo mai i le taimi e te lua pigi ai oulua, ona agai lea o le lua taaloga i le lua aga e tutusa ma oulua. Tulai mai le sui usufono mo Gagaitomauga Nu.2 e faaanau mai le saunoaga.

Tulafono Tau Faaofi o le Faatatauina o Tupe Faaopopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaanau i luga o le faitaanga faalua

Tofa SOOALO MENE: Faafetai i lau Afiooga i le Fofoga Fetalai mo le avanoa. O le upu moni lava ma le upu tautino, ua fiu foi e tau vaai i lenei Tala o le Tupe pe tau i ai se pona po o se ila o lenei Tala o le Tupe. O le matua... e tele mea o le miti toe alu i ai le polofeu. O le matua manaia lava o le mea lea e faasho mai i le tatou Tala o le Tupe. Ia o le a ou see ese lau Afiooga i le Fofoga Fetalai.

O le Minisita mo Tupe Maua, e fia faaleoina le agaga faafetai, aua a silasila i ai le Maota i lenei Tala o le Tupe, e moni lava o lo o i ai nai sititaga laiti i lafoga e faaleleia atili ai le auananga, ae le o i ai se sititaga i le tulaga lea o le VAGST, aua pei o le lafoga lea e aofia uma ai pepe faatoa fananau mai seia oo lava i tatou matuatausi o lo o nonofo i le fale. Ae atagia mai foi le tulaga o lo o i ai le faanauantaiga i lenei foi Tala o le Tupe o le a sifita ana tupe maua. O le agaga fiafia lena ma le agaga faafetai e faaleoina ai lenei itumalo i lau Afiooga i le Minisita aemaise foi le Matagaluega i le faatinoina o tiute ma faiva e pei ona galulue ai.

Ona oo atu lea i a tatou taligamalo, ia, e momoli atu le faafetai i le Afiooga i le Palemia i le le nofoai e salilili manu ma salilili manuia aua se manuia o le tatou atunuu. Aua o le mea moni lava o lenei fonotaga, ou te talltonu e le faumate o le a sifita ai foi le tamaoauga o si o tatou atunuu i nei taligamalo, e le gata i le tausaga faaletupe o lo o lumanai nei, a o isi foi tausaga faaletupe i tua atu.

Ona tatou oo mai lea i fale i'a ia e faapea o lo o fuafuaina o le a faatinoina i le tatou atunuu, lea e faanoemoe e lata i le 1000 pe ova atu foi ma le 1000 tagata faigaluega o le a manaomia ai. E lagona le agaga faafetai i nei atinae taua, aua o lea foi o lo o faamamafa mai i le tatou Tala o le Tupe, e pei o vaaga tonu ia o le tatou tamaoauga o lo o ave i ai le faamamafa ina ia mausali ma tumau ai pea le tatou tamaoauga i le agai atu i le lumanai. Aua e moni lava i isi atinae, a o atinae e tasi lava le tausaga ma toe uma, ae e pei o atinae nei o atinae faaanau, e talltonu o le a sifita ai le tamaoauga. E faaleoina ai le agaga faafetai i lau Afiooga i le Palemia ma le Faigamalo i nei foi fuafuga lelei.

Ia ona ou oo atu lea i le mamalu o le Kapeneta e tusa ai foi ma galuega fai, ou te masalo e miliona mea ua maea ona fai, e le mafai foi ona tolaulauina, e le gata i le itumalo, a o le atunuu. O lo o molimauina foi e le Itumalo ma o le agaga faafetai foi lea e fai ai au ma sui o le Itumalo e faafetaia ai le galuega ua maea faatino. E i ai foi nai galuega e le i faatinoina a ua taoto atu ia outou Afiooga le talosaga a lenei Itumalo, talltonu o le a oo lava i ai la outou faasona.

Ona faapea lea o sa matou faamatatalaga, o le a seu i Faletagaloa ma Lalotava le lauga a Safune ma Samauga. Ae ou te le i nofo i lalo ou te faamalulu atu i le paʻu o le Maota, o le a se pati ua sala a o se aga foi ua le tau tamalii po o se upu foi ua laa loa, apoapo i hu o oe o le tautai matapalapala, ae aumai le flemu o le Atua e faalanu tapuia ai la tatou mafutaga ina ia atoa mea ua faaletonu.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafalafoga faaauu i luga o le faitauga faalua

Ia agalelei le Atua i lau Afioga i le Fofoga Fetalai ma maua pea lou malosi ma le tofa mai le Atua e limataitaina ai la tatou Palemene. Ia agalelei le Atua i lau Afioga i le Palemia ma lau Kapeneta, onosai ma loto tetele, faatuatua i le Atua e maua ai lava mea telei, e ui lava ina le lava la tatou faasea ae talitonu lava o lo outou faatuatua, onosai ma lo outou loto tetele e tali mai ai i manaoga o le Atunuu epei ona i ai.

Ia agalelei foi le Alii i sui usufono mamalu o le Palemene, ia maua so outou manatu ma se finagalo aua upufai o le Malo aemaise o le feagai ai ma le taumafaiga o le Atunuu i so o se ala ma so o se tiute o lo o auauna ai. Ia faamanuia le Atua i Ofisa Sili o Pulega. Faamanuia foi le Atua i le tapuaiga mamalu a le Atunuu. Manuia ma ia soifua.

FOFOGA FETALAI: Malo faafetai saunoo i le sui usufono mo Gagaiifomaga Nu. 2, o le fofoga tau momoli lea aua le paia maualuga o le Itumalo o Safune ma Samauga, malo faafetai fetalai.

Tulai mai lau Afioga i le Sui Fofoga Fetalai, ua oo tonu lava i lau Afioga ona soo ula ai lea e faauma atu ai lea itu o le Maota i lau Afioga i le Tui Atua Faanofono ona lafo loa lea i lea Itu o le Maota e faauma mai i le saunoaga a le Afioga i le Taitai o le Itu Agai.

Tofa AGAFILI PATISELA ETEUATI TOLOVAA (Palauli Sisifo):
Faafetai tele i lau Afioga i le Fofoga Fetalai mo le avanoa. Ou te manatu o lea ua pulapula la goto le La o lenei aso, o le faailoga ua aga atu i lona nofoaga ina ua maea le tele o itula o le malamalama a o feagai le Palemene ma ana Fonotaga. Malo le onosai.

O tulaga aloaia faa-Palemene ou te faatalofa atu ai i lau Afioga i le Fofoga Fetalai, ua malo le folau, malo taupati, malo foi le faatautaiga o le Fonotaga a Samoa i lenei aso. E faatalofa atu foi i lau Afioga i le Palemia faapea le mamalu o le Kapeneta. E ofo alofa atu foi i lau Afioga i le Taitai o le Itu Agai ae a le loaloa o le mamalu o sui usufono taitasi o le Palemene o Samoa, o sui usufono o Itumalo taitasi.

E faatalofa atu foi i le Failautusi o le Fono faapea le Ofisa o le Fono, ae a Ofisa Sili o Pulega ma Matagatuega taitasi ua maua lenei avanoa tatou te auai faatasi i le talanoaina o le Tulafono Tau Faaofi o le Faatatauina o Tupe 2014/2015. Ou te manatu o le a taoto paia o Tiafau nei aua pe oo i ai sau faamatalaga pe leai, o paia lava mai le yayau e oo i le faavayau. O paia o le tatou atunuu ou te le toe tautala i ai, mai le mea e oso ae ai le la i le mea e goto ai, o paia lava ia o Samoa e tumau e faavayau. O Samoa ua uma ona tofi, e ui lava ina uliuli o le sami ae ua iloa ala o ia, e maualuga foi le vateatea ae ua iloa lava ala o manufeletei. E le oo la i ai se faamatalaga, ae ofo alofa atu i le tapuai faafoga mai a le tatou atunuu i Lana Afioga Mamalu O Le Ao o le Malo, Afioga Tui Atua Tupua Tamasese Efi ma le masioto, le Sui o le Fono a Sui Tofia ma le masioto, le Faamasino Sili ma Alii ma Tamaitai o le Faamasinoga.

18 IUNI 2014

Tulafono Tau Faaofi o le Faatatauina o Tupe Faapoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafoga faaanau i luga o le faitauga faalua

Lau Afoga i le Palemia, lau Afoga i le Fofoga Fetalaí ma le mamalu o Samoa o faafogafoga mai i lenei afaifi.

E le mafai foi ona faagaloina le faafetai tele i le tapuaiga a Taitai ma Ulu o Ekalesia, o lo o nonomanu aua se manuia o Samoa i ona atinae faapea foi ona tagata. Ua malo le fai tatalo faafetai foi mo le tapuaiga a o alo atu le Palemene o Samoa i lana Fonotaga i lenei vai tau. E le mafai ona faagaloina lou Itumalo, Faga i Sasae o le Aiga Paia faapea Faiga ma Faigata, lau Tautalaga Fainuu ma upu ia te oe Salemuhiaga, Faga Sisifo, le paia i Tapaau ma le nofo ituaiga ia Gagamalae. E faapea foi lou nuu o Salaitua, le afio o Lealaitalea ma le Aiga Alosina, Susu Savainaea faapea foi le Aiga Sa Amituanai, afio Matua ma Tamatane, Susu Leuluaitalii ma Alii o Paepae, lua Fetalaiga Tuato ma Tuitolovaa o Aitutagata, Susu le Aiga Sa Laulu ma le nofo a Suafa, lau Fetalaiga Faatoafe ma le nuu faigata. O paia na o le tatou nuu, tapuai maia sei faia se tatou faamatalaga i le Tulafono Tau Faaofi o le Faatatauina o Tupe 2014/2015. O le Tulafono Tau Faaofi o le Faatatauina o Tupe 2014/2015, o se taimi ona oo lea i ai o se faamatalaga.

O le agaga maualuga i lenei itula, o le agaga o le faafetai, e molimoli atu le faafetai i lau Afoga i le Palemia faapea le Kapeneta ma sui usufono o le Palemene sa mafai ona faatinoina faaalologa masani faale-Malo, i le tuua ai o le Malo e le fetalaiga Tava Faraimo faapea foi le Afoga Taulapapa Faimaala. Faafetai i le amanaia o le tautua a nei sui usufono o lou Itumalo a o galuhue ai o ni sui usufono mo le Palemene o Samoa. Ona pau le mea ua ou maufinoa a umi a ona avea oe ma sui usufono e umi foi ona e ola, o lona uiga o le a ou taumafai ou te toe sau i le isi Paeaiga o lo o lumanai ina ia aua ai nei ou vave oti. Aua a na le see ese lava ma le Nofoa e le vave oo mai le valaau a le Alii, a o le a taumafai lava i ai.

Lau Afoga i le Palemia, faafetai tele lava mo lou finau i le Fono a Malo Tau Atinae Laiti ina ia usua mai iinei.

Afoga Hon Palusalue Faapo II: Lau Afoga i le Fofoga Fetalaí o se mea e fia faasao a o le i see ese le sui usufono mamalu.

FOFOGA FETALAI: O le a le isi mea lea le Taitai o le Itu Agai e te.....?

Afoga Hon Palusalue Faapo II: Ioe lau Afoga i le Fofoga Fetalaí, e faamalu atu i le saunoga.

FOFOGA FETALAI: Maie lau Afoga i le Sui Fofoga Fetalaí se i tuu atu le avanoa i le Taitai o le Itu Agai.

Afoga Hon Palusalue Faapo II: Ona pau lava le mea e pei ona taua e faapea e te le toe sui usufono loa, ua vave ona valaau le A tua ia te oe.

Tulafono Tau Faaofi o le Faataatuaina o Tupe Faaopoopo (Nu.2)
2013/2014 ma le Tulafono Tau Faaofi o le Faataatuaina o Tupe 2014/2015
– felafalafaiga faaauu i luga o le faitauga faalua

Ona ou alofa lea i le Itu le la ona o lea ua saunoa manino le Afioa i le Palemia o le 50% o outou e le toe omai. Ioe, aua e iu ina toe omai uma lava le Tautua. O lona uiga e 50% e le toe sui usufono loa, sauniuni loa i le valaau a le Atua.

FOFOGA FETALAI: O lea e faafofoga le tiapolo ia tatou tala, ae le tatou. O upu a tagata e lafo e faaataata lafoga a o upu e mamala. O upu e fai i totonu o le Maota lenei e le o ni upu faatalasua, tatou te o foi ae i ai le mea e gata ai le tuaoi o a tatou faamatalaga. O le ala lea lau Afioa i le Taitai o le Itu Agai, aua tatou te saunoa faapea ne i mea ane ua tupu se moni o nei faamatalaga tatou te faia. Ia seu pea le manu ma tagai i le galu, o le saunoaga lava a le Sui Fofoga Fetalai ua na o se mea faatusa a o le 50% e le na o se Vaega e faasino i ai o le tatou Palemene atoa.

Na ona ou fautua atu i le paia ma le mamalu o le Maota, ne i tatou faaataata lafoga i faamatalaga, ae ia tatou manatunatu lelei leaga o lea tatou te feola faatasi ma agaga. O agaga ne i i te i ua fai fai a tatou upu iinei ae tatou o atu i fafo tuia se vae o se isi pe see i se paufai, ona faaletonu atu ai lea a o lea tatou te sauniuni atu aua le valaau paia a le Atua i se tasi o o tatou uso a sui usufono.

Tulai mai lau Afioa i le Sui Fofoga Fetalai, aua e te atugalu e le toe tupu le mea lena ua 50 tausaga o le Tutoatasi, ua outou vaai mai foi ua liu tino tagata le upu ma ua tatou oka faatasi ma Keriso e le toe i ai se mea e tupu. Faaauu le saunoaga le sui usufono.

Tofa AGAFILI PATISELA ETEUATI TOLOVAA: Faafetai, ou te ava tele i lau Afioa i le Fofoga Fetalai, pau lava o lea ou te faamanatu atu i le Taitai o le Itu Agai o le Tulafono Tumau e le faasoina e le isi sui usufono le isi sui usufono, na o mea e faamalalama. O manatu lava nei e fai atu ma suaga faa-Palemene ae leai se mea e te atugalu ai.

Faafetai tele i lau Afioa mo lou finau ina ia usuia i Samoa le Fono e pei ona alo atu i ai le tatou Atunuu. E maitauina e le i usuia le Fono a o lea ua selesele tagata Samoa i tapenapenaga ma lelei ua oo i ai tapenapenaga.

Mo se faataitaiga o auala. O le auala lea e ave i autafa o le Falesa Katolifiko i Siusega e agai i uta ua oo atu i Aleisa auala ua maea ona faaleleia, faafetai tele lava. Ua uma foi ona ou vaai i le fale e taua o le Media House o lea ua aafia mai ai ma le Malae Hockey e pei ua lua manu ua maua i le maa e tasi. O se fiafiaga tele lea ia te au aua a maea atu le SIDS a ua matua up-grade lava le Malae Hockey, ua i ai lona fale matamata e le toe susu ai se isi pe a timu. Ua ou vaai ua faaleleia o manuia ia ua amata ona selesele e tagata o le Atunuu a o le i amataina le Fono e pei ona finauina e lau Afioa ina ia usuia mai i Samoa nei.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafalafoaiga faaanau i luga o le faitaunga faahua

Ou te faafetai i le Aiga Ministia i le tele o galuega faatino i lou Itumalo. O le suavai taumafa faafetai lava. O Taga o lo o i lalo o le vaauga a le Samoa Water Authority ua matua lelei atoatoa lo latou vai.

Salalua, faafetai tele i lau Afioaga i le Ministia mo Tina ma Tamaitai, Atinae o Nuu, Afioaga ma Agafesootai. O le mea lava lea na ou finau atu ai i lau Afioaga a o lea ua e tali mai. O taimi nei o lo o ou faatua e saifi ni fesosoani mai fafo. Ua toe foi lava le vai o Salalua i le 40 tausaga talu ai aua o le suavai lea sa feinu ai e oo lava i Salega.

O le taimi nei ua matua maimau lava le suavai, ua ou faafesootaiina nai fesosoani mai fafo ou te manaomia ni tane tai 500 afe hita ina ia faaoga ai le suavai. Faafetai i lau Afioaga i le Ministia mo lou talia mai o le talosaga ina ia mafai ona faaleleia le mata o le vai. Ona ua mafai ona faaleleia le mata o le vai o lena ua e molimauna ina ua e afio atu ua matua alu lava i fafo le suavai, o le mata o le vai ua pa i fafo. O le faatanoa 400 afe hita e le o mafai ona taofia le tele o le suavai i le taimi lenei. Ona pau lava le suavai i lalo o le sami water authority o le vai lea i Gagaemalae, ae talosaga atu e toe silasila pea i ai ona e pei lava o le vai lea o Fogatuli ma le vai o Faiiai o vai lelei na, o vai viii na, ae pei ua faalagaina le sau o le vai i lalo i Gagaemalae ona o le vai la e i Sagone o le vai lena e mai, ae silasila totoa i ai pe ua tatau ona tape le vai lena e i Sagone ae faaoga pea na o vai ia e i Fogatuli ma Faiiai o vai lelei na.

Lau Afioaga i le Ministia mo Galuega, Felauaiga ma Atinae Egesese ou te le toe fai atu i lau Afioaga i auala ona ua taoto atu i lau Afioaga, ma ou te le toe fia tautala foi i le tele o auala galue o lenei itumalo. Ona pau lava lau talosaga, o le auahatele lea e taamilo i le pitonuu lea o Siutu. Ua silasila i ai le Ministia mo Tina ma Tamaitai faapea foi sui o le Malo na afifio atu i le tuumalo o le Tofa Tava Faraimo. Ua leaga tele le auala, a o lea ou te molimau atu o se taimi o le tausaga lenei e lalaga ai le galuega a le Ekalesia Faapotopotoga Kerisiano Samoa i Siutu, ona o le a sii le falesia i uta i le mea o lo o i ai le fale o le faifeau ona ua tele le faalagaina o le falesia i le taimi lenei. O lau talosaga lava lena ma le faaaloalo sei silasila ane i ai pe mafai ona fai i ai se fesosoani. O le malosiaga faaletitise o lo o lelei lava mea uma i le matou motu i Savaii. Ua tuu itititia foi le pe soo o le eletitise, ae ou te tatalo atu e silasila pea i molii auala pe mafai ona faaopoopo nisi molii auala. Ou te talitonu o le tele o tupe alu a le Matagaluega o penisini o taavale, aua e oo loa i le afiafi gasolo uma mai lava taavale i Salelologa, ae ou te fautua atu, pe le i alagatatau i le taimi lenei ona fai ni sub-station i itumalo e mafai ai ona faagaioi ai galuega o auunaga faale-malosiaga faa-eletitise. A faapea e faaletonu se transformer i Salega i le po, e alu atu lava le taavale i Salelologa e fai. Ae a faapea e i ai se sub-station i lena itu o le motu, e mafai ona fai le auunaga i ni mea tutupu faafasaei i Palauli Sisifo, Salega ma se isi i le itu i sasae o Alataua. Ou te talitonu e tele foi se tupe e alu i penisini o taavale i le feoi i le o atu ma omai, o atu ma omai i aso uma lava.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – fefafolafolaiga faauau i luga o le faitauga faatua

Faafetai mo le faaleleia o auala i le motu i Salafai. Ua ou maitauna le tele o le faaleleiga ua pasi atu ma le matou itumalo ua oo atu i Alataua faapea foi le Itu Asau i alatelele ia. Faafetai atu foi i le lelei o le filifiliga o konekarate lea e moaina auala i Savaii. Ou te talifonu lava ua molimauna e lau Afioga i le Palemia faapea foi le mamalu o le Kapeneta, e ese lava le manaia o le teuina o auala i Savaii i mea ia e tau o le vaega lea o konekarate o tauau o le auala, road shoulders. O le manaia ia o le teuina o auala. Ma ou te faafetai lava i le filifiliga o konekarate nei, ae le gata foi i lea o le monitoring a le LTA i Savaii, o lo o latou faatinoina ma mulimulitai pea e faafino lelei le moaina o le vao ma le teuina o tauau o le auala.

Lau Afioga i le Minisita mo Punaoa Faanatura ma le Siosiomaga, ou te faafetai tele atu lava i lau Afioga. E molimauna nei e le Minisita mo Tina ma Tamaitai ma nisi foi, faapea le Taitai o le Itu Agai, ua amata nei ona faagaioi le taligalu i le pitonuu lea o Siutu. Faafetai tele lava i lou tali mai, ona o le laoa lea o Faatoafe na fai ai le maliu, ailoga e toe atoa se 20 mita o le taligalu, ua lata mai tele. Ae faafetai o lea ua faagaioi le konekarate i le fausia o le taligalu. Na ma talanoa ma le tatulu o le konekarate, toe pau lava se tulaga o lo o faatuai ai, o le faataliga o le ie ona o le design fou lea ua i ai konekarate, e i ai le ie e faaologa ona faatoa amata ai lea ona faaputu i luga le maa pei ona manaomia.

Lau Afioga i le Minisita o Aoga, e momoli atu lava le faafetai tele i lau Afioga faapea foi le Ofisa Sili o Pulega ma le mamalu o le Matagaluega i le filifilia o le kolisi o Palauli Sisifo e ave ma se tasi o aoga faapitoa mo le aoaoina o le faasaienisi ma le matematika. Faafetai tele lava. Ou te iloa o lea ua tautala mai lava galuega a le matou kolisi. O lea foi e silafia e le Afioga i le Ofisa Sili o Pulega. Na ou faalogologo i lana polokalame; Salafai Sisifo, leai, Satupaitea ma Palauli e leai, ae misi matou e le taua mai matou, toeititi lava selau pasene i tausaga i latou e au mai i le Iunivesite mai le tausaga 13. Ae faafetai o lea ua faapitoa lava i le aoaoina o le matematika ma le faasaienisi. O lea foi vaiaso faatoa tuana'i atu, ua filifilia ai le aoga tulagalua i Salailua, o le aoga lea e tasi i Savaii ua faapitoa i ai le polokalame lea mo le matematika ma le faasaienisi. Faafetai tele atu lava i lau Afioga i le Minisita faapea foi le Ofisa Sili o Pulega ma le Matagaluega ina ua afea aoga a lenei itumalo mo ia polokalame faapitoa.

Lau Afioga i le Minisita mo le Soifua Maloloina, e momoli atu lava lau faafetai tele i le avanoa ua tuuina mai ou te malaga atu ai i Niu Sila e faauma lou taotoga. E le mafai ona tuuaia le aufaigaluega a le falemai, po o ai lava se isi e tuuaia i le le mafai ona faaumaina iinei i Samoa lou taotoga. Ona ua pau lava ua gau le masini. E leai lava ma se isi e talanoa ma se gau o le masini. Ae faafetai o lea ua e silasila mai faapea foi le Palemene, o lea ua ou tulai atu e leai sau matatioata. Ae faafetai mo le avanoa na ou malaga atu ai i Niu Sila.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaauau i luga o le fatatuga faalua

I le taimi lea sa ou i ai i Niu Sila, sa ou maitauina ai ma ou faatusatusaina le tomai o alii ma tamaitai tausisofua i le falemai mata lea sa ou i ai, faatusatusa i tomai ma se agavaa o tatou tausisofua e ese mai lava i fomai faapitoa. Ua uma ona momoli lau faafetai i le tamaitai pule, le faletua ia Mau, e leai ma se esesega, e tutusa lelei le standard lea ua oo i ai a tatou tausisofua faapena foi i Niu Sila i le falemai lea sa ou taoto ai o le Eye Institute i ina i Remuera. O lona uiga, toe pau lava le mea lea ia tatou, o masini. A lava a tatou masini, e leai se mea e toe ave ai fua ni mai o fofoga e togafiti i fafo. E tolu foi teams ia e omai lava i tausaga uma. O le team mai Fiti lea e faapitoa lava mo matou i Savaii. O le team mai Niu Sila, o le team mai Tasmania. O le team la mai Tasmania, e le i maea le latou galuega ona ua gau le masini. O lea la e toe omai nei ia Setema, ae o lou lava lena talitonuga, toe lava o masini ona atoatoa lea o le auauuaga ma faasooina ai tupe a le Malo i gasegase tau fofoga.

Lau Afioaga i le Minisita mo le Soifua Maloloina e tauuala atu i le Fofoga Fetalai, i le taimi o fausia le falemai lea i Fosalalo, o le medical sub-centre i Taga sa fai ma falemai. Ina ua maea loa ona fausia le falemai, ua toe see atu i ai le auauuaga faa-soifua maloloina. Toeititi lava uma ona toe faaleleia le falemai, o le fale ai ma le faanoemoe mo se polokalame lea a lau Afioaga i fomai e asiasi atu ma nonofo ai. Toeititi lava maea lelei. Ae ou te fatalo atu, ua ou vaai lava ma le alofa i le nuu lea o Taga, ou te talitonu e silafia uma lava e a outou Afioaga le mamao o Taga ma Fosalalo, e le vavalalata, o le matuai mamao lava. O le a se finagalo o lau Afioaga, pe mafai ona toe silasila le Matagaluega pe mafai ona toe fai le medical sub-centre lea ina ia i ai nai valiaau mo manua ma mea faapena, ina ia mafai ai ona tali le manaoga o tagata i se taimi vave. O talosaga na a lenei itumalo.

O le Tala o le Tupe, o le a oo atu i ai se faamatalaga. Ua maea lelei ona silasila le Malo faapea foi Ofisa Siliti o Pulega ma vaega taitasi i le Tala o le Tupe. E fia faamamafa lava i lou sui usufono le Lipoti a le Komiti o Tupe Maua ma Tupe Totogi, ona ou te talitonu o le tele ia o fautuaga taua o lo o i ai. Ae i ai foi Matagaluega e lagona ai le faanoanoa. I le vaega lava ia i le saunoaga a le Afioaga i le Minisita o Tupe, o vaega teletele lava ia e ave i ai le faamuamua, o aoaga, soifua maloloina, sosoo mai loa ma faatoaga.

Ae a silasila i le itulau 13, e tomua lava le faamatalaga a le Komiti i se lagona faanoanoa o le Komiti. Oo mai le isi vaega lena e i ai, “Ua maitauina foi e le Komiti le faatamala o le Matagaluega i le mataitauina o tauuuuga lelei o le polokalame.” Le polokalame lea o le stimulus package ona e le o i ai ni faamuamunga o le aofai o koko, kofe ma niu na toto.

O lo o i ai foi le faamatalaga faapea a le Komiti, “Na talosagaina le Matagaluega ina ia aumai se pepa o faamatalaga e faamatala ai le vaega lea.”

Tulafono Tau Faaofi o le Faatautaina o Tupe Faaopoopo (Nu.2) 2013/2014 ma le Tulafono Tau Faaofi o le Faatautaina o Tupe 2014/2015 – felafolafoaiga faaauau i luga o le faitauga faalua

O lau fesili lau Afioga i le Taitaifono, na aumai se faamatalaga i le tou Komiti i le tulaga lea? Se i tali mai pe a oo i le taimi e te saunoa ai. O isi vaega uma, o lo o i ai foi se vaega faapea i faigafaiva e 4,300 tone i le 2001 o le ia na maua, ae oo mai i le taimi lenei, e sili laitiiti lava i luga i le 1,000. I le 13 tausaga ua faaititia tane ia i le 3,000. O le fesili pe aisea, a o lea e fai mai le Lipoti, e tulaga lelei lava le faitauaofai o ia i le sami. A faapea la o tulaga lelei le faitau o ia o le sami, ae faapefea la ona pau i lalo? Ua leai nisi e fagogota. Ou te fia malamalama i le tulaga lea. Ma le faaaloalo lava.

FOFOGA FETALAI: Malie lau Afioga i le Sui Fofoga Fetalai se i tuu atu le avanoa i le Afioga i le Minisita mo Faatoaga ma Faigafaiva. Tulai mai le Minisita.

Afioga Hon Le Mamea Ropati: Lau Afioga i le Fofoga Fetalai, e faamalie atu i le sui usufono ma ana saunoaga ia e fai mai, aemaise o le Lipoti lea... Faapea lava au e le i oo i le taimi e talanoa ai Lipoti. A o le mea o le ia, e leai ni a tatou pa ia i tai i le sami. O le i'a lea o le tuna e fealualui solo lava i le lalolagi atoa lenei. A alu alu lava ua fia sau, ia sau foi i Samoa. O isi i'a sa i Samoa ae te i ua maua e le aufaifaiva la e i Papua Niu Kini. E faapena le amio a le i'a lea e i ai. E mulimuli lava le i'a i le temperature o le sami. E i ai le mea lea tailo pe silafia e le sui usufono le uiga o le upu lea o le El Nino lea e pisa ai nei o le climate change lea e i ai, e faapena uma lava le mea lea. O lea e taumafai nai a tatou vaafagota e feofeoi solo e sue i'a, ae a faapea e le fia omai lava i'a i Samoa, o le a le tatou mea o le a mafai? O le a tatou o e tatau mai i'a i nei i Samoa e faapefea? E faapena le i'a.

O le isi mea lea e tau ai le stimulus package, e tasi lenei poloketi lelei a le tatou Malo. O lea foi ua i ai nai suiga ia ua fuafua e faalelei atili ai, ae faapena lava le soifuaga lea tatou te i ai, e le atoatoa i nisi taimi, a o isi taimi ua selau pasene, o isi taimi ua le atoatoa. Ae faamalulu atu i le sui usufono ma lana saunoaga, o lea foi e faafofoga mai le matou Matagaluega. Ae le fia o foi le matou Matagaluega e lalafi i tua o se ata o se niu.

E i ai foi false o le Matagaluega latou, aemaise foi o le aufaifaatoaga aua e le o se aufaifaatoaga a le Matagaluega, a aufaifaatoaga a le atunuu. Ia e fuafua lava i nai o tatou faifaatoaga ma le fuafuaga o lo o faatino ai le poloketi. Ae se i ou taumafai ia e tali atu le maemaea o le sui usufono i se taimi pe a ou toe tu atu. Faafetai.

FOFOGA FETALAI: Malo faafetai i lau Afioga i le Minisita. Tulai mai lau Afioga i le Sui Fofoga Fetalai e faaauau le saunoaga.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 -- felafolafoaiga faaauau i luga o le faitauga faalua

Tofa AGARILI PATISEIA ETEUATI TOLOVAA: E faamalulu atu i lau Afiooga i le Minisita, ou te le o faatauagavale i le Matagaluega, o lea ou te talanoa atu i mea ia e tusi mai le Lipoti, e leai lava ma se mea o ou fafaua pe o fai atu i luga o sou lava iloa. O lea ou te talanoa atu i faamatalaga ia e i luga o le Lipoti.

O le fale gaosi aisa lea i Siimu, o lea ua fai mai ua lata ina faamuta. Se pe sao lea mea? O lea ou te iloa o le fale gaosi aisa lea e i Siimu ua tatau ona uma lona faiga, ona e uma loa Siimu sosoo ma Salaitua. Po o sao lea mea? Ou te iloa e le i uma lelei le galuega lea ae ua sau i le Lipoti o lea o le a faamuta. Oi, o le a faamuta o lea e le i tatalaina? Po o le sao lea.

FOFOGA FETALAI: Ia, o le a tuu atu ia le avanoa leaga o lea ua tele fesili ia o lo o agai i le Lipoti a le Komiti o Tupe Maua ma Tupe Totogi. Tulai mai! lau Afiooga i le Taitaifono o le Komiti.

Susuga Hon Papalitelele Niko Lee Hang: Lau Afiooga i le Fofoga Fetalai, ou te le ffa faalavelaveina le saunoaga matagofie a le Afiooga i le sui usufono mamalu, ae ona o lea ua lua fesili, a o le tali i le fesili muamua e le i tuuina mai se faamatalaga i le mea sa talosagaina e le Komiti mo se faamatalaga i le stimulus package lea.

Ma le lona lua, e sese faamaunanga, o la e o lo o faaauau pea le fale aisa. A o le faaupuga e tatau ona i ai, e le tatau ona faamuta. Sa tatau ona faauma pe a faapea o i ai se tulaga e le i... ae o la e ua operate le fale aisa lea i Siimu. Ma lou faalalo lava.

FOFOGA FETALAI: Malo. Tulai mai lau Afiooga i le Sui Fofoga Fetalai e faaauau le saunoaga.

Tofa AGARILI PATISEIA ETEUATI TOLOVAA: Ona ou oo mai lea i le Matagaluega mo Aoga....

FOFOGA FETALAI: Malie lau Afiooga i le Sui Fofoga Fetalai se i tuu atu le avanoa i le sui usufono mo Siimu.

Tofa Hon Tuuu Anasii Leota: Faafetai mo le avanoa. E leai ou te tulai atu e momoli lau faafetai i le Afiooga i le sui usufono o lo o saunoa nei i lona faamanatu mai o le mea lea o le fale aisa i lou tumalo. Faafetai o lea ua tali mai le Taitaifono, ua manino foi. Faafetai mo le avanoa.

FOFOGA FETALAI: Tulai mai le Minisita.

Afiooga Hon Le Mamea Ropati: Lau Afiooga i le Fofoga Fetalai, ua uma foi ona ou talanoa i le... aua sa laga mai e le sui usufono lea e saunoa nei le mataupu lea i le taimi o le malofoga.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaauau i luga o le faitauga faalua

O lea sa ou talatalanoa lelei lava i le sui usufono mamalu mo Siumu, ai o le mea lea na ala ai ona le lavea i lana lauga le fale aisa, leaga o la e ua malie lelei lona finagalo o la e fai lava le fale aisa latou o lea e taumafai ia lelei ia o ifo uma i ai le la itu o le au fagogota ia maua ai ni a latou aisa. Ae leaga la o lea ua laga mai e le sui usufono lea mai Salailua, ia o lea foi e tau fuafua atu i ai se aisa, ae pei lava o le a ou musu e ave i ai se fale aisa. A o lea e tau fuafua atu i ai se fale aisa i Salailua e agai i ai le la faaitu i o, ae se i ou toe mafafau ia pe ave i ai se fale aisa pe leai. O lau toe soso atu lea ma le faaaloalo.

FOFOGA FETALAI: Le sui usufono mo Faleata Sisifo, e i ai se mea o e fia saunoa ai?

Tofa Lealaitupule Rimoni Aiafi: Faaftetai lau Afioga, se i ou fesosoani atu lava i le mataupu lea e laga e le Afioga teaga na maua foi i le Afioga i le Taitaifono sa faapea e....o tone ia e taua e le Afioga i ia, o tone ia o quarter, e fai quarter le mea e fai i atunuu o le Pasefika, o le quarter a lea a Samoa i tausaga taitasi e 4,200 tone e mafai ona tatou entitle i ai, e pau le tone lea e mafai ona pue e tatou i le tausaga e mafai ona maua e na o le 1,200, o lona uiga e ova i le \$20miliona tala Amerika le tupe lea e misi. O lea la sa i ai le fautuaga a le Matagaluega, po o a la mea e mafai ona faatino ai aua o le taimi nei ua le toe i ai ni vaa lapopoa tetele e o e pue mai le ia mai tai. Afai foi ua faipaaga ma laisene ia e ave i atunuu i fafo, e tele foi le faigata mo tatou mo le agai i le lumanai, aua o lona uiga o le a mafatia tatou aufaifaiva laiti. Ia o le faamalalamamaga lea ma le fesosoani foi i le lauga a lea sui usufono.

FOFOGA FETALAI: Malo, malo i lau Afioga i le Komiti o Tupe. Ia tulai mai lau Afioga i le Sui Fofoga Fetalai e faaauau le saunoaga.

Tofa AGAFILI PATISELA ETEUATI TOLOVAA: Faaftetai, e faaauau le lauga a lenei itumalo. Ia e faamalilie atu i lau Afioga i le Minisita mo Faatoaga ma Faigafaiva, na ala ona ou laga le mataupu lea, ina ia sao faamaumauga a le Fono, aua a le laga, e le mafai ona faasaoa, o le a alu ai lava i faamaumauga o le Fonotaga lenei le Lipoti ua faamuta, ae pei o le tulaga lena na ou lagaina ai.

Ia o le faauilavea a le Afioga i le sui usufono mo Faleata Sisifo, ia o la outou Lipoti lava, o lea e sau ai i i la outou Lipoti o lo o manino lelei, e 4300 tone o ia na maua i le tausaga e 2001, e leai se upu tau quarter po o a na mea o sau ai, o la outou Lipoti lava lea ou te talanoa atu ai, e le o se Lipoti a Agafili lea e talanoa atu ai o la outou Lipoti, ae o le a ou see ese ma lea tulaga.

Faaftetai tele i le Minisita mo Aoga, Taaloga ma Aganuu e tusa ai foi ma le faatinoina o le galuega.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiga faaauau i luga o le faitauga faalua

O lea sa fesiligia e se tasi o Komiti, po o sao tonu ia le Matagaluega lea e i ai ia taaloga, o lea e i ai i le Lipoti pe le tatou ona faapulega tumaoiti ia fai se pulega tumaoiti o taaloga. Ia o lau lava talosaga, o lea faatoa sao, o lea ua toe foi lava taaloga i aoga i le mea e tatou ona i ai. I le taimi a o ou aoga mai au i aso la, o taaloga uma lava na faatino i aoga, o le softball, hockey, soka, lakapi, netball na faatino uma i aoga, alu ai alu ai, ona sau loa ua pei lava na o le lakapi ma le netball, e le toe i ai ni taaloga ia o le soka, hockey, netball ma taaloga faapena, o lea la ua toe taoto i i aua e mafai ona lavea i totonu o le curriculum a aoga, faafetai tele lava i le tulaga lea ma ou te tatalo atu lava, ia faatumauiina pea i i i le Matagaluega o Aoga, Taaloga ma Aganuu. E pau lava lau talosaga mulimuli i lau Afoga, o lea ua sau nei le faasoa o tatou malae, ia e lua malae taalo i Savaii, ia o le malae o Aopo ma le malae o Iva, ae amuia lava outou i le Faasalelaga o lo o i ai le malae o Prince Edward, e le i leva foi ona uma ona fai le malae o Lalomalava, ia o lea foi e sau i i i le Lipoti o le malae o Iva lea o le a fai.....

FOFOGA FETALAI: Ia malie lau Afoga i le Sui Fofoga Fetalai, se i tunu atu le faasoa i le Afoga i le Minisita mo Aoga, Taaloga ma Aganuu, tulai mai.

Afoga Hon Magele Mauiliu: Lau Afoga i le Fofoga Fetalai, e na ona....e le o i ai sou malamalamaga po o fai se malae o le matou nuu, o la e faasoa, ia afai o fai, ia sala ina fai, e leai se malae o Iva, e leai se malae o le itumalo e leai se malae o le Primary School, o lea e ave le faamuamua i nuu e leai ni malae, o la e lumafale i le malae faava o malo a le Malo e tologi ona faatoa mafai lea ona faaoga, e le mafai la ona o ae tamaiti aoga e faaoga i aso uma, ia o le faamalamalama lea, faafetai.

FOFOGA FETALAI: Malo, faafetai foi i lau Afoga i le Minisita ma le Matagaluega ua afea le talosaga a lenei itumalo, pe ua tolu ea, toefititi fa tausaga o talosaga atu, a o lea ua maua nei o le tausaga nei o le a faatino ai le malae o si o matou nuu i Aopo, faafetai.
 Ia tulai mai le Sui Fofoga Fetalai.

Tofa AGARILI PATISELA ETEUATI TOLOVAA: Faafetai lava i le faamalamalama a lau Afoga i le Minisita, ia o lea ou te talanoa atu lava i luga o le Lipoti a le Komiti, o malae ia e lua, ae pei lava ona ou fai atu, amuia la outou itumalo e tele malae lelei na ua i ai.

FOFOGA FETALAI: Ia tulai mai lau Afoga i le Palemia.

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafalafaiga faaauau i luga o le faitauga faalua

Susuga Hon Tuilaepa Fatialofa Lupesoliai Aiono Neiotti Sailele Malifelegaai: Lau Afioaga i le Fofoga Fetalai, o mea nei o malae faava o malo, e tasi lava le agaga e fai ai taaloga faava o malo, o lona uiga a aumai ia Au mai fafo e mafai ai ona fai ai taaloga, ae o le ala foi la lena e malupuipua ai i le tulaga o le sio atoa o le malae i uaca maualuluga ina ia malu e leai se isi e soona alu soli. Sa i ai le faanununu sa i ai i le amataga o le polokalame lenei, ona o le manao o lea itumalo e tau o le malae faava o malo, ae sa tele ina ou faamalalamaina i totonu o le Maota lenei, na o le lua lava malae faava o malo, o le Apia Park iinei mo taaloga lakapi ma isi lava taaloga ona e malupuipua ma e faigofie foi ona ao seleni e faagaioi ai galuega e tatau ona faaleleia ai le malae, ona faapena foi lea ma Savaii i Iva. O malae la na, e le soona lotea, e taofiofi lava a i ai le taimi e aumai ai ia le au taalo i fafo ona o lea i Savaii fai ai se taaloga, e fai i i totonu o le malae lea, ona e tatau ona ao le seleni e totogi ai. O le taugata ia o nei mea o le aumai o Au mai fafo e taaalo i Samoa nei. E tatau lava la ona ao se seleni e le taga ai le mea lea o le o fua, aua na o le gau aano ai o le Iuni Lakapi pe a faapea o se taaloga lakapi, e oo mai nei o le matua tele o le OD o lo o galue ai le Iuni Lakapi ona o mea nei o taaloga nei e auai, ua le tutusa le tulaga sa masani ona i ai ma le taimi lenei.

Lau Afioaga i le Fofoga Fetalai, ua ou manatu e tatau ona faamaioio mea ia ona o lo o tele lava le faanununu i tulaga ia o malae, e le soona faaaga ia malae faava o malo ona o tulaga ia a i ai loa ni taaloga e fai mai iinei, o i tonu lava e fai ai e malupuipua e mafai ai ona ao ai le seleni e toe totogi uma ai le tele o tupe alu i le aumaiga o Au tetele mai fafo e taaalo i Samoa, lau Afioaga ia o le faamalalamaga lena ina ia manino.

FOFOGA FETALAI: Malo faafetai. Tulai mai lau Afioaga i le Sui Fofoga Fetalai, ua toe lima ou minute.

Tofa AGAFILI PATISELA ETEUATI TOLOVAA: Faafetai i lau Afioaga i le Fofoga Fetalai, ia o le a taatia atu ia lea mataupu i lau Afioaga i le Minisita mo Aoga, Taaloga ma Aganuu, ou te talitonu lava o oe o se tagata e te naunau ia telei ia le atinae o taaloga i totonu o le tatou atunuu. Ae na ala ona ou laga le tulaga lea, o le nuu lea o Taga o lea e taaalo mai i le Iuni Lakapi a Satupaitea ma Palauli, o Salailua o la e taaalo i le Iuni Lakapi a le Itu Asau ae fai i Falealupo, e fai i Falealupo taaloga. O le fesili, atsea? E leai ma se malae talafeagai i Salega po o Palauli Sisifo e faatino ai se matou Iuni. Sa matou tatatalanoa foi ma uso a sui usufono mai Salega, e tau fai se Iuni Lakapi ona ua mamao tele le mea e feoai ai ia au a nuu, ne i te i ua i ai se faalavelave e tupu, ia ae leai se malae e talafeagai i le taimi lenei, pei o le tulaga lena na ou laga atu ai i lau Afioaga i le Minisita.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafelafogaiga faaanau i luga o le faitauga faahua

Lau Afoga i le Fofoga Fetala'i, e talia ma le fa'afia e lenei itumalo le Tala o le Tupe, faamalo ma faafetai atu ai i lau Afoga i le Minisita o Tupe faapea foi ia lau Afoga i le Palemia e tusa ai ma le Tala o le Tupe.

O le a seu i fanua se faamatataga a Palaui Sisifo, talosia ia le tatou Fonotaga ia faaifo mai i lagi manu i sui usufono filifilia o le Palemene, alofagia e le Atua lau Afoga i le Fofoga Fetala'i faapea foi le Taitai o le Malo, le aiga Kapeneta, faapea foi ia sui usufono taitasi o sui usufono o itumalo, ia manuia foi le Afoga i le Taitai o le Itu Agai, ae faapea foi le Faliutusi ma le Ofisa o le Fono, ia manuia foi ia faaululuga o Matagaluega e faapea foi ia ofisa sinia ua mafai ona tatou faatasi, manuia foi le tapuai faafogafoga mai a Samoa e mai manga tetele se i oo lava i maugai'i, ia manuia le tatou Fonotaga, faafetai.

FOFOGA FETALAI: Malo faafetai saunua i lau Afoga i le Sui Fofoga Fetala'i. Ou te talitonu ua tele le sao taua o le tatou itumalo e ala i le tatou Tala o le Tupe.

Lau Afoga i le Tuia'ua Faanofonofu le sui usufono mo Aleipata Itupa i Lalo, tulai maia, o lea ua avanoa le Maota mo lau saunouaga. Tulai mai le sui usufono.

Afoga TAFUA MALUELUE TAFUA (Aleipata Itupa i Lalo): Faafetai lava i lau Afoga i le Fofoga Fetala'i faapea foi le pala ma le mamalu ua sasa'o nei o sui usufono, e faapea foi le tapu'iga a Samoa, aemaise lou itumalo o Aleipata Itupa i Lalo atoa foi ma le fale i luga o Lepa, Saleapaga, Lotofaga e faasolo mai lava i i Luatannu ia ma Falea'ihii faapea foi ma Satupaita, o nai Minisita ia o lea o lo o i ou fuma, o lea e taputapu'ia faiva o le lauga.

Lau Afoga i le Fofoga Fetala'i, masalo o so o se Malo lava tau atiae, ona pau lava le mea e mafai ona faatino ai atinae, o nonogatupe ma tupe faameaalofa, ia atonu o le agaga lena o lea e taumafai atu ma o le mau lena a lenei sui usufono, e momoli atu ai le agaga faafetai mo le tatou Tala o le Tupe. E muamua ia ona ou faafetai i le Minisita o Tupe le Afoga i le Palemia faapea foi ia Matagaluega aemaise le Matagaluega o Tupe, aua e le faigofie lenei galuega. E avea foi lenei avanoa e molimoli atu ai le agaga faafetai i sui uma o Matagaluega taitasi, o faaululuga o Matagaluega faapea Faalapotopotoga Tumaoti a le Malo, ia faapea foi ma o latou sui lagolago, e le gata i lea a o i latou sa matou i ai mo le lua vaiaso o le ta'aso ma le afiafi mo le saili'iliina o le Tala o le Tupe.

O le mea muamua lava e faamanino o fesili ia sa....ia masalo o le a taafia ia o le a ou le oo i ai ma le alu ai fu'a o lou taimi, ae sa matou talanoaina le mataupu lea na loto nei e uiga i le fagotaina o i'a e 4000 ma ona tupu ia tane sa maua i le 2001, o lea ua saunua mai le Afoga i le Minisita e saotele lava e faaopoopo atu ai i le saunouaga a le Minisita.

18 JUNI 2014

Tulafono Tau Faaofi o le Faataatuaina o Tupe Faaopoopo (Nu.2)
 2013/2014 ma le Tulafono Tau Faaofi o le Faataatuaina o Tupe 2014/2015
 – felafolafoaiga faaauau i luga o le faitaanga faatua

O le isi tulaga ia sa fesiligia le Matagaluega, pe aisea ua le ausia ai le tele o tupe maua mai le tatou vaega o le au fagogota, ia a o le tali na aumai, ia maimau pe ana toe ausia lea vaegatupe tele e maua i lea vaitaimi, ae ui o lea, pei o le mafuaaga lava sa logo mai e le Matagaluega, o pole sa i ai e 11, ia alu ai lea i le matagi, ma gaoi e nisi o tagata ia pole foi ia e faalalata ai i'a i gatai o Upolu ma Sava'ii, o lea ua tele ina gaoia e le gata i lea ua tafefea. Ae maua foi lenei avanoa lau Afioga i le Minisita e fai atu ai se tuualalo ma se fautuaga, pe faamata e i ai se auuala e ono mafai ai ona faapipii ai se beacon i lalo o pole nei, e faafaigofie ai ona trace pe afai e gaoia ia pe tafefea foi. Aua o lea e matau e i ai le tatou mea e fai pei o le GPS System o le vessel o le a ea le igoa o le mea, e trace ina le aufaifaiva ma tulaga faapea.

A o le tulaga o le Ofisa o Faatoaga, e lelei ona faauma atu nai vaega laiti ia.....

FOFOGA FETALAI: Malie le sui usufono o lo o saunoo, se i tuu atu le avanoa i le faauilavea a le Afioga i le Palemia, tulai mai lau Afioga.

Susuga Hon Tuilaepa Fatiafola Lupesoliai Aiono Neioti Sailele Malielegaoi: Lau Afioga i le Fofoga Fetalai, mai i le 2000 faasolosolo mai ai, sa tele ina asiaasia lou ofisa i le tele o le aufai vaafagota, ona ua le mafai ona totogi a latou loans, ia sa ou fesilisili i ai, pe mafua aisea ona le mafai ai? O le latou tali, ua le o toe tutusa ia le tele o i'a ua latou maua, e tele foi o isi ua faataua ese a latou vaa ona ua le o toe tele se i'a, e sao le tulaga lea o le migrant species iinei i Samoa, nei, e sue atu ua leai, ua move agai i luga o isi sone, ma o lea foi ou te le iloa pe sa mafai e nisi o tatou nei ona o e fagogota, e tele taimi na ou alu ai i vaa, e iloa loa se igafu e matua fiu e tuli le igafu, pe atoa lava le tolu itula o tuli isi igafu, o i ina na ou iloa ai le mafatia tele o mea nei o vaa e o e tuli le igafu. O le tele foi o isi vaa sa tele ina matau mea o albacore aua e matau vaa na, ua le o toe tutusa foi ia le i'a sa mafai ona latou maua. O le tele lena o lau galuega sa fai o le fautuaina o le Development Bank ina ia tau taofiofi le televave e tasei vaa o tagata ma faatau o latou fanua. Na ou fai atu i ai, e leai se mea tou te televave ai o na e i ai security. Ia tuu le avanoa i o tatou tagata faifaiva se i tau talitali pea.

O lea na saunoo manino le Minisita mo Faatoaga ma le Faleoloo o Faatoaga i le suiga o le tai e mafanafana ai ma le toe maua ni i'a iinei ae move ese i atunuu malulu. O le tulaga o i'a e sau mai lalo i le itu i Saute, pe i lava o le vaitaimi o Tesema ma faasolo mai ai nei ma agai atu ai i Matu. Sa tele foi ina fe-sastai ai nisi ma fai mai e mafua nei mea ona o vaa tetele, e le afaina lena tulaga pe ana faapea e nonofo i'a i se mea e tasi a o le i'a eva, e eva iinei ae oo atu taeao ua eva i Iapani.

Tulafono Tau Faaofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faaofi o le Faatatauina o Tupe 2014/2015
 – felafolafolaiiga faaauau i luga o le faitauga faalua

Lau Afoga i le Fofoga Fetalai, ua ala ona ou taua lea mea ona ua matua sese atoa lava le tulaga lea ou te faalogo atu i ai o lo o aumai pea, a o au lea sa ou talanoa i tagata nei e mafatia i le tulaga o le 'ia ona ua over fish, ua malosi tele le over fish le tele o vaa fagota mai fafo i zone i lalo ma faasolo ane ai i luga.

O Samoa, o le matua latiti lava o le zone fagota, 5 mila i fafo e muta mai ai tatou, o le 5 maila foi lena sa faataoto ai mea ia o pole. O lea ou te talanoa atu i pole leaga o le toatele o outou e le i oo i ai, a o Au na ou mauu i lalo o le pole. Ua ma o ma o ma le isi tagata mauu ua toetiti atoa le selau futu i lalo na ma o ai ou fai atu, sole, ta toe o i luga, e tasi lava le tamai maea e taupe ifo i luga e alu i lalo ona tupu ai lea o le limu ona o atu lea o nai tamaifai i'a ma pipii ai, ona omai lea o isi i'a feoloolo ma aai ai, omai loa ma i'a lapopoa. Ou fai atu – ta o i luga, ona ma o ae lea i luga, ou fai atu aua ta te toe o i lalo. O i e omai ai i'a tetele o le matua fiafia o i'a tetele e ai taua pe a ta toe o i lalo.

E ala ona ou tau atu nei mea ona o le tele o nei mea e le i oo i ai se isi o outou, a o Au lea na mauu i lalo o pole nei. O le tele foi o nei pole e masani ona omai vaa tetele mai fafo ma taula ai ma fataitali ai ni i'a ona o ane lea o i latou ave ma o atu ai ma malepe atu ai ma pole nei. O le matua tele lava o tuppe a le Malo na alu ai ona o uiga na o isi vaa tetele e omai taula ai atoa foi ma tatou vaa, a o mea nei e taula ai pole e le mamafa tele. O lea foi e taumafai le Malo e faanoga mea ia – o le tulaga lelei la lea ua vaai atu i ai i le suiga o le tau ua maua mai i ata mai satelite ua mafanafana le ala o i'a i le itu Sisifo o le atu Pasefika i luga ae o Papua Niu Kini, o le atunuu lena e tele ai le i'a. O le tele o le vaega lena ua amata ona mafanafana. O lona uiga o le mea lea i ai e ono agai mai iinei i'a i le mea lea e le i oo i ai le mafanafana. O le mafuaaga foi lena ua amata ai ona ganai mai mafaufau o Falei'a e omai i le itu lenei ona e tele le lumanai lea e taatitia mai luma mo Atunuu nei o lo o i le itu i Sasae o le Pasefika.

Lau Afoga i le Fofoga Fetalai, ua ou manatu e oo i ai se upu i ona o lea e tele lava le fenuumiai ma tuuai ai fua le Matagaluega i le tulaga o faamaumauga, a o le mea moni lava a talanoa ia i latou tonu e fai vaa, o i latou tonu lava na e malamalama lelei i le mea lea ou te talanoa atu i ai. E leaga o i latou nei e o atu ma ou interview ina ma talanoa i ai i le tulaga o faafitauli o lo o feagai ma i latou ma mafua ai ona fai le laveai ina ia faaauau ai pea a latou fagotaga ma maua ai pea a latou i'a.

O le isi tulaga lelei lea o le a tulai mai nei, o Kamupani nei sa tau atu, afai e manuia le faamoemoe lea i le vaiaso fou e taunuu mai ai le isi Team e faaiu mai iinei le faatalatalanoaga e ono amata le vaega lena i le tausaga fou. E amata i le fiatou o i'a a i latou nei e maua ona tele ai lea o a latou seleni e maua ma faatupu atili ai le agaga fia fagota, ona o lea o le a mafai ona maua se auala e avatu ai a latou i'a i fafo.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafoaiga faaauu i luga o le faitauga faalua

A o le faaiuga o le tausaga e ono uma ai le latou fale ma amata ai loa le isi vaega lea o le latou gaioiga e vavaese ai tino o i'a ma faalele sao ai i Amerika mo le maketi o lo o i ai a le Pumple Bee. O faamanuiaga na lea ua faapepepe mai i o tatou luga, a oo ina faatino e tele se manuia mo le tatou aufaifaiva e maua mai ai, e le gata i lena a o le a televave ai foi le tupu o le tatou tamaoiga mai taumafaiga o lo o fai e le Matagaluega o Faatoaga ma Faigafaiva.

FOFOGA FETALAI: Mo le faasaoina o le taimi o le sui usufono se i tulai mai le Minisita mo Faatoaga ma Faigafaiva.

Afioga Hon Le Mamea Ropati: Lau Afioga i le Fofoga Fetalai, e faamalie atu i le sui usufono mamalu, na o se faaopoopo atu lava i le saunoaga a le Afioga i le Palemia. O lena ua outou faafofoga o lea sa mauu le tocinai lalo i le mea sa i ai pole ma vaavaai ai.

O au foi sa i ai lou vaa fagota i aso la, sa ou fagota ai ma tuli atu. O le mea lea ua fai i pole i le vaitaimi lenei aua o pole i taimi na ma le lata mai sa fai le tamai vaa e float i luga ona alu lea o le afa, o le tele o a tatou pole e o atu tagata – e pei ona saunoa le Palemia e o atu taula ai o latou vaa ma faatalitali i le vaveao aua o taimi na e oso ai le mafua, o le taimi ua amata ona oso ae le la ona faatoa sau loa lea o le atu ma i'a lapopoa ona faatoa fai loa lea o le tuliga atu. O le mea e leai ai, o isi vaa e taula ai i ina ma titiipi ane ai le maea i le vaega o lo o taula ai le pole, vaeatu le Maota ma tafea ai lava ma le pole.

O le faiga la ua amata ona fai i le masina ua tuanai ua fai le faiga foi lea o le fai faa-filifili le pole lea e tuu i luga aua ai nei i mafai ona ooti se isi le filifili, masalo po o le fa mita ona taula loa lea i le manoa i lalō le faiga o pole. E valu tatou pole ua uma ona fai ma o le a tufatufa i tua, ua tele tupe a le Malo e alu i pole a ua faaleaga e tagata e le lelei mafaufau. E faamalie atu i le sui usufono ma lana lauga, e faigata ona tuu i ai ni pigeons e uma lava ona faaleaga e le aufaifaiva, o le mea taua ia fai se pole foi lea e le mafai ona faaleaga e le aufaifaiva, o le mea taua mea ua fuafua ina ia faa-uamea e aua ai nei mafai e se vaa ona momotu se pole.

O le season o le i'a e amata mai ia Aperila ua tele le i'a e oo atu ia Iuni, Iulai e pei ona saunoa le Palemia o le taimi lena e tele ai le tatou i'a lea o le tuna. Ona oo foi lea ia Oketopa ma Tesema ua oo foi i lalo, e pe i o le tulaga lena. Ua faigata lenei vaitaimi i tatou vaa ona o le latou molimau ua faaletele se i'a e sau i le taimi lea e fia fagogota ai. O le mea aupito sili ma matautia tailo po o tou silafia vaa nei e omai ma transit i tai a latou vaa fagota mai Saina o le matua tele o i'a o lo o i ai i totonu. O vaa na e o fagogota solo i isi atunuu ona omai loa lea transit i Asia ma ave ai i fafo le i'a.

18 IUNI 2014

Tulafono Tau Faoofi o le Faatatauina o Tupe Faaopoopo (Nu.2)
 2013/2014 ma le Tulafono Tau Faoofi o le Faatatauina o Tupe 2014/2015
 – felafalafoaiga faaanau i luga o le faitauga faalua

Na fai le matou fono ma le aufai vaafagota , ou fai atu, e leaga lenei mea o lo ta alu atu i tai o la e lau lau le i'a, ae ou sau i le tatou tamai uafu lea i gatari o lo o tutu tatou vaa fagota e le o fagogota, ae faapea mai foi o le faugata o le penisini ma isi lava mau excuses. O le mea lea e i ai ua vaavaai le Matagaluega i se isi faiga e toe faaso ai i luga le tatou interesting i le i'a, o le i'a o le isi lea mea e le pei o le faiga o le faataga e toto, na o le tatou o lava a lelei le faira o le tele foi na o i'a ma tele le exports. O le a ou le fai atua se fuafuga o lo o tau fai mo le taimi nei atonu o se taimi lata mai ona outou faafogoga lea i ai, a o le a taumafai se isi faiga e tele ai le tatou export i le i'a. E pei ona saunao le Palemia e lafititi le tatou zone e 200 maila ona e lafititi lo tatou Atunuu, e tele atu ai zone o Toelan, Tuvatu ma isi Atunuu lata mai aua e tele o latou motu.

O le fesosoani atu lea e faamalie atu ai i le sui usufono ona o le faalavelave ona sa tau faamalamalama atu nai vaega nei e lavea mai i lau lauga.

FOFOGA FETALAI: Faafetai tele i lau Afogoga i le Minisita mo le faamalamalama, tulai mai le sui usufono e faaauau le saunoaga.

Afoga TAFUA MALUELUE TAFUA: Ua tau sola foi manatu ua umi ona motu le faiga pole ma le faiga i'a. Faafetai i lau Afogoga i le Palemia ae faitai malie alii sia tatou mea ua ou vaai atu pe i ua outou faitai. E mo le silafia e le Palemene ma le paia o le Atunuu o lo o faafogoga mai, o la matou Komiti a o atu le Ofisa Sili o Pulega ma Ofisa Sili Lagolago po o le toafa po o le toalima ona matou fesili lea i ai. O a matou fesili la nei e faamaunau e le Failautusi, lea e i ai le Lipoti lenei na matou autiliilita masalo po o le lua i le tolu aso. O mea uma nei e faamaunau o upu ma tala na aumai e le Matagaluega, e leai se mea o faaopoopo i ai e matou, sa ou faamaunauina foi ma o au notes nei ou te mulimuilta i ai, ae faamatulu atu ia outou Afogoga pe afai o afaina se finagalo.

Susuga Hon Tuliapa Fatitalofa Lupesoliai Aiono Neioti Satilele Malielegaoi: Lau Afogoga i le Fofoga Fetalai, o faamalamalama nei e avatu e le o se faitiaina o saunoaga. Na ona toe faaopoopo atu ma faamalamalama itu nei, aua o le mea moni lava e moni lava foi o i latou nei o Ofisa Sili o Pulega ma Ofisa Sili o Pulega Lagolago alloga ua o e fagogota, alloga foi o talanoa i le aufaifaiva. O le ala lena e toe avatu ai nai faamatataga nei, leaga o mea nei o tagata e utia i mafatiaga e le o i ni Ofisa Sili o Pulega ae omai i Minisita aemaise o Au, aua a o atu e le maua le Minisita ona omai sao lea ia te Au. E i ai lava le talitonga foi lea – se tatou o i luga, e i ai le taimi na telefoni mai ai Le Ao o le Malo, Malietoa ia te Au. Se se i vaai ane lava le toehina lea. O le uiga lena e i ai taimi e faalavelave ai tagata i Ofisa Sili o Pulega ona fai le i ai, e te liloa e maua le tali mai le Palemia po o le Ao o le Malo.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– fetalafoafoaiga faaauau i luga o le faitauga faatua

Ona faapea foi lea o tagata, e maualo le Palemia ae sili ona ou alu sao i Le Ao o le Malo. Ona alu loa lea ma faalavelave i Le Ao o le Malo ma telefoni mai Le Ao o le Malo, lea o le a toe tuli atu le olomatua lea ia te oe. Ou fai atu, ia toe tuli mai aua o le uiga na o tatou tagata e le fia o i le aualii nei e tau i ai o latou mafatiaga ae o lava i luga, afai e le o maua foi e i latou o le mafuaaga lena e le o maua atoatoa ai. Ae a faapoopo la latou molimau e tuuina atu ma le matou foi faapoopo atu ona faatoa atoa loa lea.

Lau Afioga i le Fofoga Fetalai, o le ala lena ina ne i te i ua manatu le sui usufono ua faitioina lana saunoaga. O le aoga o lana saunoaga ua maua ai le avanoa e toe faamalalama atili ai isi mataupu nei atonu e le i atoa ona avatu e alii o le Matagaluega sa o latou talanoa.

FOFOGA FETALAI: Malo faafetai i lau Afioga i le Palemia, tulai mai le sui usufono e faaauau le saunoaga.

Afioga TAFUA MALUELUE TAFUA: Faafetai lava i lau Afioga i le Palemia. Se ua galo lava ona tau atu, sa fai lau miti anapo, o lau miti fai mai, maumau pe ana i Iosefa se i faitaua lata miti. Fai mai ua malilie le Kapeneta e taitai e Afioga i le Palemia o le a faia se auala mo Aleipata e oso atu i Fagatoa e penefiti ai la oe alii... E faapea o le miti lea. O le a ou see ese ma le vaega lea o pole. Ae ou te le i see ese la, se i faasilasila atu, o pole uma nei sa i le taulaga i Apia, e leai lava ma se pole ou te le i taele ai i luga ma ou aau ai luga ma ou mauu ai i lalo. O le aso faatoa 12 ou tausaga sa fai lou tamai vaa apa, e fai ma le tamai foe laupapa, ou te alu atu lava i le Vaisigano ou atu ai i lalo ae a alu ifo se meli i tai magoto ai lou vaa, toetiti lava ou malemo ai vaeatu le paia o le Maota. O le mea foi la lea o le pole ua ta foi mai ai i le mea ta te aau ai ota oso ai i luga ma faapena. Ae aoga tele le mea lea o le pole o lea ua maua nei na o le tolu pole ia e i totonu o Samoa.

FOFOGA FETALAI: Malie lava Tafua se i tulai mai Lealailepule pe na ae foi i se pole.

Tofa Lealailepule Rimoni Aiafi: Lau Afioga i le Fofoga Fetalai, o lea tatou te talanoa i pole fagota i tai i le sami, e ese lava le pole lea e i Matautu i tua i le tamai vai foi lele e tafe aue i ina.

Susuga Hon Tuilaepa Fatialofa Lufesoliali Aiono Ncioti Sailele Malielegaoli: Lau Afioga i le Fofoga Fetalai, e sao lelei le sui usufono mo Aleipata Itupa i Luga. E leaga e faatafea mai ia i lona vaa apa ae faatafea mai au i lou vaa kalone, ona gogoto loa lea. Na o le lua lava futu le mea e te oo ai i lalo i le palapata.

Tulafono Tau Faaoifi o le Faatatauina o Tupe Faapoopo (Nu.2)
2013/2014 ma le Tulafono Tau Faaoifi o le Faatatauina o Tupe 2014/2015
– fetafotafotaiiga faaauau i luga o le faitauga faalua

A o le mea lea o le pole, e 50 futu le manulato e te alu ifo ai i le pole lea e i ai nei e tau i lalo. O mea la nei o vaa apa, na o le lua lava futu, e le taitai e oo i lalo i le loloto.

FOFOGA FETALAI: Ia, aua e te popole i le saunoaga a Lealalepule ia e gata lava ia i gauta i Vaimoso. Tulai mai le sui usufono mamalu e saunua.

Afioga TARUA MALUELE TAFUA: Ona ou oo mai lea i le Minisita mo Faamasinoga, le Afioga i le Sao Faapito. O lea sa i ai le vaega o le Matagaluega o Faamasinoga na ou oo atu faapea e le aafia tagata molia uma i soligatulafono se i vagana le tagata ua au i luga i le Supreme Court. O le fesili la ma le faaalalo i lau Afioga, pe aisea ua fai ai lea tulaga, e foliga mai e faaituau, na o le Supreme Court e tologi le legal aid a o le isi vaega foi lea e le o maua, ae atonu o latou tonu ia o lea e faasino i ai le Tulafono lea e penefiti ai mo le tologiina o latou loia. O le fesili lea ma le faaalalo ae se i oo i le taimi e te saunua mai ai, ona e saunua mai lea.

Sa saunua anapo le matou faipule, si ou uso sui usufono mai Lalomamu, le fetalaiga ia Saleaunua, e le tele ni upu o le lauga. Na pau lava le mea na ona ou faapoopo i le saunoga a lou uso a sui usufono e uiga i le matou kolisi i Aleipata. Faamolemole lau Afioga i le Minisita a maua foi se avanoa e te asiasi atu ai manaita ae moomia lava ni faitaoga faapoopo i ai mo faitaoga o lo o i ai i le taimi nei.

I lea lava nota, fafetai i lau Afioga i le Minisita mo Galuega, Felauaiga ma Atinae Esese. O lea e i lalo o galuega faatino e lua a le Pulega o le LTA, le vaega foi lea e vaia o tatou auala nai auala ia ua leva foi ona talosagaina e i ai le auala i Utufaalalafa, o Saleaunuaata, talu mai ona uma le Tsunami e le i soo lava le auala lea, ae 20+ aiga e aofia ai. O le lautele ua leva ona motu, na motu lava masalo po o le vaitaimi o Ofa pe a. Ae faafetai tele i lau Afioga i le Minisita o lea ua talia talosaga, o lea foi e faafofoga mai le itumalo, o lea ua i ai le lisi o galuega faatino a le Malo, e momoli atu ai le agaga faafetai ma le faamalo i lea tulaga.

Ou te lagolago atu ai foi i le talosaga na avatu i le auala foi lea o tatou lea ua maea ona fai le tumau temporary road lea e fai i le mea lea sa ai le agaga faafetai o lea ua saunua mai lau Afioga, ua uma ona faataafia mo le tulaga lea. Na pau lava le mea sa popole ai, ua lua taavale e laveva ai talu ai ona mallilu tagata e toafa ma sa ave le isi tagata i le falemai, na tigaina lava. Ia atonu lava po o le le lava o ni faailoilo sa i ai i lea vaitau, a o la e ua i ai faailoilo e faailoa atu ai e faalemu le alu o le taavale, ma e tasi le laina o le tatou auala.

18 IUNI 2014

Tulafono Tau Faaofi o le Faatatauina o Tupe Faaopoopo (Nu.2)
2013/2014 ma le Tulafono Tau Faaofi o le Faatatauina o Tupe 2014/2015
– felafolafolaiga faaauau i luga o le faitauga faalua

Ma o le popolega lena sa i ai, masalo toetiitii fa maila i le va ma le mea na i ai le sign e faapea e tasi, one way bridge ma le mea e i ai le auala laupapa. E oo atu la le tagata ua galo le mea sa vaai ai i le sign lena lea e i le magatolu foi lea i Lotofaga, pei lava o gauta o Tiavea e i ai. Lona uiga toetiitii lava uma lelei Richardson track pe fia kilomita le umi faatoa e tau i le auala laupapa lea one way bridge, a o lena e i o le sign e mamao a. Na pau lava le mea sa talosaga atu ai i lau Afioga faamolemole, sina mea e slow down ai le taavale po o se mea faapena e reduce ai le speed o le taavale, aua e sao le auala lea ma e tele ina saasaoa le o ai o taavale. O le talosaga lea ma le faaaloalo i lau Afioga.

FOFOGA FETALAI: Ou te faamalulu atu i lau Afioga i le sui usufono mo Aleipata Itupa i Lalo. Ona o lea ua taunuu tonu i lo tatou taimi malolo. E i ai le talitonuga o le a tuu atu le avanoa e faamaea mai ai le saunoaga i le aso a taeao pe a tatou toe talii mai i le taimi masani. Ou te manatu le Palemene, ua tatau ona fai se tatou malologa. O lo o taumafai mai le aufaigaluega ona ua outou silasila atu ua fai sina poulluli o le Maota nei ona o le toe faaleleia, o lea ua tatau ai ona tatou malolo ae se i faatino galuega a le aufaigaluega aemaise ua tatau foi ona fai se faasiliga malosi mo le Palemene aua le aso a taeao.

E momoli atu le faafetai tele i le paia ma le mamalu o le Palemene e ala i le tauavagameaina o a tatou galuega mai le taeao e oo mai i lenei toe taimi o le afiafi. Faafetai le usufono, faafetai le onosai, faafetai saunoa, faafetai fetalai, faafetai foi malele. Ou te talitonu o lea lava tatou te alu i alafua ona o lea lava e atoa le fuainumera e pei o le aso ananafi. E momoli atu ai le agaga faafetai tele i le paia ma le mamalu o le Maota e ala i le tatou faatofalaita i leneci aso.

E faafetai atu foi i le paia ma le mamalu o Matagaluega ma Faalapotopotoga a le Malo, malo i lo outou onosai mai. Masalo a tatou alo i le apefoe lenei, masalo e oo atu i le taimi lenei taeao ua pasia le Tala o le Tupe pe a maea Tali a le Malo i le aoauli ma tatou faasolo ai e pei ona i ai, ae e momoli atu le faafetai i lau tapuaiga Samoa i lenei itula afiafi, malo le tapuai mai. E talitonu le faamoemoe ua tatou tulalata i le taimi o malologa ma tatou tapuaiga masani o le afiafi, tatou tau fai tatalo i le Atua ta nono pea manu ma ulimasao le tatou folauga ina ia tatou aulia le aso fou a taeao.

A o le i faaituina le tatou Fonotaga, Taefu, o Farao na miti ae faamatala e Iosefa. Ia fai sau tatalo malie e fai ai se miti malie a le tatou Palemene i lenei po ona tatou alafai lea i le taeao o muamua.

Na motusia Felafolafolaiga ina ua tolopo Taulalumaga a le Fono Aoa o i le itula e 7:04 i le po seia aulia le itula e 9:00 i le taeao o le Aso Tofi, 19 Iuni 2014.